



REPUBLIKA E SHQIPËRISË
BASHKIA PRRENJAS

Nr 1190 Prot

Datë 08/04/2020

VENDIM

Nr. 47 datë 30/03/2020

PËR

“PËR MIRATIMIN E RREGULLORES SË BRENDSHME TË FUNKSIONIT TË KËSHILLIT
BASHKIAK PRRENJAS”

Mbështetur në nenin 54 shkronja “a” të Ligjit nr.139/2015 “Për Vetëqeverisjen Vendore”, Ligji nr. 8417 datë 21.10.1998 “Kushtetuta e Republikës së Shqipërisë”, i ndryshuar, Ligji nr. 8548 datë 11.11.1999 “Për Ratifikimin e Kartës Europianëtë Autonomisë Vendore”, Ligji nr. 8137 datë 31.07.1996 “Për ratifikimin e Konventës Europiane për Mbrotjfen e të Drejtave të Njeriut dhe Lirive Themelore”, Ligji nr. 44 datë 30.4.2015 “Kodi i Procedurave Administrative i Republikës së Shqipërisë, Ligji nr. 8480 date 27.5.1999, “Për Funksionimin e Organeve Kolegjiale të Administratës Shtetërore dhe Enteve Publike”, Ligji nr. 119 datë 18.09.2014 “Për të drejtën e Informimit” në mbledhjen e datës 30.03.2020 ,

KËSHILLI BASHKIAK

VENDOSI:

1. Miratimin e Rregullores së Brëndshme të Funksionit të Këshillit Bashkiak Prrenjas.
2. Miratimin e Rregullores së Këshillit Bashkiak “Për marrëdhëniet e Këshillit Bashkiak me Publikun dhe Median”
3. Miratimin e “Kodit të Sjelljes dhe Parandalimit të Konfliktit të Interesave te Këshillit Bashkiak”
4. Ngarkohen me zbatimin e vendimit Këshilli Bashkiak dhe Sekretari i Këshillit Bashkiak.
5. Ky vendim hyn në fuqi 10 ditë mbas shpalljes publike sipas përcaktimeve të nenit 55, pika 6, të Ligjit nr. 139/2015 “Për vetëqeverisjen vendore”.

SEKRETARI I KËSHILLIT
AUREL KARRIQI

KRYETARE I KËSHILLIT
FLUTURAHAKA



SEKRETARI I KËSHILLIT

*18.01.2020
GJ. P. K.*

**KODI I SJELLJES DHE I PARANDALIMIT TË KONFLIKTIT TË
INTERESAVE TË KËSHILLTARIT BASHKIAK**

KREU I

DISPOZITA TË PËRGJITHSHME

Neni 1

Objekti dhe qëllimi

1. Kodi i Sjelljes dhe i Parandalimit të Konfliktit të Interesit të Këshilltarit Bashkiak, i referuar me poshtë si “Kodi”, është tërësia e parimeve e rregullave, të miratuara nga Këshilli Bashkiak, që shërben si udhërrëfyes për këshilltarin bashkiak, në mënyrë që ai të mbajë dhe ushtrojë standartet e duhura të sjelljes dhe veprimeve gjatë ushtrimit të funksionit publik, duke respektuar legjislacionin në fuqi, etikën dhe parandaluar rastet e konfliktit të interesit.
2. Kodi bazohet në 7 parimet e jetës publike, të cilat përcaktojnë standartet më të larta për personat që mbajnë funksione publike dhe synon të vëré në dijeni publikun për sjelljen që duhet të ketë këshilltari bashkiak.
3. Kodi zbatohet në të gjitha rastet kur këshilltari vepron, pretendon se vepron, apo jep përshtypjen se vepron, në cilësinë e anëtarit të Këshillit Bashkiak, përfshirë komentet, bisedat e folura, letrat e shkruara, si dhe perdonimin e medias elektronike dhe rrjeteve sociale.

Neni 2

Baza ligjore

Kodi është një akt nënligjor që miratohet nga Këshilli Bashkiak, në bazë dhe për zbatim të:

1. Ligji nr. 8417 datë 21.10.1998 “Kushtetuta e Republikës së Shqipërisë”, i ndryshuar;
2. Ligji nr. 8137 datë 31.07.1996 “Për ratifikimin e Konventës Europiane për Mbrojtjen e të Drejtave të Njeriut dhe Lirive Themelore”;
3. Ligji nr. 8548 datë 11.11.1999 “Për Ratifikimin e Kartës Europiane të Autonomisë Vendore”;
4. Ligji nr. 44 datë 30.4.2015 “Kodi i Procedurave Administrative i Republikës së Shqipërisë”;
5. Ligji 10019, datë 29.12.2008 “Kodi Zgjedhor i Republikës së Shqipërisë”, i ndryshuar;

6. Ligji nr. 152 datë 17.10.2013 “Për Nëpunësin civil”;
7. Ligji nr. 139 datë 17.12.2015 “Për Vetëqeverisjen vendore”;
8. Ligji nr. 8480, date 27.5.1999, “Për Funksionimin e Organeve Kolegjiale të Administratës Shtetërore dhe Enteve Publike” Ligji nr. 107 datë 27.10.2016 “Për Prefektin e Qarkut”;
9. Ligji nr. 119 datë 18.09.2014 “Për të drejtën e informimit”;
10. Ligji nr. 146 datë 301.10.2014 “Për Njoftimin dhe Konsultimin Publik”;
11. Ligji Nr. 9970/2008 “Për barazinë gjinore në shoqëri”;
12. Ligji nr. 10221 datë 4.2.2010 “Për mbrojtjen nga diskriminimi”;
13. Ligji nr. 9367, datë 07.04.2005 “Për parandalimin e konfliktit të interesave në ushtrimin e funksioneve publike”, i ndryshuar.
14. Rregullorja për Organizimin dhe Funksionimin e Këshillit Bashkiak

Neni 3

Parimet e përgjithshme të funksionimit të Këshillit

1. Parimet e funksionimit të Këshillit janë:

- a) Interesi publik - Këshilltarët duhet të veprojnë vetëm në bazë të interesit publik dhe jo atij personal. Ata nuk duhet të përdorin pozicionin si këshilltar për të përfituar për veten. Këshilltari është ruajtësi i interesit publik dhe prandaj sjellja, veprimet dhe vendimet e tij duhet të reflektojnë në çdo rast këtë përgjegjësi.
- b) Integriteti - Këshilltarët duhet të shmangin vënien e vetes nën detyrime ndaj njerëzve dhe organizatave që mund të përpilen në mënyrë të papërshtatshme t'i influencojnë ata në punën dhe vendimet e tyre. Këshilltarët duhet të mos veprojnë ose marrin vendime me qëllim që të marrin përfitime financiare ose materiale për veten dhe familjarët e tyre. Ata duhet të deklarojnë çdo konflikt interesit gjatë procesit vendimmarrës.
- c) Objektiviteti - Këshilltarët duhet të veprojnë dhe të marrin vendime në mënyrë të paanshme, të drejtë dhe në bazë të meritës, duke përdorur evidencat më të besueshme dhe pa diskriminime apo paragjykime.
- ç) Përgjegjshmëria - Këshilltarët janë përgjegjës ndaj zgjedhësve të tyre dhe publikut në përgjithësi për sjelljet, veprimet dhe vendimet e tyre.
- d) Transparenca - Këshilltarët duhet të veprojnë dhe të marrin vendime në mënyrë të hapur dhe transparente. Informacioni nuk duhet t'i mbahet publikut, vetëm nëse ka arsyë të qarta dhe ligjore për ta bërë këtë.

dh) Ndershmëria - Këshilltarët duhet të jenë të ndershëm dhe të besueshëm gjatë ushtrimit të funksionit të tyre.

e) Lidershipi - Këshilltarët duhet të demonstrojnë këto parime në sjelljen e tyre. Ata duhet të promovojnë në mënyrë aktive dhe të mbështesin në mënyrë solide këto parime, si dhe të jenë të gatshëm të sfidojnë sjelljet që bien ndesh me këto parime, kudo dhe kurdoherë që të ndodhin.

f) Barazia dhe mosdiskriminimi – Këshilltarët duhet të veprojnë dhe të marrin vendime duke mundësuar akses dhe mbështetje të barabartë ndaj qytetarëve në shërbime nëpërmjet integrimit gjinor dhe gjithëpërshirjes në programet e Bashkisë.

2. Këshilli inkurajon shoqërinë civile për monitorimin e zbatimit të parimeve të jetës publike nga ana e Këshillit dhe Këshilltarëve, dhe shqyrton në Mbledhjen e Këshillit reportin përkatës të shoqërisë civile. Mbi bazën e këtij reporti Këshilli miraton masat për zbatimin e parimeve të jetës publike nga Këshilli dhe Këshilltarët.

Neni 4

Përkufizime

Në këtë Kod, termat e mëposhtëm kanë këtë kuptim:

1. "Konflikt i interesit" është gjendja e konfliktit ndërmjet detyrës publike dhe interesave privatë të këshilltarit bashkiak, në të cilën ai ka interesa privatë, të drejtpërdrejtë ose të tërthortë, që ndikojnë, mund të ndikojnë ose duket sikur ndikojnë në kryerjen në mënyrë të padrejtë të detyrave dhe përgjegjësive të tij publike.

2. "Kryerje në mënyrë të drejtë e detyrave dhe përgjegjësive" është mënyra e kryerjes së detyrave dhe përgjegjësive, të materializuara në një vendimmarrje, në të cilën këshilltari bashkaik vepron në përputhje me ligjin, me ndershmëri, paanshmëri, përgjegjësi, përkushtim, në afat, në mbrojtje, në çdo rast, të interesit publik dhe të drejtave të ligjshme të personave privatë, si dhe për ruajtjen dhe forcimin e besueshmërisë e të dinjitetit të institucionit ku punon, të shtetit në përgjithësi dhe të figurës së këshilltarit.

3. Konflikti i interesit, i përcaktuar në pikën 1 të këtij nen, përfshin disa përkufizime të tjera, për lloje të ndryshme të shfaqjes së tij, si më poshtë:

a) "konflikt faktik i interesit" është gjendja, ne të cilën interesat privatë të këshilltarit ndikojnë, kanë ndikuar ose mund të kenë ndikuar në kryerjen në mënyrë të padrejtë të detyrave dhe përgjegjësive të tij zyrtare;

b) "konflikt në dukje i interesit" është gjendja, në të cilën interesat privatë të këshilltarit duken, në pamje ose në formë, sikur kanë ndikuar, ndikojnë ose mund të ndikojnë në kryerjen në mënyrë të padrejtë të detyrave apo përgjegjësive të tij zyrtare, por, në fakt, ndikimi nuk ka ndodhur, nuk ndodh ose nuk ka mundësi të ndodhë:

c) "konflikt i mundshëm i interesit" është gjendja, në të cilën interesat privatë të këshilltarit mund të shkaktojnë, në të ardhmen, shfaqjen e konfliktit faktik ose në dukje të interesit, nëse këshilltari do të përfshihej në detyra apo përgjegjësi të caktuara;

ç) "konflikt rast për rast i interesit" është gjendja me konflikt interesit, në njëren nga tri llojet e mësipërme, që shfaqet rast për rast dhe lidhet me një vendimmarrje të veçantë;

d) "konflikt i vazhdueshëm i interesit" është gjendja, në të cilën konflikti i interesit mund të shfaqet në mënyrë të përsëritur dhe/ose të shpeshtë në të ardhmen.

4. "Zotërim aktiv i aksioneve ose i pjesëve në kapital" është ushtrimi i plotë i të gjitha të drejtave, që burojnë nga pronësia mbi aksionet ose pjesët në kapital.

5. "Zotërim pasiv i aksioneve ose i pjesëve në kapital" është gjendja, në të cilën pronari ruan të drejtën e përfitimit të fryteve civile të pronësisë, por nuk mund të ushtrojë vetë asnjë veprim tjetër civil mbi këtë pronë. Të gjitha veprimet e tjera (administrim, zotërim, tjetësim etj.) kryhen nga një person i besuar nga pronari, bazuar në një marrëveshje të lidhur ndërmjet tyre, që përcakton kriteret e përfitimit të fryteve të pasurisë, si dhe të drejta e detyrime të tjera të domosdoshme, sipas përcaktimeve në Ligjin nr. 9367, datë 07.04.2005 "Për parandalimin e konfliktit të interesave në ushtrimin e funksioneve publike", i ndryshuar.

6. "Person i lidhur me një këshilltar" është çdo person fizik ose juridik, i cili rezulton të ketë pasur ose të ketë lidhje interesit, pasurore ose vetjake jo pasurore, me këshilltarin, në bazë të Ligjit nr. 9367, datë 07.04.2005 "Për parandalimin e konfliktit të interesave në ushtrimin e funksioneve publike", i ndryshuar.

Neni 5

Detyrimet e Këshilltarit Bashkiak

Detyrimet e Këshilltarit Bashkiak janë:

1. Këshilltari duhet të veprojë në mënyrë të ndershme dhe të përkushtuar në interes të publikut. Ai duhet t'i qëndrojë besnik përcaktimit të rolit të tij në Kushtetutë dhe në Ligjin 139/2015 "Për vetëqeverisjen vendore" si përfaqësues i komunitetit.

2. Këshilltari nuk duhet të përdorë pozicionin e tij për të siguruar përfitime personale dhe avantazhe për vete apo dikë tjetër, apo për të shmangur disavantazhet për vete apo dikë tjetër. Kjo vlen për gjithë kohën apo mandatin e tij si këshilltar. Këshilltari nuk duhet të përdorë mandatin e tij për përfitime personale apo interesin privat për vete apo dikë tjetër;

3. Këshilltari nuk duhet të sillet apo veprojë në asnjë rast në mënyrë të atillë që konsiderohet si prishje e reputacionit të tij apo institucionit që ai përfaqëson. Këshilltari ndërgjegjësohet që sjelljet dhe veprimet e tij të papërshtatshme, si në jetën publike dhe atë private, mund të kenë një impakt në reputacionin dhe imazhin e Këshillit.

Këshilltari nuk duhet të bëjë kritika jo të sakta dhe jo të drejta në drejtim të Këshillit në publik, pasi ato mund të konsiderohen si cënim i autoritetit ligjor, moral e përfaqësues të

Këshillit. Këshilltari nuk duhet t'i transmetojë elektoratit të tij ose të postojë në median sociale komente të papërshtatshme, të cilat mund të dëmtojnë imazhin e Këshillit;

4. Këshilltari nuk duhet të bëjë kompromis në paanshmérinë e tij apo kujdo që punon për Këshillin dhe nuk duhet të veprojë apo marrë vendimet në mënyrë të njëanshme apo politike. Këshilltari nuk duhet të influencojë apo bëjë presion tek Sekretari i Këshillit apo punonjësit e Sekretariatit për të vepruar në mënyrë të njëanshme apo partiake. Këshilltari nuk duhet të kërkojë nga punonjësit e administratës së Këshillit ta ndihmojnë për çështje të tyre politike apo çështje të interesit privat. Këshilltari nuk duhet të ofrojë incentiva për të arritur qëllimet e tij politike apo private, apo të kërcënojë dikë nëse nuk bën kompromis me qëllimet e tij. Këshilltari nuk duhet të bëjë kompromise me paanshmérinë e punonjësve të administratës së Këshillit.

5. Këshilltari duhet të veprojë me mendje të hapur dhe objektivitet gjatë mbledhjeve të Këshillit apo në çështje që kanë të bëjnë me interesin publik. Këshilltari gjatë procesit vendimmarrës duhet të veprojë në mënyrë të drejtë dhe të marrë në konsideratën e duhur interesin publik. Këshilltari duhet të marrë vendimet mbi çështjen vetëm mbi bazën e meritës dhe duke u bazuar në faktet dhe evidencat që ka në dispozicion. Këshilltari, nëse e shikon të nevojshme, duhet të marrë këshilla apo konsultohet me Sekretarin e Këshillit, për çështje të caktuara.

6. Këshilltari nuk duhet të nxjerrë informacionin e cilësuar si konfidencial. Këshilltari duhet të trajtojë çështjet e diskutuara në mbledhjet e myllura të Këshillit dhe komisioneve, si të tilla. Këshilltari nuk duhet të japë informacion konfidencial, përvec në rastet kur këshilltari ka pëlqimin e dikujt të autorizuar për ta dhënë informacionin apo kur dhënia e informacionit lejohet apo kërkohet me ligj.

7. Këshilltari nuk duhet të pengojë askënd nga aksesi i informacionit, të cilin ia lejon ligji. Kjo përfshin informacion sipas Ligjit “Për të drejtën e informimit”, si dhe kopjet e minutave, agjendave, raporteve dhe dokumentave të tjerë të Këshillit, për të cilat publiku ka të drejtë aksesi. Këshilltari dhe punonjësit e administratës së Këshillit janë të detyruar të japid këtë lloj informacioni në përgjigje të një kërkese. Edhe nëse këshilltari mendon që informacioni nuk duhet të jepet, ai përsëri duhet t'ia kalojë atë Sekretarit të Këshillit dhe më pas për këtë vendos Këshilli.

8. Këshilltari duhet të përdorë burimet e Këshillit (nëse Këshilli i jep këshilltarit akses në burime si telefon, kompjuter apo pajisje IT-je) vetëm për të kryer detyrat e Këshillit apo aktivitete të lidhura me të. Këshilltari nuk duhet të përdorë këto burime për qëllime personale të tij apo politike të partisë që i përket. Këshilltari nuk duhet të lejojë që persona të tjerë (pjesëtare të familjes apo miq të tij) të përdorin burimct e Këshillit, vetëm në rastet kur është autorizuar nga Këshilli.

9. Këshilltari duhet të zbatojë ligjin dhe rregulloret e Këshillit në deklarimin e shpenzimeve. Këshilltari duhet të mbajë evidenca të sakta të mbështetura me fatura në të gjitha rastet kur shpenzon fondet e Këshillit. Nëse nuk ka njohuritë e nevojshme apo nuk është i sigurt, këshilltari duhet në çdo rast të këshillohet me Sekretarin e Këshillit.

10. Këshilltari nuk duhet të pranojë dhurata, shërbime apo përfitime, që mund t'i marrë për shkak të pozicionit si këshilltar, për vete apo në emër të të tjera, kur vlerëson se marrja e tyre mund të konsiderohet si kompromentim i objektivitetit në marrjen e vendimeve apo i favoreve gjatë ushtrimit të detyrave si këshilltar. Këshilltari duhet të njoftojë Sekretarin për dhurata me vlerë më të madhe se ajo e specifikuar nga Këshilli (xxxxxxxx Lek), si dhe burimin e tyre. Këshilltari nuk ka pse të njoftojë për dhurata që nuk kanë lidhje me funksionin e tij si këshilltar. Si rregull i përgjithshëm, këshilltari duhet të konsultohet me Sekretarin kur ai nuk është i bindur cfarë duhet të deklarojë si dhurata apo favore, pasi kjo është në përputhje me parimet e transparencës dhe përgjegjshmërisë së jetës publike.

11. Këshilltari duhet të sillet dhe veprojë mbi bazn e parimit të barazisë së mundësive, pavarësisht nga gjinia, mosha, raca, feja, orientimi seksual dhe aftësitë e kufizuara të personave. Këshilltari duhet në çdo rast të shmangë diskriminimin, në të 4 format e paraqitjes së tij dhe përkatësisht:

- a) Diskriminimi direkt: trajtimi i njerëzve ndryshe për shkak të gjinisë, moshës, racës, fesë, orientimit seksual dhe aftësive të kufizuara;
- b) Diskriminimi indirekt: trajtim që në dukje nuk differon njerëzit për shkak të gjinisë, moshës, racës, fesë, orientimit seksual dhe aftësive të kufizuara, por që në mënyrë disproporcionale i disavantazhon ata;
- c) Ngacmimi: përfshirja në sjellje të padëshiruara për shkak të gjinisë, moshës, racës, fesë, orientimit seksual dhe aftësive të kufizuara të dikujt, gjë e cila dëmontron dinjitetin e tij ose krijon një mjedis negativ, degradues, poshtërues ose ofensiv.
- d) Viktinizimi: trajtimi i një personi në mënyrë më pak të favorshme, kur ai është ankuar për diskriminim ose ka bërë padi për diskriminim.

12. Këshilltari duhet të tregojë respekt dhe konsideratë në trajtimin e të tjera. Liria e shprehjes nuk duhet të përdoret si justifikim për sjellje dhe trajtim të papranueshëm për të tjerët, pasi kjo dëmontron këshilltarin në sy të publikut. Këshilltari nuk duhet të bëhet objekt i zbatimit të Kodit kur komentet e tij janë të natyrës politike, bën kritikë të ideve dhe opinioneve të palës tjetër politike apo kundërshtarëve politikë, brenda mbledhjeve të Këshillit ose jashtë tij, pasi ato konsiderohen pjesë e debatit demokratik. Këshilltari nuk duhet t'i bëjë këto komente në mënyrë ofensive dhe të papranueshme, apo të bëjë kërcënime ndaj kolegëve këshilltarë apo punonjësve të administratës së Këshillit. Këshilltari duhet të trajtojë kolegët, kundërshtarët dhe punonjësit e administratës së Këshillit me edukatë, mirësjellje dhe konsideratë.

13. Këshilltari nuk duhet të demonstrojë shfaqje të bullizmit ndaj kolegëve këshilltarë, punonjësve të administratës së Këshillit, apo publikut, që mund të rezultojë në bezdisjen ose shqetësimin e tyre përmes sjelljes ofensive, intimiduese, malinje, ofenduese ose poshtëruuese.

1. Ankesat për thyerje të Kodit nga ana e një këshilltari mund të bëhen nga një këshilltar, grup këshilltarësh, administrata e Këshillit, ose nga publiku. Është detyrë e çdo këshilltari, kur vëren thyerje të Kodit nga ana e kolegëve të tij, t'i raportojë tek autoriteti përgjegjës.
2. Ankesat për thyerje të Kodit duhet të raportohen tek Komisioni i Përherershëm i Etikës, Standardeve dhe Apelimeve të Këshillit. Nëse Këshilli nuk ka krijuar një komision të tillë, ankesat bëhen në Kryesinë e Këshillit deri në ngritjen e këtij komisioni nga Këshilli.
3. Nese thyerja e Kodit është e vogël, ajo raportohet tek Kryetari i Këshillit.
4. Nëse thyerja është serioze apo e përsëritur, zyrtari monitorues ia referon rastin për hetim Komisionit të Përherershëm të Etikës, Standardeve dhe Apelimeve.
5. Ankesat për thyerje të Kodit nuk duhet të kalohen menjëherë në media apo shtypin lokal, para se të kalojnë dhe sqarohen në instancat brenda Këshillit sipas pikës 1, 2 dhe 3 të këtij neni.
6. Kodi nuk duhet të përdoret nga këshilltarët për të ngritur ankesa të pabazuara ndaj kolegëve të tjerë, apo për t'u shërbyer qëllimeve të tyre politike ose private. Ankesat nuk duhet të motivohen nga motive të dobëta të dëmtimit apo të rivalitetit politik, sidomos në periudha fushatash elektorale.
7. Raportimi i thyerjes së Kodit duhet të shoqërohet gjithnjë me prova dhe fakte që mbështesin ankesën. Evidencat mund të perfshijnë minutat e mbledhjeve, korrespondencat dhe shënimet e shkruara, ose e-mailet.
8. Nëse ka individë që kanë qenë të pranishëm kur ka ndodhur thyerja e Kodit, ata duhet të ftohen si dëshmitarë. Kjo është sidomos e nevojshme kur nuk ka evidencia të mjaftueshme që mbështesin thyerjen e Kodit.
9. Këshilltari i akuzuar për thyerje të Kodit duhet të bashkëpunojë me autoritetin përkatës gjatë hetimit, duke vënë në dipozicion menjëherë të gjithë korrespondencën dhe telefonatat, kopjet e dokumentave që kërkohen, apo dhe duke qenë i disponueshëm për intervistë dhe dëgjesa, nëse kërkohet. Kjo vlen gjithashtu edhe për dëshmitarin nëse ka, dhe nëse autoriteti i hetimit e sheh të arsyeshme.
10. Këshilltari i akuzuar për thyerje të Kodit nuk duhet të ushtrojë presion mbi individin që bën ankesën ose mbi dëshmitarin. Këshilltari nuk duhet të intimidojë apo përpinqet të intimidojë një person që ka gjasa të bëjë një ankesë, një dëshmitar, apo një anëtar të autoritetit që merret me thyerjet e Kodit.

Neni 7

Komisioni i Etikës, Standardeve dhe Apelimeve

1. Autoriteti që merret me thyerjet e Kodit është Komisioni i Etikës, Standardeve dhe Apelimeve, i cili përbëhet nga _____ Këshilltarë.
3. Komisioni bën hetimin e duhur dhe ka përgjegjësinë të vendosë nëse këshilltari ka thyer Kodin dhe për pasojë mbi të duhet të veprojnë sanksionet.
4. Komisioni i Standardeve duhet të bëjë seancë dëgjimi me këshilltarin e ankimore para se të japë vendimin.
5. Kur Komisioni i Standardeve konkludon që një këshilltar ka thyer Kodin, ai mund të vendosë për masat e mëposhtme:
 - a) Asnjë veprim, nëse thyerja është e parëndësishme ose e vogël;

- b) Vërejtje;
- c) Pezullim në marrjen pjesë në Mbledhjet e Këshillit dhe Komisioneve të Përherëshëm për një periudhë të caktuar në Rregullore.

KREU II.

KONFLIKTI I INTERESIT

Neni 8

Rastet e Konfliktit të Interesit/ Pengesës ligjore

1. Kuptimi i konfliktit të interesit konsiston në mbrojtjen e parimeve të interesit të përgjithshëm dhe objektivitetit, në mënyrë që keshilltarët të marrin vendime në mënyrë të drejtë dhe pa paragjykuar çështjet e marra në shqyrtim.

2. Konfliktet e interesit lidhen me çështje në të cilat keshilltari apo ndonjë person i tij i afërt mund të kenë lidhje dhe për pasojë ky interes mund të influencojë vendimmarrjen apo votën si Këshilltar dhe mund të ndikoje në:

- a) Punën ose biznesin e keshilltarit;
- b) Punëdhënësin e keshilltarit, ose çdo kompani ku ai eshte partner ose drejtues me pagesë;
- c) Një person që ka financuar fushatën elektorale të keshilltarit ose financon shpenzimet e tij si keshilltar;
- d) Një kompani ku keshilltari ka aksione;
- e) Një institucion në të cilin keshilltari është zgjedhur apo emëruar nga Këshilli;
- f) Një institucion publik që ushtron funksione të natyrës publike, një institucion që rol kryesor ka influencimin e opinionit publik, një shoqatë bamirëse, një sindikatë, një shoqatë profesionale, një klub privat, në të cilat keshilltari është anëtar apo është në pozicion menaxherial ose kontrolli të përgjithshëm;
- g) Një kontratë që Këshilli bën me një kompani në të cilën keshilltari është partner, drejtor me pagesë ose ka aksione;
- i) Një truall i dhënë me qera nga Këshilli një shoqërie ku keshilltari është partner ose drejtor me pagesë;

j) Një truall në territorin e Këshillit për të cilin këshilltari ka një titull pronësie apo është bashkëpronar.

3. Konflikti interes i këshilltarit konsiderohet gjithashtu një çështje apo vendimmarrje që ndikon në mirëqqnien, standartin e jetesës dhe pozitat financiare të tij, familjes apo të personave të afërt të tij.

4. Këshilltari njofton Kryetarin e Këshillit nëse ka interesa me çështjen që do të shqyrtohet në Mbledhjen e Këshillit. Në këtë rast, Këshilltari nuk merr pjesë në diskutim dhe largohet derisa mbaron procedura e votimit (ligji 8480/ 1999, neni 13/3).

Neni 9

Kushtet e pengesës ligjore përfshirje në një procedurë shqyrtimi dhe vendimmarrëse

Këshilltari nuk përfshihet në një procedurë shqyrtimi dhe vendimmarrëse edhe në rastet kur:

- a) Ka një interes të drejtëpërdrejte ose jo të drejtëpërdrejte në vendimarrjen në shqyrtim;
- b) Bashkëshorti, bashkëjetuesi ose të afërmit e tij deri në shkallë të dytë kanë një interes të drejtëpërdrejte ose jo të drejtëpërdrejtë në vendimarrjen në shqyrtim;
- c.) Ai ose edhe personat e parashikuar në shkronjën “b” të kesaj pike kanë një interes të drejtëpërdrejte ose jo të drejtëpërdrejte në një çështje objektivisht të njëjtë dhe me te njejtat rrethana ligjore me çështjen në shqyrtim;
- d) Ka marrë pjesë si ekspert, këshilltar, përfaqësues ose avokat privat në çështjen në shqyrtim;
- e) Personat e përmendor në shkronjen “b” të kesaj pike kanë marrë pjesë si eksperte, përfaqësues, këshilltarë apo avokatë në çështjen ne shqyrtim;
- f) Ai ose personat e përmendor në shkronjen “b” të kesaj pike janë debitorë ose kreditorë të palëve të interesuara në çështjen në shqyrtim;
- g) Ai ose personat e përmendor ne shkronjen “b” të kesaj pike kanë marrë dhurata nga palët përpara ose pas fillimit të procedurës së shqyrtimit;
- h) Ai ose personat e përmendor në shkronjën “b” të kesaj pike kanë marrëdhëniet tilla, të cilat vleresohen, sipas rrëthanave konkrete, se do të përbën arsyen serioze për njëanshmëri me palët në proceduren në shqyrtim;

- i) Ai ose personat e përmendur në shkronjen “b” të kesaj pike janë përfshirë në mënyra te ndryshme në negocime të mundshme për punësim per vete keshilltarin apo të personave të përmendur në shkronjën “b” të kesaj pike gjatë ushtrimit të funksionit, apo në negocime për çdo lloj forme tjetër marrëdheneish me interes privat, pas lënies së detyrës, të kryera nga ai gjatë ushtrimit të detyrës;
- j) Në çdo rast që parashikohet nga legjislacioni në fuqi.

Neni 10

Veprimi kur një Këshilltar ka konflikt interesit/ Kushtet e pengesës ligjore.

1. Nëse Këshilltari zbulon, përmes kalendarit vjetor të çështjeve të Këshillit, apo rendit të ditës së dërguar para fillimit të një mbledhjeje, që ka një konflikt interesit apo vëren një nga pengesat ligjore të parashikuara në nenin 52 të ligjit 139/2015, apo të nenit 7/pika 3, të ligjit 9131/ 2003, ai duhet ta njoftojë me shkrim ose e-maili Kryetarin e Këshillit Bashkiak¹ brenda 14 ditesh. Deklarimi me shkrim nuk është i domosdoshëm kur deklarimet verbale të zyrtarit janë të regjistrueshme dhe të dokumentueshme² në proces-verbalin e Mbledhjes së Këshillit ku shqyrtohet çështja për të cilën këshilltari ka pengesë ligjore.
2. Përveç vetë këshilltarit, edhe persona të tretë mund të konstatojne konfliktin e interesit të një këshilltari dhe për rrjedhojë të kërkojnë përjashtimin e pjesëmarrjes së tij nga një procedurë vendimmarrëse. Kërkesa, me arsyet për të cilat kërkohet përjashtimi i keshilltarit nga shqyrtimi dhe vendimmarrja, duhet t'i drejtobet Sekretarit përmes një letre ose e-maili dhe të përbaje të gjitha provat e mundshme në të cilat ajo mbeshtetet.
3. Kryetari i Këshillit, i njoftuar sipas pikave 1 dhe 2 të këtij nenit, i propozon Këshillit përjashtimin ose konfirmimin e këshilltarit nga /në procedura vendimmarrëse e çështjes, për të cilën këshilltari ka apo dyshohet se ka konflikt interesit/pengesës ligjore, kjo si në rastin e Mbledhjet së Këshillit ashtu edhe në mbledhjet e Komisioneve të Përherëshëm të Këshillit.
4. Nëse Kryesia e Këshillit vendos përjashtimin e Këshilltarit nga procedura vendimmarrëse, këshilltari nuk duhet të marrë pjesë as në diskutimin e çështjes, por të largohet nga salla porsa të fillojë shqyrtimi i çështjes. Këshilltari nuk duhet të qëndroje gjithashu në sallë për të ndjekur procesin e votimit.

¹ (ligji 139/2015, nenit 52/2)

² (ligji 9131/ 2003, nenit 7/3)

5. Këshilltari nuk duhet të bëjë përpjekje për të influencuar një vendim të një çështje ku ai ka konflikt interesit. Edhe vetë prania e tij në sallë perceptohet si influencim i procesit të votimit, prandaj këshilltari duhet të largohet nga salla në kohën kur shqyrtohet dhe votohet çështja.

Neni 11

Regjistrimi i konflikteve te interesit

1. Konfliktet e interesit të këshilltarëve lidhur me çështje të shqyrtuara në mbledhjet e Këshillit duhet të regjistrohen në një dokument të vecantë që quhet Regjistri i Konflikteve të Interesit të Këshilltarëve. Këshilli ështe i detyruar të mbajë, përditësojë dhe botojë elektronikisht online këtë regjistër. Ai duhet të mbahet nga Sekretari dhe synon transparencën dhe ritjen e besimit të publikut në integritetin e pushtetit lokal.
2. Në Regjistër duhet të deklarohen gjithashtu dhuratat ose shërbimet që mund të marrë një këshilltar në cilësinë si i tillë. Kjo duhet të përfshijë detaje si lloji i dhuratës, personin që e ka dhënë si dhe lidhjen e këshilltarit me këtë person.

KREU III

MASAT DISIPLINORE NDAJ KËSHILLTARËVE

Neni 12

1. Rastet e masave disiplinore ndaj keshilltareve

- a) Kur këshilltari nuk respekton kohën e diskutimit, ndërhyr gjatë kohës që flet një këshilltar tjetër ose Kryetari i Bashkisë, apo diskuton jashtë temës, i tërhiqet vëmendja nga Kryetari i Këshillit.
- b) Kur këshilltari e përsërit shkeljen në të njëjtën mbledhje, pasi i është tërhequr një herë më parë vëmendja, i jepet vërejtje nga Kryetari i Këshillit. Vërejtja regjistrohet në proces-verbalin e mbledhjes.
- c) Këshilltarit, i cili përdor fjalë jashtë etike, apo pengon me sjelljen e tij zhvillimin normal të mbledhjes, i jepet vërejtje nga Kryetari i Këshillit.
- d) Kur këshilltari e përsërit veprimin, kryesuesi i seancës urdhëron dhe i kërkon që të dalë jashtë sallës.

e) Në rast se këshilltari nuk pranon të dalë nga salla, kryesuesi i seancës e ndërpret mbledhjen dhe i jep porositë e nevojshme shërbimit të sigurisë në Këshill për zbatimin e urdhrit të dhënë.

f) Në rast se shprehjet ose fyerjet e bëra nga këshilltari në mbledhje tërhiqen prej tij në po të njëjtën mbledhje dhe këshilltari kërkon publikisht ndjesë për sjelljen e tij, masa disiplinore e dhënë anullohet nga kryesuesi i seancës.

g) Kur këshilltari pengon zhvillimin e rregullt të mbledhjes, prish qetësinë në sallë, nëpërmjet moslejimit të këshilltarit të rradhës të marrë fjalën, për më shumë se 2 minuta, atëherë Kryetari e paralajmëron për marrjen e masës së përjashtimit nga Mbledhja, e në rast se Këshilltari vazhdon të mos lejojë këshilltarin të vazhdojë fjalën edhe pas paralajmërimit, për më shumë se një minutë, i kërkohet largimi nga Mbledhja në mënyrë vullnetare apo me ndihmën e punonjësve të sigurisë së Mbledhjes së Këshillit.

h) Kur këshilltari bën thirrje për përdorim dhune, provokon rrëmujë në mbledhje gjë që pengon zhvillimin e saj të rregullt, fyeni ose kërcënën këshilltarët e tjerë, anëtarët e administratës, ose përdor fjalë fyeze për Kryetarin e Bashkisë, me urdhër të kryesuesit të seancës përjashtohet nga seanca për atë ditë si dhe kërkohet të ndalohet të marrë pjesë në mbledhjen e rradhës së Këshillit. Ndalimi i pjesëmarrjes në mbledhjen e rradhës vendoset nga Kryesia e Këshillit me propozimin e Kryetarit ose propozimit me shkrim të jo më pak se 5 këshilltarëve. Mbledhja e Kryesisë zhvillohet brenda 48 orëve dhe këshilltari, ndaj të cilit kërkohet marrja e masës disiplinore, ka të drejtë të marrë pjesë në të për të paraqitur qëndrimin e tij. 1

2. Për ngjarje tepër të rënda që ndodhin jashtë sallës ku zhvillohet mbledhjes, por brenda mjediseve të godinës, procedohet si në piken h të këtij neni.

3. Çdo Këshilltar që largohet pa leje nga salla e Këshillit gjatë mbajtjes së një Mbledhjeje Zyrtare të Këshillit dhe kur kjo shkakton pezullim e mbledhjes apo të votimit, gjobitet me dymijë (2000) Lekë, përveç rastit kur Kryesuesi lejon largimin. Masa e gjobës deklarohet nga Kryesuesi në atë mbledhje të Këshillit ku ajo jepet dhe regjistrohet në proces-verbalin e mbledhjes. Leja për t'u larguar nga salla e mbledhjes së Këshillit i kërkohet Kryesuesit në sesion të hapur të Këshillit, pasi arsyeva të jetë bërë e njohur. Shuma e gjithë gjobave zbritet nga shpërblimi e Këshilltarit, nga e muajit pasardhës.

4. Këshilltari që thotë fjalë të pahijshmc, kapërcen standardet e mirësjelljes dhe etikës gjatë fjalës së tij, pengon me sjelljen e tij zhvillimin e diskutimeve apo cënon rregullin e mbledhjes, i hiqet vërejtje nga Kryesuesi i Mbledhjes se Këshillit.

5. Kur Këshilltari fyeni një Këshilltar tjetër gjatë mbledhjes, veç sanksioneve të tjera të parashtruara në këtë rregullore, Kryesuesi i Mbledhjes mund ta gjobisë atë në një masë që

shkon deri në heqjen e shpërblimit mujor, deklarim i cili shënohet në proçes-verbalin e mbledhjes dhe ekzekutim mbas miratimit nga Kryesia e Këshillit.

Neni 13

Përgjegjësia Ligjore e Këshilltarit

1. Shkeljet e ligjeve dhe rregulloreve nga secili këshilltar, gjatë ushtrimit të detyrës së tij si këshilltar mund të rezultojnë që ai/ajo të jetë përgjegjës personalisht për dëmet që nuk do të mbulohen nga sigurimi i Bashkisë. Shembuj mund të përfshijnë diskriminim, ngacmim ose mashtrim.
2. Këshilltarët marrin pjesë në trajnime për menaxhimin e rrezikut për të zvogëluar përgjegjësinë për shkak të veprimeve të ndërmarra.

Neni 14

Miratimi dhe Hyrja në fuqi

Kjo Kod miratohet me votimin Pro të shumicës së të gjithë anëtarëve të Këshilli Bashkiak dhe hyn në fuqi 10 ditë pas shpalljes publike të tij.

* * * * *

KREU I. DISPOZITA TE PERGJITHSHME

Neni 1

Objekti

Kjo rregullore përcakton rregullat dhe procedurat e informimit të publikut dhe transparencën e politikëbërjes, vendimmarres dhe veprimtarisë së Këshillit Bashkiak (në vijim Këshilli), këshillimin e Këshillit me publikun dhe palët e ineresuara përgjatë procesit e politikëbërjes dhe vendimmarres, si dhe marredhëniet me median, gjatë ushtrimit të funksioneve dhe realizimin e detyrave të dhëna me ligj dhe ato për të cilat Këshilli ka diskrecion ligjor.¹

Neni 2

Qëllimi i rregullores

Qëllimi kësaj Rregulloreje është:

1. Të garantojë pjesëmarrjen aktive të publikut në procesin e hartimit dhe rishikimit të politikave, akteve, rregulloreve dhe vendimmarje të tjera të Këshillit Bashkiak;
2. Të garantojë këshillimin e publikut në procesin e shqyrtimit dhe miratimit të akteve të Këshillit Bashkiak;
3. Të garantojë një vendimmarje të ligjshme, efikase dhe eficente të Këshillit;
4. Të garantojë ushtrimin e së drejtës së përfaqësimit politik dhe demokracisë vendore pjesëmarrëse;
5. Të garantojë dhe të mundësojë ushtrimin e të drejtës së bashkësisë për t'u informuar për punët e dhe vendimmarjen e qeverisë bashkiake;
6. Të mundësojë standartet e transparencës së qeverisë bashkiake;
7. Të rrisë llogaridhënien e Këshillit ndaj publikut nëpërmjet fuqizimit të pjesëmarrjes së publikut në veprimtarinë e Këshillit.

Neni 3

Baza ligjore

Baza ligjore kryesore ku është mbështetur hartimi i kësaj model Rregullore është:

1. Ligji nr. 8417 datë 21.10.1998 “Kushtetuta e Republikës së Shqipërisë”, i ndryshuar.
2. Ligji nr. 8548 datë 11.11.1999 “Për Ratifikimin e Kartës Europiane të Autonomisë Vendore”
3. Ligji nr. 139 datë 17.12.2015 “Për Vetë-Qeverisjes Vendore”
4. Ligji nr. 44 datë 30.4.2015 “Kodi i Procedurave Administrative”
5. Ligji nr. 8480 datë 27.5.1999, “Për Funksionimin e Organeve Kolegjiale të Administratës Shtetërore dhe Enteve Publike”
6. Ligji nr. 119 datë 18.09.2014 “Për të Drejtën e Informimit”
7. Ligji nr. 146 datë 30.1.2014 “Për Njoftimin dhe Konsultimin Publik”
8. Ligjinr. 9887 datë 10.03.2008 “Për Mbrojtjen e të Dhënave Personale”, i ndryshuar.

¹ Ligji nr. 139/2015, nen 8/1.

Neni 4

Përkufizime

Akt nënligjor normativ: është çdo vullnet i shprehur nga organi publik, në ushtrim të funksionit të tij publik, që rregullon marrëdhënie të përcaktuara me ligj, duke vendosur rregulla të përgjithshme sjelljeje dhe që nuk shteron me zbatimin e tij.²

Dëgjimore me Publikun, Seancë: seancë apo takim i hapur i inicuara nga Këshilli Bashkiak apo Komisionet e Këshillit, të kërkuara nga Ligji dhe kjo rregullore, ku ftohen publiku për të shprehur opinionet dhe propozimet, apo për të dëgjuar dëshmitë e publiku, për çështjet që janë në interes të, dhe në proces shqyrtimi nga Këshilli apo Komisioni i Këshillit Bashkiak.

Dhëna personale, Të: është çdo informacion në lidhje me një person fizik, të identifikuar ose të identifikueshëm, direkt ose indirekt, në veçanti duke iu referuar një numri identifikimi ose një a më shumë faktorëve të veçantë për identitetin e tij fizik, fiziologjik, mendor, ekonomik, kulturor apo social³.

Dhënavë personale, Përhapje: është komunikimi i informacionit për të dhënat personale palëve të papërcaktuara, në çfarëdo forme, edhe përmes vënies në dispozicion ose konsultimit.⁴

Dhëna të hapura, Të: nënkupton të dhënat e prodhuara, pranuara, mbajtura apo kontrolluara nga institucionet publike, të cilat mund të përdoren lirisht, të modifikohen dhe shpërndahen nga çdo person, me kusht që të mbesin të hapura dhe t'i atribuohen burimit.

Grup interesi: është organizatë apo një grup organizatash jo fitimprurëse që përfaqësojnë interesat e një grupei personash fizikë ose juridikë, si dhe subjekte të tjera të prekura apo të interesuara për projektaktet që i nënshtronen procesit të këshillimit publik. Këshilltarësh të pavarur⁵.

Këshillimet me Bashkësinë: përfshijnë këshillimet nëpërmjet seancave dëgjimore (shih më sipër) dhe takimet publike (shih më poshtë), me grupe banorësh, me specialistë, me institucionet dhe organizatat jo-qeveritare të interesuara të thirrura nga Këshilli dhe Komisioni i Përherëshëm i Këshillit Bashkiak, sipas rasteve të kërkuara nga legjislacioni dhe/ apo kjo rregullore, për çështjen e projektakte që ato kanë shqyrtim., apo për rastet e marrjes së nismës për organizimin e referendumit vendore.

Këshillim Publik: tërheqja e mendimeve, sygjerimeve dhe vërejtjeve të publikut për përbajtjen dhe përmirësimin e projektaktit, nga momenti i publikimit deri në miratimin përfundimtar nga Këshilli Bashkiak⁶.

Njoftim publik për këshillim të projektakteve: është ftesa zyrtare e Këshillit Bashkiak për të marrë pjesë në procesin e këshillimit publik të projektaktit të propozuar për tu shqyrtuar nga Këshilli Bashkiak dhe nisjen e procedurave të këshillimit publik⁷.

Pjesëmarrja publike: angazhimi i individëve, OFJ-ve dhe shoqërisë civile në përgjithësi në proceset e vendimmarrjes së Këshillit Bashkiak. Pjesëmarrja publike në vendimmarrjen

² Ligji nr. 146/2017, nen 2/2.

³ Ligji nr. 9887/2008 ‘Për mbrojtjen e të dhënavë personale’, nen 3/1.

⁴ Ligji nr. 9887/2008 ‘Për mbrojtjen e të dhënavë personale’, nen 3/20.

⁵ Ligji nr. 146/2014, nen 2.

⁶ Ligji nr. 146/2017, nen 2

⁷ Ligji nr. 146/2014, nen 2.

politike të Këshilli Bashkiak është e ndryshme nga aktivitetet politike që lidhen me angazhimin e drejtpërdrejtë me partitë politike dhe nga lobimi që lidhet me interesat e biznesit.

Projektakt: është projekti i një ligji, projekte të dokumenteve strategjike, kombëtare dhe vendore, të politikave me interes të lartë publik, të hartuara nga organet publike.⁸

Publikim: nënkupton vënien në dispozicion në një formë të qasshme për publikun dhe që përfshinë shtypin, transmetimin dhe formën elektronike të publikimit⁹; është bërja publike e vendimeve, raporteve dhe dokumenteve të Këshillit Bashkiak, në Buletinin e Njoftimeve Publike, në faqen zyrtare të internetit të bashkisë dhe çdo formë tjeter të paraqitjes së informacionit/ dokumenteve për publikun/ bashkësinë.¹⁰

Registri Elektronik për Njoftimin dhe Këshillimin Publik: Eshtë ndërfaqja në faqjen zyrtare të internetit të Bashkisë ku do të publikohen projektatet e depozituara për shqyrtim nga Këshilli Bashkiak, sipas përcaktimeve të nenit 7 të Ligjit nr. 146/2014 'Për Informimin Publik'.

Rekomandim: është çdo sugjerim, propozim apo mendim me karakter këshillim për projektatet e hartuara, i shprehur verbalisht dhe/ose me shkrim nga palët e interesuara (ligji 146/2014, nen 2).

Transparencë - është veprimtaria e hapur e Këshillit Bashkiak për të informuar në lidhje me aktet me interes të lartë publik, me proceset politikëbërësc dhe vendimmarrëse, që u siguron palëve të interesuara mundësinë për të marrë pjesë në këto procese.¹¹

Vendimmarrje për një akt: vlerësohet, në çdo rast, çasti i fundit i procesit vendiumarrës, gjatë të cilët vendoset përbajtja përfundimtare e aktit, si edhe ato çaste paraprake të vendimmarrjes, të cilat janë thelbësishët të rëndësishme dhe përcaktuese për përbajtjen përfundimtare të aktit¹².

Vendimmarrjes, Proces i: përfshin proceset e hartimit e të miratimit¹³, të vlerësimit dhe riformulimit nga Këshilli të projektave, si dokument politikash, strategji, akt normativ, irregulllore, rezolute, deklarate ose çdo proces ku është marrë një vendim që prek publikun, ose një segment i tij, e për të cilin Këshilli Bashkiak është investuar nëpermjet autoritetit ligjor për ta bërë këtë.¹⁴

⁸ Ligji nr. 146/2014, nen 2/11.

⁹ Ligji nr. 06/L-081, 2019 'Për Qasje në Dokumente Publike'

¹⁰ Ligji nr. 68/2017, nen 3/7.

¹¹ Ligji nr. 146/2014, nen 2/15.

¹² Ligji nr. 9367/2005, nen 4/2.

¹³ Ligji nr. 146/2014, nen 2/10.

¹⁴ Udhëzimet për pjesëmarjen civile në vendimmarrjen politike/ Guidelines for civil participation in political decision making (Adopted by the Committee of Ministers of Council of Europe on 27 September 2017 at the 1295th meeting of the Ministers' Deputies)

KREU II. INFORMIMI I PUBLIKUT DHE TRANSPARENCA

Neni 5

Informimi i Publikut

1. Informimi i publikut nga Këshilli Bashkiak bëhet në përputhje me Ligjin nr. 139/2015 dhe Ligjin 119/2014 ‘Për të drejtën e Informimit’ dhë rregullat e përcaktuara nga Këshilli në këtë rregullore¹⁵.
2. Këshilli mundëson ngritjen e një sistemi të integruar të prodhimit dhe dhënjes së informacionit për publikun, përfshirë:
 - a. faqen e interneti të bashkisë,
 - b. rregullat dhe procedurat për zbatimin e ligjit për të drejtën e informimit,
 - c. rregullat dhe procedurat për ngritjen e regjistrat elektronik të projekteve dhe akteve të Këshillit,
 - d. regjistrin elektronik të kërkesave dhe ankesave të publikut,
 - e. buletinin e njoftimeve publike,
 - f. tabelat informative në çdo njësi administrative të Bashkisë,
 - g. botimet e Këshillit Bashkiak.
3. Kryesia e Këshillit harton dokumentin e politikës dhe planin vjetor të informimit, komunikimit dhe këshillimit me publikun, i cili miratohet nga Këshilli, dhe zhpenzimet për zbatimin e plani i përfshin në buxhetin vjetor të Këshillit.

Neni 6

Transparenca e Proçesit të Vendimarrjes dhe Veprimtarisë së Këshillit

1. Këshilli garanton për publikun transparencën e vendimarrjes, veprimtarisë dhe dokumentacionit të tij.
2. Mbledhjet dhe dokumentacion i Këshillit është i hapur për publikun, përveç se kur ndalohet me ligj.
3. Dokumentacioni dhe informacioni mbi veprimtarinë dhe vendimarrjen e Këshillit, i cili i vihet në dispozicion publikut në faqen zyrtare të internetit të Bashkisë apo me njete të tjera të informimit, duhet të jetë i plotë, lehtësish i aksesueshëm, i përditësuar, i kuptueshëm, lehtësish i përdorshëm nga qytetarët dhe organizatat e shoqërisë civile¹⁶.
4. Aktet që përbajnë rregulla, norma apo kufizime të të drejtave dhe lirive themelore të individit, si dhe me efekt të drejtpërdrejtë për ta, bëhen publike me anë të afishimit apo postimit në faqen zyrtare të internetit të Bashkisë, brenda 48 orëve prej miratimit të aktit nga Këshilli¹⁷, afishim që bëhet nga Sekretari i Këshillit.
5. Këshilli përdor standartet e të Dhënave të Hapura¹⁸ për të bërë transparente veprimtarinë, vendimarrjen dhe dokumentacionin e tij.

¹⁵ Ligji nr. 139/2015, nen 18/3.

¹⁶ Ligji nr. 139/2015, nen 15/1.

¹⁷ Ligji nr. 119/2014, nen 7/3.

¹⁸ [http://akshi.gov.al/wp-](http://akshi.gov.al/wp-content/uploads/2018/02/standardet_teknikë_te_publikimit_te_te_dhenave_ne_formatin_open_data.pdf)

Neni 7

Faqja e internetit e Këshillit

1. Këshilli Bashkiak ka ndërfaqen e tij në faqen zyrtare të internetit të Bashkisë,¹⁹ si dhe ka median sociale zyrtare të tij, sëpaku në facebook dhe twitter.
2. Ndërfaqja zyrtare të internetit Këshillit është portal elektronik kryesor për bërjen publike të njoftimeve, projekakteve, akteve, vendimmarrjes dhe procesit vendimmarrës, veprimtarisë dhe dokumentacionit të Këshillit, si dhe për kryerjen e procesit të informimit dhe këshillimit publik.
3. Këshilli bën publik në faqen e tij të internetit edhe Programi i Transparencës së Këshillit.

Neni 8

Publikimi i dokumenteve në lidhje me vendimmarrjen dhe këshillimin publik

Këshillit, nëpërmjet ndërfaqjes se tij zyrtare të internetit, bën publike dhe në mënyrë të përditësuar, dokumentet që kanë lidhje me procesin vendimmarrës dhe të këshillimit publik, si:

- a. planin vjetor të vendimmarrjes,²⁰
- b. regjistrin elektronik të projektakteve,²¹ së bashku me relacionin shoqërues të tyre;
- c. tekstin e rezolutave apo të deklaratave të depozituara pranë Këshillit për shqyrtim, së bashku me relacionin shoqërues të tyre;
- d. kalendarin e punës së Këshillit;
- e. kalendarin e punës së Komisioneve të Përherëshme dhc ecurinë e shqyrtimit të projektakteve, rezolutave, deklaratave në këto Komisione;
- f. procesverbalet, raportet dhe vendimët e mbledhjeve të Komisioneve të Përherëshme;
- g. njoftimet për mbledhjen e Këshillit dhe Komisioneve,
- h. rendin e ditës për mbledhjet e Këshillit dhe Komisioneve,
- i. listën e projektakteve dhe projektvendimeve në proces shqyrtimi,
- j. njoftimet për këshillimet publike të projektakteve²²,
- k. njoftimet publike paraprake përpëra se të nisë procesin e hartimit të aktit përkatës,²³
- b. tekstin e amendamenteve të depozituara në Komisionet e Përherëshme dhe të amendamenteve të miratuara prej Komisioneve,
- c. kalendarin e seancave këshillimore me bashkësinë,
- d. procesverbalet c takimeve publike,²⁴ të organizuara nga Këshilli.
- e. petitionet dhe nismat qytetare të dërguara Këshillit.
- f. raportin vjetor për transparencën për procesin e vendimmarrjes.

¹⁹ Ligji nr. 119/2014, nenı 7/1.

²⁰ Ligji nr. 146/2014, nenı 16/b.

²¹ Ligji nr. 146/2014, nenı 7, 16/a.

²² Ligji nr. 146/2014, nenı 11/1.

²³ Ligji nr. 146/2014, nenı 12/1.

²⁴ Ligji nr. 146/2014, nenı 6/2.

Neni 9

Publikimi i aktiviteteve të Këshillit, Komisioneve dhe Këshilltarëve

1. Aktivitetet e Këshillit, Komisioneve dhe Këshilltarëve pasqyrohen në faqen e internetit të Bashkisë, në një ndërfaqe të veçantë, dhe në median sociale zyrtare të Këshillit.
2. Informacioni për aktivitetet e Këshillit, Komisioneve dhe Këshilltarëve, përgatitet nën kujdesin e Sekretarit të Këshillit. Sekretari i dërgon Kryetarit të Këshillit një kopje të informacionit që ka përgatitur për publikim në faqen zyrtare të interntit të Bashkisë, për të marrë mendimet dhe sugjerimet e tij.

Neni 10

Programi i Transparencës

1. Këshilli Bashkiak harton dhe miraton programin e transparencës²⁵ në referencë të modelit të përgatitur nga Komisioneri për të Drejtën e Informimit dhe Mbrojtjen e të Dhënavë Personale.
2. Këshilli bën transparent për bashkësinë, minimalisht²⁶, përveç dokumenteve që janë cituar në nenin 8 më sipër, edhe:
 - a. Përbërjen dhe strukturën e Këshillit (anëtarët, Kryetarin e Këshillit, Sekretarin e Këshillit, Komisionet e Këshillit, grupet e Këshilltarëve), CV-të, fotot dhe kontaktet e Këshilltarëve,
 - b. Rregulloren e Këshillit Bashkiak
 - c. Detyrat dhe kompetencat e Këshillit, të Komisioneve dhe Sekretarit të Këshillit
 - d. Aktet, rezolutat dhe deklaratat e miratuara²⁷, përveç atyre që nuk lejohen me ligj, vendimet, urdhëresat dhe urdhrat me karakter normativ,
 - e. çdo dokumenti politikash, plan shërbimesh apo rregulllore shërbimesh;
 - f. Planin vjetor të punës,
 - g. Kodin e Sjelljes
 - h. Të dhëna për buxhetin dhe planin e shpenzimeve të Këshillit për vitin finanziar në vijim dhe vitet e kaluara, si dhe çdo raport vjetor për zbatimin e buxhet të Këshillit.
 - i. Informacioni për procedurat që publiku duhet të ndjekë për të bërë një kërkësë për informim, adresën postare dhe elektronike për depozitimin e kërkësave për informim pranë Këshillit Bashkiak, si dhe procedurat e ankimit të vendimit përkatës.
 - j. Çdo mekanizëm dhe procedurë për bërjen e kërkësave dhe ankesave, në lidhje me veprimet osc mosveprimet e Këshillit Bashkiak.
 - k. Çdo mekanizëm apo procedurë, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër Këshillin Bashkiak në hartimin e akteve, të politikave publike apo ushtrimin e funksioneve të Këshillit Bashkiak;
 - l. Mekanizmat monitorues dhe të kontrollit që veprojnë mbi Këshillin Bashkiak, përfshirë planet e punës, raportet e auditimit, si dhe dokumentet që përbajnjë tregues të performancës së Këshillit Bashkiak.

²⁵ Ligji nr. 139/2015, nen 15/3.

²⁶ Ligji nr. 119/2014, nen 7; dhe Ligji nr. 146/2014.

²⁷ Ligji nr. 139/2015, nen 15/2.

- m. Raportin vjetor për transparencën në procesin e vendimmarrjes,
 - n. Përberjen dhe strukturën, detyrat dhe kompetencat e Komiteteve dhe Bordeve të ngritura nga Këshilli,
 - o. Prosesverbalet e mbledhjeve, raportet dhe vendimet e Komiteteve dhe Bordeve, të cilët janë themeluar nga Këshilli.
 - p. Dokumente të tjera që kërkohen sipas Ligji 119/2014 “Për të Drejtën e Informimit”.
3. Programi i Transparencës së Këshillit hartohet nga Kryesia e Këshillit në bashkëpunim me Sekretarin e Këshillit dhe miratohet nga Këshilli Bashkiak. Rishikimi i programit të transparencës së Këshillit bëhet një herë në vit, dhe ndryshimet propozohen nga Kryetari apo cdo grup Këshilltarësh.

Neni 11

Raporti i Transparencës për Procesin e Vendimmarrjes

1. Këshilli Bashkiak harton dhe publikon raportin vjetor për transparencën për procesin e vendimmarrjes, ku përfshihet informacion për²⁸:
 - a) numrin e akteve të miratuara nga Këshilli Bashkiak gjatë vitit referues;
 - b) numrin e përgjithshëm të rekomandimeve të marra nga palët e interesuara për projektaktet e bëra publike;
 - c) numrin e rekomandimeve e të komenteve të pranuara dhe të refuzuara gjatë procesit të vendimmarrjes;
 - d) numrin e takimeve publike të organizuara.
2. Raporti vjetor për transparencën në procesin e vendimmarrjes publikohet në portalin e regjistrat elektronik të projektakteve si dhe i dërgohet me email apo me postë personave që kanë bërcë kërkësë pranë Këshillit për marrjen e rapportit.²⁹

Neni 12

Transparenca e Mbledhjeve të Këshillit

1. Mbledhjet e hapura të Këshillit transmetohen direkt në faqen zyrtare të internetit të Bashkisë si dhe në sëpaku në një nga mediat audiovizive vendore me transmetim në të gjithë territorin e Bashkisë.
2. Këshilli krijon mundësinë që mbledhjet e hapura dhe dëgjesat publike të Komisioneve të Përherëshëm të transmetohen direkt në faqen zyrtare të internetit të Bashkisë.
3. Këshilli u mundëson qytetarëve qasje në arkivin e videove të Mbledhjeve të Këshillit dhe Komisioneve të Përherëshëm nga faqja e internetit zyrtare e Bashkisë.
4. Cdo pjesëmarrës në Mbledhjen e Këshillit lejohet të rregjistrojë Mbledhjen, përsha kohë nuk pengon zhvillimin normal të Mbledhjes.

Neni 13

²⁸ Ligi nr. 146/2014, nen 20.

²⁹ Ligi nr. 146/2014, nenet 11, 20.

Përgjegjësia e Sekretarit në bërjen publike të dokumenteve dhe veprimtarisë së Këshillit dhe Këshilltareve

1. Sekretari i Këshillit është përgjegjës për bërjen publike të dokumenteve të cituara në nenet 7, 8, 9, 10, 11 më sipër, dhe për pasqyrimin e aktivitetave të Këshillit, Komisioneve dhe Këshilltareve, në faqen zyrtare të internetit të Bashkisë.
2. Në zbatimin e kësaj detyre Sekretari ndihmohet nga punonjësit e Sekretariati, si dhe nga punonjësit e sektorit të teknologjisë së informacionit dhe ato të komunikimit me publikun të Bashkisë.

Neni 14s

Botimet e Këshillit

1. Këshilli boton gazeten e **tij 3 mujore**.
2. Gazeta përmban: njoftime dhe deklatare të Këshillit, infomacion për veprimtarinë e Këshillit dhe të strukturave të tij, informacion për procesin e vendimmarrjes dhe këshillimit publik të Këshillit, artikuj të Këshilltarëve, etj, sipas përcaktiveve në vendimin e Këshillit për botimin e gazetës.
3. Këshilli miraton bordin për përgatitjen e gazetës, i cili drejtohet nga Kryetari i Këshillit dhe ka në përbërjen e tij dy kryetarët e grupeve me të mëdha politike të Këshilltarëve, Sekretarin e Këshillit, dhe një gazetar të pavarur që miratohet nga Këshilli.
4. Sekretari i Këshillit është përgjegjës për koordinimin e punëve për botimin e gazetës dhe shpërndarjen e saj.
5. Çdo Këshilltar ka të drejtë të botojë artikullin e tij, 150-200 fjalë, dhe sipas rregullave që vendos vetë Këshilli në vendimin për botimin e gazetës.

Neni 15

Qasja e Publikut në Botimet e Bibliotekës së Këshillit

1. Këshilli ka bibliotekën e tij e cila administrohet nga Sekretari, nën mbikqyrjen e Kryetari të Këshillit.
2. Minimumi pesë kopje e të gjitha botimeve të Këshillit ruhen në bibliotekën e Këshillit.
3. Publiku është i lirë të ketë qasje në botimet e bibliotekës së Këshillit dhe sipas rregullave për administrimin e bibliotekës të përcaktuara me vendim të Këshillit.

KREU III. PJESËMARRJA E PUBLIKUT

Neni 16

Të drejtat e qytetarëve për pjesëmarrje në qeverisjen bashkiakë

1. E drejta për të marrë pjesë në qeverisjen bashkiakë nënkuption të drejtën për të kërkuar për të përcaktuar ose për të ndikuar në ushtrimin e kompetencave dhe përgjegjësive të qeverisë bashkiakë,³⁰ si dhe në hartimin dhe zbatimin e politikave bashkiakë.
2. Këshilli Bashkiak garanton pjesëmarrjen e publikut dhe grupeve të interesit në procesin e hartimit të politikave dhe në procesin e vendimmarrjes³¹ nëpërmjet seancavë të këshillimit me bashkësinë apo pjesëmarrjes direkte të bashkisës në hartimin e dokumenteve të politikave dhe projektakteve.

Neni 17

Format e nxitjes së pjesëmarrjes së publikut në prorcesin e vendimmarrjes

1. Pjesëmarrja e publikut në prorcesin e vendimmarrjes së Këshillit, në çdo rast, nxitet duke përdorur një seri formash dhe mekanizmash, si: komitetet e ngritura nga Këshilli, këshillat komunitarë, kryesitë e fshatrave, këshillat ronorë, grupe të përbashkëta pune, takimet publike, workshopë me grupet e interest, forumet, takimet në mjediset e hapura, juritë qytetare, tryezat e rrumbullakëta, panelet e qytetarëve, konferenca, pjesëmarrje nëpërmjet faqes së internetit dhe rrjeteve sociale.
2. Këshilli nxit pjesëmarrjen e publikut në bashkë-zhvillimin e dokumenteve, si dhe të politikave dhe akteve të tjera që miratohen përfundimisht nga Këshillit.
3. Në rastet kur Këshilli vendos ngritjen e komitetave, grupeve të punës me përfaqësues të komunitetit dhe shqërisë civile, apo ngritjen e komitetave dhe grupeve të punës të përbashkëta me Këshilltarë dhe përfaqësues të komunitetit dhe shqërisë civile, Këshilli miraton kritere dhe procese transparente për përfaqësimin e grupeve të interesit dhe shqërisë civile në këto komitete apo grupe pune.
4. Komitetet janë mekanizma institucionalë dhe ofrojnë këshilla, reagime, propozime dhe vërejtje për çështje që kanë të bëjnë me zhvillimin shoqëror, ekonomik, mjedisor, kulturore e teknologjik të Bashkisë. Komitetet merrin me studimin e çështjeve kritike, marrjen e dëshmisë publike, kryerjen e hulumtimeve të pavarur dhe rishikimin e raporteve dhe rekondimeve të Ekzekutivit të Bashkisë, kur kjo e fundit i kërkohet nga këshilli, si dhe ushtrojnë funksione të tjera sipas përcaktimeve të vetë Këshillit.
5. Anëtarët e Komitetave dhe grupeve të punës janë banorë të Bashkisë, të cilët përfaqësojnë bashkësinë, shqërinë civile, biznesin, OFJ, median dhe akademinë, dhe përbërja e tyre respekton barazinë gjinor. Rekomandimet e Komitetave/ grupit të punës i përcillen zyrtarisht Këshillit për shqyrtim. Mbledhja e Komitetit / grupit të punës regjistrohet në proceverbalin e përbledhur të mbledhjes, i cili mbahet nga punonjësit e Sekretariatit të Këshillit, dhe firmoset nga drejtuesi i komitetit/ grupit të punës dhe mbajtësi i proceverbalit.

³⁰ CoE- Additional Protocol to the European Charter of Local Self-Government on the right to participate in the affairs of a local authority (CETS No. 207)

³¹ Ligji nr. 139/2015, nen 16/1.

Neni 18

Mekanizmat institucional për nxitjen e pjesëmarrjes së publikut

1. Këshilli ngre mekanizma institucional të përkohshmë apo të pérhershëm për të mundësuar pjesmarrjen e publikut në procesin vendimmarrës të Këshillit dhe në monitorimin e performancës së Këshillit dhe Bashkisë në ofrimin e shërbimeve.
2. Këshilli ngre komitete, grupe këshillimore me qytetarë, për të térhequr mendimet dhe prioritarizuar çështjet zhvillimore të Bashkisë dhe komunitetit.
3. Këshilli ngre “Komitetin për Zhvillimin Strategjik dhe Ekonomik të Bashkisë”, si mekanizëm që ka për qëllim hartimin e propozimeve për politikat dhe objektivat strategjike të zhvillimit të Bashkisë dhe të komunitetit. Komiteti ka anëtarë: i- Këshilltarë të Bashkisë, ii- përfaques të publikut, grupeve të interest, OJFve, iii- biznesit, iv- akademisë. Përberja, anëtarësia, funksionet dhe detyrat e këtij Komisioni përcaktohen me vendim të Këshillit.

Neni 19

Pjesëmarrja e strukturave komunitare në procesin e vendimmarrjes

1. Këshilli Komunitar, vlerëson dhe jep komente, vërejtje apo sugjerime për një veprim, politikë ose plan të draftuar nga Këshilli i Bashkisë, Kryetari i Bashkisë, apo çdo agjenci, komision ose bord i Këshillit Bashkiak, i cili ka si objekt komunitetin apo territorin e lagjes, apo për çdo çështje që i ndikon komunitetit dhe territorit të lagjes. Këshilli komunitar rekomandon ndërmarrjen e një veprimi apo hartimin e një politike ose plani në interes dhe dobi të komunitetit apo territorit të lagjes.
2. Këshilli Komunitar përcjell tek Këshilli Bashkiak nevojat prioritare për lagjen bazuar nga takimet me komunitetin, vlerëson projekt buxhetin afatmesmë dhe vjtor të Bashkisë dhe bë rekomandimet e nevojshme në lidhje me projektet që i ndikojnë drejpërdrejtë përmirësimit të jetës në komunitet dhe zhvillimit të territorit të lagjes.
3. Këshilli Komunitar merr përsipër të menaxhojnë projekte apo aktivtete të projekteve që zbatohen nga Bashkia apo në partneritet me Bashkinë, me komunitetin apo në territorin e lagjes.
4. Kryesia e fshatit vlerëson dhe jep me shkrim komente, vërejtje apo sugjerime për një veprim, politikë ose plan të draftuar nga Këshilli i Bashkisë, Kryetari, apo çdo agjenci e Bashkisë, komision i Këshillit Bashkiak, i cili ka si objekt komunitetin apo territorin e fshatit, apo për çdo çështje që i ndikon komunitetit dhe territorit të fshatit.
5. Kryesia e fshatit përcjell tek Këshilli Bashkiak nevojat prioritare për lagjen bazuar nga takimet me komunitetin
6. Kryesia e fshatit rekomandon me shkrim ndërmarrjen e një veprimi apo hartimin e një politike ose plani në interes dhe dobi të komunitetit apo territorit të fshatit.
7. Kryesia e fshatit merr përsipër të menaxhojnë projekte apo aktivtete të projekteve që zbatohen nga Bashkia apo në partneritet me Bashkinë, me komunitetin apo në territorin e lagjes.

Neni 20

Pjesëmarrja elektronike e publikut në procesin e vendimmarrjes

1. Këshilli Bashkiak një herë në vit organizon çdo vit një pyetesor (të thjeshtë dhe të kuptueshmë) elektronik, në ndërfaqen e Këshillit Bashkiak, ku i kërkon qytetareve të shprehen për një listë prioritetesh të buxhetit për vitit pasardhës. Pyetësori mundëson futjen e të dhënave të përkatësisë gjinore të plotësuesit të pyetësorit.
2. Këshilli Bashkiak organizon një pyetesor elektronik në ndërfaqen e Këshillit Bashkiak, dhe e bën publik përgjatë procesit të hartimit të projekt dokumentit të strategjisë apo të një planit të shërbimit publik. Pyetësori mundëson futjen e të dhënave të përkatësisë gjinore të plotësuesit të pyetësorit.
3. Raportet e pyetësorëve i vihet në dispozicion të gjithë Këshilltarëve, dhe publikohet në faqen zyrtare të internetit të Bashkisë.
4. Sekretari i Këshillit mundëson mbledhjen dhe publikimin e të dhënave gjinore për pjesëmarrjen e publikut në anketim.³²

KREU IV. NJOFTIMI DHE KËSHILLIMI I PUBLIKUT

Neni 21

Detyrimi për zhvillimin e seancave të këshillimit me bashkësinë

1. Këshilli Bashkiak përpara shqyrtimit dhe miratimit të akteve, zhvillon seanca këshillimi me bashkësinë, të cilat janë të detyrueshme në raste kur Këshilli:³³
 - a. zgjedh nga përbërja e vet komisionet e Këshillit dhe miraton rregulloren e brendshme të funksionimit të vet;
 - b. miraton buxhetin dhe ndryshimet e tij;
 - c. miraton tjetërsimin ose dhënien në përdorim të pronave të tretëve;
 - d. vendos përtaksat e tarifat vendore;
 - e. miraton norma, standarde e kritere për rregullimin dhe disiplinimin e funksioneve që i janë dhënë atij me ligj;
 - f. miraton norma, standarde e kritere përmbrojtjen e garantimin e interesit publik.
2. Këshilli mban sëpaku dy takime publike këshillimi me bashkësinë në rastet kur miraton:
 - a. planin strategjik të zhvillimit të bashkisë;
 - b. planin e përgjithshëm vendor të bashkisë;
 - c. vendos përtaksat e tarifat vendore;
 - d. një dokument të politikash strategjike për një fushë të kompetencë së Këshillit
 - a. një plan apo rregullore të shërbimeve publike, si në rastin e shërbimit të ujit të pijshmë dhe të ndotur, të mbetjeve, planin social, të rrugëve, të transportit publik, të mjedisit, të kulturës, të rinësië, të ndricimit, të varrimit.

³² Ligji nr. 9970/2008, nen 14/3.

³³ Ligji nr. 139/2015, nen 18/1.

- b. miraton tjetërsimin ose dhënien në përdorim të pronave të tretëve, ku sëpaku njëren nga takimet e këshillimit e mban në lagjen apo fshatin ku ndodhet prona;
- 3. Këshilli mban sëpaku një takim publik këshillimi me bashkësinë në rastet kur miraton:
 - a. zgjedh nga përbërja e vet komisionet e Këshillit dhe miraton rregulloren e vet;
 - b. miraton ndërtime, prishje apo modifikime sheshesh, rrugesh, trotuaresh, lulishtesh që i ndikojnë direkt komunitetit dhe biznesit.
 - g. një plan apo rregullore të shërbimeve publike, përvç atyre të cituara në pikën 2 më sipër. miraton norma, standarde e kritere përmbrojtjen e garantimin e interesit publik.

Neni 22

Të drejtat dhe detyrimet e publikut në procesin e këshillimit publik

Çdo qytetar dhe palë e interesuara në procesin e njoftimit dhe këshillimit publik ka të drejtë:

- a. t'i kërkojnë Këshillit Bashkiak informacion për procesin e njoftimit e të këshillimit publik, përfshirë aksesin në projektakt, sipas përcaktimit të shkronjës "a", të pikës 1, të nenit 6, të Ligjit 146/2014, me përashtim të rasteve të parashikuara në nenin 4 të po këtij Ligji;
- b. t'i propozojnë Këshillit Bashkiak fillimin e procedurës për hartimin dhe miratimin e projektakteve, sipas planit vjetor të procesit të vendimmarries, publikuar nga Këshilli Bashkiak, në përputhje me parashikimet e shkronjës "b", të pikës 1, të nenit 6, të Ligjit 146/2014;
- c. t'i dorëzojnë Këshillit Bashkiak komente dhe rekomandime për projektaktet që janë në proces të këshillimit publik.

Neni 23

Detyrimi për njoftimin dhe këshillimin publik

Këshilli Bashkiak është i detyruara të marrë të gjitha masat e nevojshme, në mënyrë që të mundësojë pjesëmarrjen efektive të publikut në procesin e njoftimit e të këshillimit publik, përfshirë³⁴:

- a. ngritjen, mirëmbajtjen, ruajtjen dhe arkivimin e regjistrat elektronik të projektakteve;
- b. publikimin në regjistrin elektronik të projektaktit, të njoftimit për këshillim dhe të dhënavë të lidhura me këshillimin e projektakteve;
- c. miratimin dhe shpalljen e kalendarit të seancave të këshillimit me bashkësinë;
- d. ngritjen e sistemit për regjistrimin e komenteve dhe rekomandimeve të bashkësisë, grupeve të interesit dhe institucioneve të interesuara dhe dërgimin e perqigjeve për rekomandimeve e pranuara dhe arsyet e mospranimit të rekomandimeve.
- e. ngritjen e sistemit për marrjen dhe trajtimin e ankesave për mos zbatimin e detyrimeve të ligjit dhe kësaj rregullore për njoftimin dhe këshillimin publik me bashkësinë.

³⁴ Ligji nr. 146/2014, nen 6.

- f. ngritjen e sistemit për grumbullimin dhe analizimin e të dhënave dhe të raportimit e transparencës së vendimmarrjes së Këshillit.

Neni 24

Masat përmundësimin e pjesëmarrjes së publikut në procesin e këshillimit publik

1. Cdo projektakt, sipas përcaktimit në këtë rregullore, që depozitohet për shqyrtim në Këshillin Bashkiak, publikohet paraprakisht në Regjistrin Elektronik për Njoftimin dhe Këshillim Publik në faqen zyrtare të internet të Bashkisë, i cili shërben si një pikë qendrore këshillimi publik dhe siguron qasjen dhe mundësinë e komunikimit të të gjitha palëve të interesuara me Këshillin në lidhje me projektaktet e propozuara.³⁵
2. Sekretari i Këshillit mundëson publikimin paraprak të projektakteve në Regjistrin Elektronik për Njoftimin dhe Konsultimin Publik.
3. Këshilli Bashkiak merr të gjitha masat e nevojshme, në mënyrë që të krijojë mundësi përmes pjesëmarrjen e publikut dhe të gjitha palëve të interesuara, në procesin e njoftimit e të këshillimit publik, përfshirë:
 - a. publikimin në regjistrin elektronik të projektakteve, të njoftimit përmes këshillimit publik dhe i të dhënave të lidhura me këshillimin e projektakteve, të paktën 30 ditë përpëra datës së Mbledhjes së Këshillit ku është planifikuar miratimi i projektaktit;
 - b. publikimin në regjistrin elektronik të projektakteve, të njoftimit përmes këshillimit publik dhe të dhënave të lidhura me këshillimin e projektakteve, të paktën 60 ditë përpëra miratimit të planit përmirësimi i projektit të inicuar nga Këshillit;
 - c. dhënien e informacionit në lidhje me procesin e njoftimit dhe të këshillimit publik në të gjitha fazat, duke filluar nga publikimi i projektaktit, marrja e komenteve dhe rekomandimeve përmirësimi i tij, organizimi i takimeve publike e deri tek dëgjesat publike para miratimit të aktit përfundimtar.

Neni 25

Planifikimi i takimeve apo seancave të këshillimit me bashkësinë

1. Kryetari i Këshillit në këshillim me zëvëndëskryetarët e Këshillit, si dhe në këshillim me Kryetarët e Komisioneve të Përherëshme, dhe Sekretarin e Këshillit, përgatit planin gjashtë mënyrës së takimeve apo seancave të këshillimit me bashkësinë. Plani miratohet nga Kryesia e Këshillit.
2. Kryetarët e Komisioneve të Përherëshme, apo anëtarë të Komisionit të autorizuar nga Kryetarët përkates, marrin pjesë në seancat e këshillimit me bashkësinë, në varësi të fushës që mbulon Komisioni i Përherëshëm ku ato janë anëtarë.

Neni 26

³⁵ Ligji nr. 146/2014, nen 7/1.

Format e këshillimit me bashkësinë

1. Këshillimi me bashkësinë, në çdo rast, bëhet sipas mënyrës së përcaktuar në këtë rregulllore të Këshillit, duke përdorur një nga format e nevojshme, si³⁶:
 - a. takimet e hapura me banorët e grupet e interesit,
 - b. takime me specialistë,
 - c. takime me institucionë të interesuara,
 - d. takime me organizata jo fitimprurëse, ose
 - e. nëpërmjet marrjes së nismës për organizimin e referendumeve vendore³⁷.
2. Këshilli, në kalendarin e seancave të këshillimit me bashkësinë, përcakton një apo disa nga forma e cituara në pikën 1, në varësi të çështjes për të cilën bëhet takimi apo seanca këshillimore.

Neni 27

Fazat e procesit të këshillimit me bashkësinë

Këshillimi me bashkësinë bëhet në disa fazat:

- a. publikimi i projektakteve në regjistrin elektronik të projektakteve;
- b. njoftimi i këshillimit publik për projektaktin;
- c. takimet publike të këshillimit me bashkësinë (banorët e grupet e interesit, specialistë, OJF), institucionë të interesuara apo bashki kufitare, mbas shpalljes së projektaktit;
- d. marrje e komenteve dhe rekomandimeve me postë elektronike apo shkresë;
- e. seanca dëgjimore në Komisionet e Këshillit;
- f. seanca dëgjimore në Mbledhjen e Këshillit.

Neni 28

Standartet e përfshirjes së grupeve të interesit në këshillim publik

Vendimi për të dërguar ftesat për takimet publike për këshillim me bashkësinë dhe grupet e interesit duhet ketë parasysh ruajtjen e një balance mes:

- a. Aktorëve socialë dhe atyre ekonomik,
- b. Kompanieve/ organizatave të vogla e të mëdha
- c. Pjesëmarrës sipas shpëndarjes territoriale dhe llojit të grupeve të interesit

Neni 29

Përbajtja e njoftimit në lidhje me nismën vendimmarrëse të Këshillit Bashkiak.

1. Këshillit Bashkiak në njoftimin për fillimin e procesit të këshillimit publik për projektaktet duhet të përcaktojë të paktën:³⁸
 - a. titullin dhe numrine e projektaktit dhe relacionit shpjegues;

³⁶ Ligji nr. 139/2015, nen 18/2.

³⁷ Ligji nr. 139/2015, nen 18/1.

³⁸ Ligji nr. 146/2014, nen 13.

- b. arsyet e nevojshme për nxjerrjen e projektaktit, si dhe ndikimi që ai do të ketë;
- c. afatin, vendi dhe mënyra me të cilën palët e interesuara paraqesin ose dërgojnë rekomandimet e tyre;
- d. adresën për mbledhjen e rekomandimeve dhe komenteve për projektaktin;
- b. vendin dhe datën e organizimit të takimit publik dhe seancës dëgjimore.

Neni 30

Standartet e këshillimit dhe informacioni që është sigurohet palëve të interesuara

1. Këshillit i mundëson palëve të interesuara, me të cilat do të këshillohet, pajisen me informacionin e nevojshëm për t'u kriuar atyre mundësinë të kontribuojnë në mënyrën më efektive të mundshme në procesin e përgatitjes së projektaktit në rrugë elektronike dhe/ose postare.³⁹
2. Krahas projektaktit dhe relacionit shpjegues që është shoqëron, dy dokumente këto që bëhen publike në regjistrin elektronik të projektakteve, Këshilli, në varësi të kompleksitetit, volumit dhe karakteristikave të tjera të projektaktit, siguron:
 - a. shpjegime për qëllimin e këshillimit,
 - b. përshkrimin e çështjes dhe problemet që trajton projektakti;
 - c. pyetjet që ngren Këshilli ndaj publikut (nësa ka);
 - d. detaje të çdo takimi publik apo dëgjese publike që do të organizohet në lidhje me projektaktin për këshillim;
 - e. kontaktet dhe afatet e dërgimit të komenteve, rekomandiave, vërejtjeve;
 - f. idetë e përgjithshme;
 - g. ndryshimet kryesore dhe/ose alternativat e mundshme
 - h. (për aq sa është e mundur) studime apo analiza që janë kryer për hartimin e projektaktit;
 - i. shpegin të procesit që do ndjekë dhe veprimet që do të ndërmarrë Këshilli për të shqyrtuar rekomandimet nga publiku dhe informacion për se çfarë do të vijojë pas kësaj faze këshillimi;
 - j. referencat dhe lidhjet elektronike për të gjetur dokumentete që lidhen me projekaktin që është shpallur për këshillim publik.
3. Dokumenet që disponon Këshilli në lidhje me projektaktet e shpallura për këshillim publik janë në dizpozicion të publikut dhe palëve të interesuara për lexim apo fotokopjim, në zyrën e Sekretarit të Këshillit.
4. Në çdo rast, qasja në dokumentacionin e nevojshëm që lidhet me projektaktin sigurohet edhe sipas mënyrës së përcaktuar në legjislacionin në fuqi për të drejtën e informimit për dokumentet zyrtare⁴⁰.
5. Sekretari i Këshillit koordinon mbledhjen e informacionin, studimeve, analizave, shpjegimeve të nevojshëm nga hartuesit e projektaktit apo inicuesit e hartimi të projektaktit, dhe i bën ato publike njëkohësisht me projektaktin.

³⁹ Ligji nr. 146/2014, nen 14.

⁴⁰ Ligji nr. 146/2014, nen 14.

Neni 31

Përgatitja e njoftimit dhe e takimeve këshillimore me bashkësinë

1. Sekretari i Këshillit është përgjegjës për përgatitjen e takimeve apo seancave të këshillimit me bashkësinë,⁴¹ sipas kalendarit të takimeve të miratuar.
2. Sekretari harton njoftimin ku përcakton vendin, datën dhe orën e zhvillimit të takimit së këshillimit me bashkësinë, dhe njoftimin ia drejton Këshilltarëve, publikut, institucioneve dhe OFJ-ve të cilat kanë shprehur interes me kërkesë me shkrim për të marrë pjesë në takim, si dhe medias audiovizive vendore. Në takimet publike ftohen të marrin pjesë të gjithë anëtarët e Këshillit.
3. Njoftimi bëhet publik në faqen e internetit të Bashkisë, në median sociale të Këshillit dhe median e shkruar vendore (nëse ka), në tabelën e shpalljeve në ndërtesën kryesore të Bashkisë dhe në fshatrat apo në lagje urbane ku do të zhvillohet takimi me komunitetin, jo më vonë se 10 ditë pune para mbajtjes së takimit apo seancës.
4. Në përgatitjen e takimeve apo seancave të këshillimit me bashkësinë, Sekretari bashkëpunon dhe ndihmohet nga Koordinatori i Bashkisë për Njoftimin dhe Konsultimin Publik dhe punonjësit e Sekretariatit të Këshillit.

Neni 32

Mënyrat e njoftimit dhe marrjes së komenteve dhe rekomandimeve

1. Njoftimi për projektaktet që do t'i nënshtronë procedurës së këshillimit publik kryhet nëpërmjet regjistrin elektronik në faqen e internetit zyrtare të Bashkisë.⁴²
2. Këshilli mund ta kryej njoftimi edhe në një apo disa nga format e mëposhtme:
 - a. medias sociale zyrtare të Këshillit;
 - b. postës elektronike;
 - c. lajmërimi publik, i cili afishohet në ambientet e Bashkisë;
 - d. medias audiovizive rajonale dhe/ ose vendore.
 - e. botimit në gazetat vendore;
 - f. lajmërimi publik, i cili afishohet në mjedise publike në qëndër lagje apo apo qëndër fshati, nëpërmjet ndërlidhësit komunitar në lagjet e qytetit apo kryetarët e fshatrave, në rastet kur takimet bëhen në lagje apo fshat;
3. Kryetari i Këshillit mbas këshillimit me Zëvendëskryetarët e Këshillit, vodos për rastet kur do të përdoren format tjera të njoftimit të përmendura në gërmat e pikës 2 të këtij neni, dhe ia njofton me shkrim këto Sekretarit të Këshillit.
4. Sekretari i Këshillit është përgjegjës për përbërjen e njoftimeve për këshillim publik të projektakteve të depozituara për shqyrtim në Këshillin Bashkiak e që do t'i nënshtronë procedurës së këshillimit publik. Sekretari i realizon njoftimet me mbështetjen e Koordinatorit të Bashkisë për Njoftimin dhe Konsultimin Publik, punonjësve të Drejtorisë së Teknologjisë së Informacinit dhe ato të Drejtorisë së Komunikimit me Publikun të Bashkisë.

⁴¹ Ligji nr. 139/2015, nen 18/1.

⁴² Ligji nr. 146/2014, nen 11/1.

5. Marrja e komenteve dhe rekomandimeve bëhet nëpërmjet takimeve publike të organizuara nga Këshilli.
6. Dërgimi i komenteve dhe rekomandimeve bëhet me postë elektronike, me shkresë, dhe i drejtohen Këshillit të Bashkisë (shih modelin në shtojcën nr. _____).
7. Këshilli mundëson ngritjen e Kutive Postare në secilën godinë të Njësi së Administrative, për të lehtesuar marrjen e komenteve dhe rekomandimeve të publikut për projektatet dhe çështjet që shqyrton Këshillit. Shkesat e heshura në kutitë postare dorëzohen nga Administratorët e Njësive Administrative pranë zyrës së protokollit të Bashkisë.

Neni 33

Mbajtja e takimeve këshillimore me bashkësinë

1. Takimet publike të këshillimit më bashkësinë drejtohen apo Kryetari i Komisionit të Përherëshëm përkatës apo një Këshilltar i cili është anëtar i Komisionit dhe i autorizuar nga Kryetari përkatës, dhe lehtesohen nga Sekretari i Këshillit, dhe në mungesë të tij nga Koordinatori për Konsultimin Publik i Bashkisë.
2. Me vendim të Kryesisë së Këshillit, takimet e këshillimeve publike për çështje të rëndësishme, transmetohen në median audiovizive publike⁴³, si dhe në faqen e internetit zyrtare të Këshillit, për të mundësuar ndjekjen e tyre nga publiku i gjërë. Sekretari kujdeset përmundësimin e transmetimit.
3. Sekretari i Këshillit, i ndihmuar nga punonjësit e Sekretariatit, është përgjegjës përmajtjen e procesverbalit të takimeve publike (model i procesverbalit në shtojcën nr. _____).
4. Sekretari i Këshillit dhe punonjësit e Sekretariatit siguronjë plotësimin e listës së pjesëmarrësve (model në shtojcën nr. _____), në takimet apo seancat e këshillimit me bashkësinë.
5. Këshilli Bashkiak, nëpërmjet Sekretariatit të tij grumbullon, mirëmban dhe publikon të dhëna gjinore përmes pjesëmarjen e publikut në aktivitetet e organizuara në Këshilli, si në rastin e dëgjesave dhe takimeve të tjera me publikun⁴⁴.
6. Këshilli merr masa që takimet publike në kuadër të këshillimit publik të zhvillohen në ambiente ku ka qasje edhe personat me aftësi ndryshe.

⁴³ Ligji nr. 146/2014, nen 6/2.

⁴⁴ Ligji nr. 9970/2008, nen 14/3.

Afati dhe standartet për dorëzimin dhe shqyrtimin e komenteve dhe rekomandimeve

1. Për secilin projektakt të shpallur për këshillim publik, Këshilli i mundëson dhe i përcakton publikut kohën dha afatin e nevojshëm për të kontribuar me komente, rekomandime, vërejtje në takimet a hapura, apo me poste elektronike apo me shkrim.
2. Publikut dhe palëve të interesuara u jepet afat: a) jo më pak se 20 ditëve pune nga data e njoftimit për procesin e njoftimit paraprak, dhe b) jo më pak se 20 ditëve pune nga data e njoftimit për procesin e njoftimit e të këshillimit publik, për të dërguar pranë Këshillit Bashkiak komentet dhe rekomandimet e tyre.⁴⁵
3. Për akte veçanërisht komplekse ose të rëndësishme, siç është rasti i projekt dokumentit final të Strategjisë së Përgjithshme të Zhvillimit të Bashkisë, projekt dokumentit final të Buxhetit Afatmesëm dhe Vjetor, projekt dokumentin final të Planit të Përgjithshmë Vendor, afati për dërgimin e komenteve do të jetë 40 ditë pune nga data e njoftimit të këshillimit publik.
4. Përcaktimet e afateve të sipërpërmendura nuk anashkalojnë asfatet kohore të përcaktuara në ligje të veçanta për procedurat e këshillimit publik.
5. Marrja e komenteve dhe rekomandimeve në procesin e këshillimit publik kryhet me postë elektronike apo me shkrim, si dhe në raste të caktuara në formë verbale të regjistruara në proces-verbalin e takimeve publike.⁴⁶
6. Sekretari i Këshillit, me mbështetjen e punonjësve të Sekretariatit të Këshillit Bashkiak dhe të Koordinatorit të Njoftimit dhe Konsultimit Publik të Bashkisë, mundëson grumbullimin dhe sistemin në mënyrë të strukturuar dhe transparente të komenteve dhe rekomandimeve të publikut në procesin e këshillimit⁴⁷, dhe një përbledhje e rekomandimeve të pranuara i bashkengjitet secilit prej projektakteve. sipas dispozitave të këtij ligji. Nëse rekomandimet e palëve të interesuara nuk janë pranuar,
7. Komisioni i Përherëshëm përkatës shqyrton komentet dhe rekomandimet për hartimin e projektaktit dhe vendos për pranimin ose refuzimin e rekomandimeve të marra nga palët e interesuara të këshilluara.
8. Projektaktet shoqérohen me një përbledhje të rekomandimeve të pranuara. Nëse rekomandimet e palëve të interesuara nuk janë pranuar, atëherë Këshilli, nepërmjet Kryetarit, i paraqet një përbledhje të arsyeve për mospranimin e tyre në një nga format e njoftimit, si me email apo shkresë,⁴⁸ kjo e fundit e firmosuar nga Sekretari
9. Marrja e komenteve dhe rekomandimeve në procesin e konsultimit publik kryhet me postë elektronike, me shkrim si dhe në raste të caktuara në formë verbale të regjistruara në proces-verbalin e takimeve publike⁴⁹.

⁴⁵ Ligji nr. 146/2014, nenı 15.

⁴⁶ Ligji nr. 146/2014, nenı 11/2.

⁴⁷ Ligji nr. 146/2014, nenı 19.

⁴⁸ Ligji nr. 146/2014, nenı 11.

⁴⁹ Ligji nr. 146/2014, nenı 11/2.

Neni 35

Seanca dëgjimore publike

1. Këshilli mund të organizojë seanca dëgjimore publike me komunitetin, agjencitë në varësi të Bashkisë, ekspertë, përfaqësues të shoqërisë civile, përfaqësues të grupeve të interesit për të marrë informacion, dëshmi, komente dhe propozime për projektaktet dhe projektpolitikat që janë depozituar për shqyrtim dhe vendimmarrje në Këshill apo në Komisionet e Përherershme.
2. Kryetari i Këshillit/ Kryetari i secilit Komision të Përkohshëm mund të thërrasë një seancë dëgjimore mbi çështje që i përkasin fushës së veprimtarisë së Këshillit/ Komisionit.
3. Këshilli/ Komisioni është i detyruar të realizojë seancën dëgjimore në rast se një e treta e të gjithë anëtarëve të Këshillit/ Komisionit e kërkon atë në mënyrë të motivuar me shkrim.
4. Kryetari i secili Komision të Përkohshëm gjithashtu ka të drejtë të pranojë paraqitjen e dëshmive të publikut në mbledhjen e Komisionit për çështje që shqyrtohen nga Komisioni.
5. Rekomandimet dhe mendimet e shprehura nga publiku në dëgjesat publike dokumentohen në procesverbalin mbledhjes së Këshillit/ Komisionit, dhe rekomandimet e pranuara i bashkëngjiten projektaktit dhe vendimit të Këshillit/ Komisionit.

Neni 36

Dokumentimi dhe shqyrtimi i komenteve dhe rekomandimeve të bashkësisë

1. Komentet dhe rekomandimet e bashkësisë e shprehura në takimet publike të organizuara nga Këshilli në kuadër të këshillimit publik, dokumentohen në procesverbalin e takimit publik. Prosesverbalini mbahet nga Sekretari apo një punonjës i Sekretariatit të Këshillit, të autorizuar nga Sekretari.
2. Sekretari përgatit një përbledhje të rekomandimeve të takimeve publike, dokumenti i cili bashkëfirmoset nga drejtuesi i takimit.
3. Sekretari i dërgon Kryetarit të Bashkisë një kopje të përbledhjes së rekomandimeve.
4. Projektakti që i paraqitet për shqyrtim Komisionit të Përhereshëm shoqërohet me përbledhjen e rekomandimeve të pranuara nga takimeve publike (model i përbledhjen e rekomandimeve në shtojcën nr. _____), ndërkohë përbledhja e rekomandimeve të pranuara nga seancat dëgjimore në Komisioneve të Përhereshme, sëbashku me rekomandimet e pranuara nga takimeve publike, shoqërojnë projektaktin dhe i paraqitet për shqyrtim Mbledhjes së Këshillit. Nëse rekomandimet e palëve të interesuara nuk janë pranuar, atëherë Këshilli/ Komisioni i të Përhereshëm paraqet një përbledhje të arsyeve për mospranimin e tyre e cila i bashkëngjiten projektaktit që shqyrtohet në mbledhjen e Këshillit.
5. Komentet dhe rekomandimet e bashkësisë, që i dërgohen Këshillit me postë elektronike apo shkresë, përbledhen nga Sekretari në bashkëpunim me punonjësit e Sekretariatit, në një dokument relacion të cilin Kryetari i Këshillit, nëpërmjet Sekretarit

ia dërgon mc shkresë Kryetarit të Komisionit përkatës, si dhe çdo Këshilltari në postën elektronike.

Neni 37

Standartet e reagimit të Këshillit ndaj komenteve dhe rekondimeve të publikut

1. Këshilli siguron reagim ndaj komenteve, rekondimeve, verejtjeve të dërguara nga publikut apo grupet e interesit për projektaktin / projektpolitikën e shpallur për këshillim publik, përgjatë gjithë fazave të procesit të këshillimit publik.
2. Në varësi të numrit të komenteve, rekondimeve, vërejtjeve, Këshilli, nepërmjet Sekretarit, i dërgon konfirmimin e marjes së tyre të gjithë dërguesve:
 - a. me poste elektronike (individualisht), ose
 - b. përgjigje kolektive (me poste elektronike apo në portalin e këshillimit të Këshillit; nëse postohen në portal komente apo rekondime nga palët që kanë kontribuar, brenda 15 ditëve pune nga postimi i përgjigjes kolektive, kjo do të konsiderohet si konfirmimi i marjes së reagimit të Këshillit nga kontribuesi).

Neni 38

Pjesëmarrja e qytetarëve në Mbledhjen e Këshillit

1. Qytetarët janë të lirë të marrin pjesë në Mbledhjet e Këshillit sipas rregullave dhe procedurave ligjore dhe kësaj rregullore.
2. Kur një qytetar dëshiron të marrë pjesë dhe të flasë në Mbledhjen e Këshillit, ai/ajo duhet të dorëzojë kërkesë me shkrim, të nënshkruar, me emrin, adresën e plotë dhe numrin e celularit, dhe ku duhet të specifikojë çështjen për të cilën do të flasë, sëpaku një ditë përpresa mbajtjes së Mbledhjes, apo mund të dërgojë të dhënat e tij edhe në postën elektronike të Sekretarit. Në të dy rastet qytetari duhet të dorëzojë kërkesën me të dhënat sëpaku 48 orë para Mbledhjes.
3. Qytetarët kanë tre (3) minuta për t'iu drejtuar Këshillit në Mbledhjet e rrëgulla dhe sipas radhës së regjistrimit për të folur. Qytetarët kanë pesë (5) minuta për të folur si individ ose 8 minuta në-emër të-një organizate apo grapi interesit në rastet e seancave dëgjimore publike. Çdo anëtar i Këshillit ka deri në tre (3) minuta për t'i bërë pyetje qytetarit në mbledhjet e Këshillit të rrëgullt dhe të Komitetit të Përherëshëm dhe pesë minuta në Seancat Publike, në lidhje me propozimin, komentin apo rekondimin. Këshilli dëgjon të gjithë folësit e regjistruar dhe nëse koh anuk mjafton, folësit e tjerë marrin fjalën në Mbledhjen e radhës.
4. Kryetari bën shpëndarje e kohës për folësit e regjistruar. Një qytetar mund të paraqitet për të folur para Këshillit, gjatë periudhës së komenteve për qytetarët, jo më shumë se katër herë në vit dhe jo më shumë se një herë brenda një periudhe tremujore.
5. Folësve nga publiku nuk i lejohet të bëjnë fushatë politike, të promovojnë biznese, të përdorin flalë apo të mbajnë pankarta me elementë fyese apo denigruese, si dhe ato duhet të jenë të veshur në mënyrë të përshtashme.
6. Qytetarët që duan të bëjë një prezantim në seancën dëgjimore apo në një mbledhje të Këshillit, duhet ta dorëzojnë prezantimin tek Sekretari, me email, jo më vonë se dy ditë përpresa datës së mbledhjes apo dëgjesës.

7. Një qytetari nuk do t'i kërkohet të regjistrojë emrin dhe mbiemrin e tij/saj, apo të japë informacione të tjera rreth tij/saj, të plotësojë një pyetësor, apo të plotësojë ndonjë kusht tjetër, si kusht për të marrë pjesë në një Mbledhje të Këshillit apo Komisionit të Përhershëm të Këshillit.
8. Nëse në Mbledhjen e Këshillit apo të Komisionit të Përhershëm të Këshillit, qytetarëve të pranishëm në Mbledhje u shpërndahet një listë për dokumentin e pjesëmarrjes, rregjistër, pyetësor apo ndonjë dokument tjetër i ngjashëm me to, në atë dokumente duhet të deklarohet qartë se nënshkrimi, regjistrimi, ose plotësimi i dokumentit është vullnetar, dhe që të gjithë qytetarët mund të marrin pjesë në mbledhje, pavarësisht nëse firmosin, regjistrojnë apo e plotësojnë dokumentin.
9. Asnjë person nga publiku nuk lejohet të flasë me shumë se dhjetë (10) minuta përgjatë gjithë kohës që zhvillohet e gjithë Mbledhja e Këshillit. Personat nga publiku nuk lejohen t'i drejtohen apo t'i bëjë pyetjet direkt Kryetarit apo stafit të Bashkisë, por vetëm me lejen e Kryetarit/ Kryesuesit të Mbledhjes.
10. Qytetarët lejohen të flasin në një mbledhje të veçantë të Këshillit, vetëm për ato pikat të axhendës ku lejohen folësit nga publiku.

Neni 39

Përfshirja e këshillave komunitarë dhe kryesive të fshatrave në proçesin e këshillimit publik

1. Këshillat komunitarë dhe kryesitë e fshatrave marrin pjesë direkt në proçesin e këshillimit publik të projektakteve, me komente dhe rekomandimet e tyre, kryesisht në rastet kur një projektakt i ndikon direkt banorëve apo grupeve të interesit, bizneseve dhe territorit të lagjes apo fshatit.
2. Në rast kur Komisioni i Përhershëm i kërkon ndërmjetësit komunitar dhe/apo kryetarit të fshatit të shprehen me shkrim për projekatin/et që janë shpalluar për këshilli publik, ndërmjetësi komunitar dhc/apo kryetari i fshatit organizojnë mbledhjen e këshillit komunitar/ kryesisë së fshatit, shqyrtojnë kërkesën e Komisionit i Përhershëm dhe i dërgojnë përgjigjen përkatëse.
3. Në çdo rast ndërmjetësi komunitar dhe/apo kryetari i fshatit dërgon komentet dhe rekomandimet brenda afatit 20 ditë pune nga data e shpalljes së projektaktit për këshillim public.

Neni 40

Këshillimi i publikut për projekt Planin Strategjik të Zhvillimit të Bashkisë

1. Këshilli miraton projektaktin e Planin Strategjik të Zhvillimit të Bashkisë (PSZhB) që i paraqitet për shqyrtim nga Kryetari i Bashkisë pasi projektakti shqyrtohet nga Komisioni i Zhvillimit Strategjik dhe Ekonomik, në një mbledhje të hapur për publikun dhe median.
2. Komisioni mban dy takimeve publike në lidhje me projektaktin e PSZhB apo rishikimin e PSZhB, një seancë në secilën prej dy mbledhjeve të Këshillit ku shqyrtohet PSZhB. Në dy takimeve publike ftohen të marrin pjesë të gjithë anëtarët e Këshillit.

3. Këshilli në Mbledhjen e parë të shqyrtimit të projektaktin e PSZhB përcakton datat e mbajtjes së dëgjesave publike që do të organizohen nga Këshilli, ndërkokë në Mbledhjen e dytë, shqyrton raportin e Komisionit dhe komentet, rekomandimet dhe vërejtje e publikut të dokumentuara në dy dëgjesat publike.
4. Këshilli organizon dy seanca dëgjimore publike në lidhje me projektaktin e PPV apo rishikimin e PSZhB. Në seanca dëgjimore ftohen të marrin pjesë të gjithë anëtarët e Këshillit.
5. Seanca e parë dëgjimore organizohet me pjesëmarrjne e grupeve të interesit që kanë dërguar kërkesë për pjesëmarije, dhe seanca e dytë organizohet me pjesëmarrjen e grupeve komunitare nga njesitë administrative. Seanca dëgjimore organizohen nga Sekretari dhe drejtohen nga Kryetari Komisionit, dhe në mungesë të tij nga zëvëndës kryetari Komisionit.
6. Në seancat dëgjimore lejohet të flasin vetëm pësonat të cilët kanë bërë kërkesë me shkrim dhe kanë regjistruar emrin, adresën dhe kontaktet me celular dhe/apo postë elektronike.
7. Komentet, rekomandimet dhe vërejtjet e publikut dokumentohen nga Sekretari dhe punonjësit e Sekretariatit, dhe janë të hapura për publikun.
8. Rekomandimet e pranuara, bashkë me raportin e Komisionit, i paraqiten Këshillit në seancën ku shqyrtohet PSZhB.

Neni 41

Këshillimi i publikut për projekt dokumentin e buxhetit të bashkisë

1. Programi buxhetor afatmesëm dhe projektbuxheti vjetor vendor këshillohet me komunitetin dhe grupet e interesit⁵⁰, në sëpaku një takim publik me komunitetin në çdo njësi administrative të Bashkisë, dhe në jo më pak se tre takime me grupe interesit.
2. Këshilli dhe Komisioni i Financave dhe Buxhetit mbajnë secili sëpaku një dëgjesë publike (maksimumi 30/minuta) në Mbledhjen ku shqyrtohet raporti vjetor i zbatimit të buxhetit dhe realizimit të të ardhurave të Bashkisë.
3. Kryetari i Këshillit, në këshillim me Kryesinë e Këshillit dhe Kryetarin e Bashkisë, harton kalendarin e takimeve publike për buxhetin afatmesëm e vjetor të Bashkisë dhe Sekretari ia njofton të gjithë Këshilltarëve 10 ditë punc përpëra fillimit të takimeve publike.
4. Takimet publike për buxhetin e Bashkisë organizohen sipas afateve dhe intervaleve të kalendarit të procesit të shqyrtimit të projekt dokumentit të buxhetit.
5. Në njoftimet e takimeve publike specifikohet data, ora, vendi dhe emri i drejtuesit të takimit.
6. Rekomandimet dhe propozimet e prezantuara në dëgjesat publike të organizuara nga Këshilli dhe Komisioni i Financave dhe Buxhetit shqyrtohen në Mbledhjen e Komisioni i Financave dhe Buxhetit, ku është i ftuar edhe Kryetari i Bashkisë dhe Drejtori i Financës e Buxhetit i Bashkisë.

⁵⁰ Ligji 68/2017, nen 5/ç

7. Rekomandimet dhe propozimet e prezantuar në dëgjesat publike të organizuara nga Këshilli, dhe si dhe ato të paraqitura në Mbledhjet e Këshillit ku diskutohen projekt i parë dhe projekt final i buxhetit, dokumentohet në shtojcën për Këshillimin Publik të dokumentit të miratuar të buxhetit, sëbashku me komentet e marra nga dëgjesat publike dhe dëgjesën e Komisionit të Financave dhe Buxhetit të bëra në fazat e mëparshme të hartimit të buxhetit. Në këtë shtojcë pasqyrohet edhe fotot e takimeve dhe të dëgjesave me publikun.
8. Rekomandimet dhe propozimet e prezantuar në dëgjesat publike të organizuara nga Komisioni i Financave dhe Buxhetit dokumentohet në shtojcën për këshillimin publik të raportit të këtij Komisioni. Reflektimi i propozimeve dhe si rezultat ndryshimi i projekt buxhetit bëhen nga Drejtori i Financave dhe Buxhetit, dhe miratohet nga Kryetari i Bashkisë.
9. Këshilli, nëpërmjet Sekretarit, mundëson publikimin në regjistrin elektronik të projektakteve të tavaneve buxhetore paraprake dhe ato të rishikuara, si dhe të projekt dokumentit të parë, atë paraprak dhe atë përfundimtar të buxhetit afatmesëm, si dhe projekt dokumentin e buxhetit vjetor.

Neni 42

Këshillimi i publikut për projekt Planin e Përgjithshëm Vendor

1. Këshilli miraton projektaktin e Planit të Përgjithshëm Vendor (PPV) që i paraqitet për shqyrtim nga Kryetari i Bashkisë pasi projektakti shqyrtohet nga Komisioni i Zhvillimit Hapësinor, Infrastrukturës dhe Strehimit në një mbledhje të hapur për publikun dhe median. Komisioni shqyrton dhc argumentimin e moskryerjes së ndryshimeve nga Kryetari i Bashkisë të sugjerura gjatë takimeve me publikun që ka organizuar Kryetari⁵¹.
2. Komisioni mban dy takimeve publike për të mundësuar marrjen e komenteve dhe sugjerimeve të projektaktit të PPV apo rishikimin e PPV. Kryetari i Komisionin fton ekspertë të planifikimit dhe dizenzimit, urbanistë, arkitektë dhe inxhinierë mjedisi dhe të agromjedisit, juristë për t'u këshilluar nëse projektakti i Planit ka mospërputhje me dokumentet e planifikimit ose me legjislatinin në fuqi. Në dy takimeve publike ftohen të marrin pjesë të gjithë anëtarët e Këshillit.
3. Këshilli në Mbledhjen e parë të shqyrtimit të projektaktin e PPV përcakton datat e mbajtjes së dëgjesave publike që do të organizohen nga Këshilli, ndërkokë në Mbledhjen e dytë, shqyrton raportin e Komisionit dhe komentet, rekomandimet dhe vërejtje e publikut të dokumentuara në dy dëgjesat publike.
4. Këshilli organizon dy seanca dëgjimore publike në lidhje me projektaktin e PPV apo rishikimin e PPV.
5. Seanca e parë dëgjimore organizohet me pjesëmarrjne e grupeve të interesit që kanë dërguar kërkësë për pjesëmarrje, dhe seanca e dytë organizohet me pjesëmarrjen e grupeve komunitare nga njesitë administrative. Seanca dëgjimore organizohen nga Sekretari dhe drejtoshen nga Kryetari Komisionit, dhe në mungesë të tij nga zëvëndës kryetari Komisionit.

⁵¹ Ligji nr. 107/2014, nen 24/5.

6. Në seancat dëgjimore lejohet të flasin vetëm përsonat të cilët kanë bërë kërkesë me shkrim dhe kanë regjistruar emrin, adresën dhe kontaktet me celular dhe/apo postë elektronike.
7. Komentet, rekomandimet dhe vërejtjet e publikut dokumentohen nga Sekretari dhe punonjësit e Sekretariatit, dhe janë të hapura për publikun.
8. Rekomandimet e pranuara, bashkë me raportin e Komisionit, i paraqiten Këshillit në seancën ku shqyrtohet PPV.

Neni 43

Procedurat e ankimimi për zhvillimin e këshillimit publik

1. Nëse palët e interesuara vlerësojnë se Këshilli Bashkiak ka cenuar të drejtën e tyre për njoftim dhe këshillim publik, si dhe kur nuk janë respektuar afatet e parashikuara në ligj dhe këtë rregullore, ato mund të ankohen pranë Kryetarit të Këshillit për procesin e njofimit dhe këshillimit publik, kur projektakti nuk është miratuar ende.
2. Kryetari njofton Këshillin, i cili me marrjen e ankesës, merr masa të menjëherëshme për korrigimin dhe reflektimin e vërejtjeve të paraqitura në ankesën e palës së interesuar. Në çdo rast, Kryetarit të Këshillit nepërmjet Sekretarit, njofton palën e interesuar për masat e marra dhe e fton atë të japë komentet dhe rekomandimet për projektaktin.

Neni 44]

Monitorimi dhe raportimit i mbarëvajtjes së procesit të këshillimeve publike

1. Këshilli miraton dhe bën publik raportin vjetor të transparencës së vendimmarrjes së Këshillit.⁵²
2. Raporti miratohet brenda muajit Mars të vitit pasardhës.
3. Raporti përban:
 - numrin e takimeve publike të organizuara,
 - numrin e përgjithshëm të rekomandimeve të marra nga palët e interesuara;
 - numrin e rekomandimeve të komenteve të pranuara dhe të refuzuara gjatë procesit të vendimmarrjes,
 - forma e njofimit publik,
 - forma e këshillimit publik,
 - datat e takimeve të hapura për këshillimin publik,
 - grupet e këshilluara në takimet e hapura.
4. Raporti hartohet nga Sekretari në bashkëpunim me Kryetarin e Këshillit dhe firmoset nga Kryetari i Këshillit.
5. Sekretari mundëson të dhënat gjinore të pjesëmarrjes së publikut në takimet publike dhe në dërgimin e komenteve.
6. Këshilli Bashkiak ndërmerr një anketim vjetor për monitorimi i mbarëvajtjes së procesit të këshillimit publik. Anketimi kryhet në formë elektronike nëpërmjet faqes

⁵² Ligji nr. 146/2014, nen 20.

zyrtare të internetit të Bashkisë, si dhe drejtpërdrejtë me grupe vulnerabël. Sekretari bën publik raportin në faqen zyrtare të internetit të Bashkisë.

Neni 45

Financimi i të këshillimeve publike

1. Financimi i këshillimeve publike të organizuara nga Këshilli, bëhet nëpemjet buxhetit vjetor të Këshillit Bashkiak, pa përjashtuar financimet apo sponsorizimet⁵³ nga të tretët.
2. Këshilli raporton për shpënzimet e këshillimeve publike, në reportin finansiar vjetor të zbatimit të buxhetit të Këshillit.

Neni 46

Komunikimi elektronik i publikut me Këshilltarët

1. Publiku komunikon me Këshilltarin përmes postës elektronike zyrtare, e cila është publike në faqen zyrtare të internetit të Bashkisë.
2. Këshilltari konfirmon marrjen e mesazhit në postës elektronike dhe vijon ndjekjen e çështjes në administratën e Bashkisë apo agjencinë përkatëse.

KREU V. MBROJTJA E TE DHENAVE PERSONALE

Neni 47

Mbrojtja e të Dhënave Personale

1. Këshilli Bashkiak garanton informimin, mbrojtjen dhe trajimin e të dhënave personale duke respektuar të drejtat dhe liritë themelore të shtetasve, bazuar tek Kushtetuta e Republikës së Shqipërisë dhe Ligji nr. 9887, datë 10.03.2008 “Për mbrojtjen e të dhënave personale”.
2. Këshilli nuk lejon përhapjen e të dhënave personale dhe sensitive gjatë Mbledhjeve të Këshillit, të Komisioneve të Përherëshme, apo të strukturave të tjera të ngitura me vendim të Këshilli, apo në komunikimet e Këshillit më publikun dhe median, në kundështim me kërkesat e Ligjit nr. 9887/2008.
3. Kërkesat e Ligjit nr. 9887/2008 nuk zbatohet përsa i përket përpunimin e të dhënave vetëm për rastet kur jepet informacion për persona publikë zyrtarë ose punonjës të administratës publike (shtetërore), nëpërmjet të cilët pasqyrohet aktiviteti publik, administrativ ose çështje lidhur me detyrën e tyre.⁵⁴
4. Këshillit Bashkiak nuk lejon përpunimi i të dhënave, që zbulojnë origjinën racore ose etnike, mendimet politike, anëtarësinë në sindikata, besimin fetar apo filozofik, dënimet penale, si dhe shëndetin dhe jetën seksuale. Përpunimi i të dhënave sensitive bëhet vetëm në rastet e parashikuara nga Ligji nr. 9887/2008 Për mbrojtjen e të dhënave personale.⁵⁵
5. Çdo subjekt i të dhënave ka të drejtë të kërkojë me shkrim dhe pa pagesë pranë Këshillit Bashkiak bllokimin, korrigimin ose fshirjen e të dhënave, kur vihet në dijeni

⁵³ Ligji nr. 7892/1994 “Për sponsorizimet”

⁵⁴ Ligji nr. 9887/2008, nen 4/4/b.

⁵⁵ Ligji nr. 9887/2008, nen 7/1.

se tē dhēnat rreth tij nuk janë tē rregullta, tē vërteta, tē plota ose janë përpunuar dhe mbledhur në kundërshtim me dispozitat e këtij Ligji. **Sekretati i Këshillit**, brenda 30 ditëve nga data e marrjes së kërkesës së subjektit tē tē dhënave, duhet ta informojë atë pér përpunimin e ligjshëm tē tē dhënave, kryerjen ose moskryerjen e bllokimit, korrigjimit apo tē fshirjes. 3. Kur **Sekretati i Këshillit** nuk bën bllokimin, korrigjimin ose fshirjen e tē dhënave tē kërkura prej tij, subjektj i tē dhënave ka tē drejtë tē ankohet tek Komisioneri pér Mbrojtjen e tē Dhënave Personale.⁵⁶

6. Çdo person, në bazë tē ligjit, ka tē drejtë që pa pagesë dhe me kërkesë me shkrim, tē marrë nga Këshilli, nëpërmjet **Sekretat tē Këshillit**: a) konfirmimin nëse tē dhënati personale po i përpunohen ose jo, informacion pér qëllimin e përpunimit, pér kategoritë e tē dhënave tē përpunuara dhe pér marrësit e kategoritë e marrësve, tē cilëve u përhapen tē dhënat personale; b) në një formë tē kuptueshme, tē dhënati personale dhe informacionin e disponueshëm pér burimin e tyre; c) Informacioni pér tē dhënati komunikohet në formën, në tē cilën ishin në kohën kur është bërë kërkesa. d) Punonjësi i caktuar **Sekretati i Këshillit**, brenda një afati 30 ditor nga data e marrjes së kërkesës, informon subjektin e tē dhënave ose i shpjegon atij arsyet e mosdhënies së informacionit.⁵⁷
7. Çdo person, që pretendon se i janë shkelur tē drejtat, liritë dhe interesat e ligjshëm pér tē dhënati personale, ka tē drejtë tē ankohet pranë Këshillit Bashkiak ose tē njoftojë Komisionerin pér Mbrojtjen e tē Dhënave Personale dhe tē kërkojë ndërhyrjen këtij tē fundit pér vënien në vend tē së drejtës së shkelur. Pas këtij ankimi, në përputhje me Kodin e Procedurës Civile, subjekti i tē dhënave mund tē ankohet në gjykatë.⁵⁸ Ankesat shqyrohen nga **Sekretari i Këshillit** dhe i njofton nga ky i fundit Kryetarit tē Këshillit.

KREU VI. MARRËDHËNJET ME MEDIAN

Neni 48

Komunikimi me Median

1. Komunikimin me median, në emër tē Këshillit, mbahet nga Kryetari i Këshillit.
2. Këshilltarët i përgjigjen me bindje, me ndershmëri dhe plotësisht çdo kërkeze tē mediave pér informacion në lidhje me kryerjen e funksioneve të tyre, por nuk jepin ndonjë informacion konfidencial ose informacion në lidhje me jetën private tē përfaqësuesve tē zgjedhur osc tē palëve tē treta.
3. Këshilltarët inkurajojnë çdo masë që promovon mbulimin mediatik tē ushtrimit tē kompetencave të tyre, kryerjen e funksioneve të tyre dhe funksionimin e Komisioneve që janë nën përgjegjësinë e tyre apo ku ata janë anëtarë.

⁵⁶ Ligji nr. 9887/2008, neni 13.

⁵⁷ Ligji nr. 9887/2008, neni 12/1, 2.

⁵⁸ Ligji nr. 9887/2008, neni 16/1.

Neni 49

Njoftimet për Median

1. Njoftimet për median hartohen dhe firmosen nga Kryetari i Këshillit dhe bëhen publike nga Sekretari.
2. Kopje të firmosura nga Kryetaret të njoftimeve për median ruhen në arkivin e Këshillit.

Shtoja nr. 1. Tabela për këshillimit publik që shoqëron projektaktin drejtuar Këshillit Bashkiak

"Projektakti nr. _____ datë _____ ' (titulli) _____ "

Peridha e këshillimit publik	Forma e njoftimit publik	Forma e këshillimit publik	Datat e takimeve të hapura për këshillim publik	Grupet e këshilluara në takimet e hapura	Komentet e bëra

Shtoja nr. 2. Model shkrese me komente dhe/ apo rekomandime dërguar Këshillit Bashkiak në lidhje me projektakte të shpallura për këshillim publik.

Shtoja nr. 3. Model i procesverbalit të takimit publik për këshillimin të projekakteve.

Shtoja nr. 4. Model i listës së pjesëmarrësve të takimit publik për këshillimin të projekakteve

Shtoja nr. 5. Model i dokumentit përbledhës së rekomandimeve të pranuara nga takimeve publike

Referencat:

Udhëzimet për pjesëmarrjen civile në vendimarrjen politike/ Guidelines for civil participation in political decision making (Adopted by the Committee of Ministers of Council of Europe on 27 September 2017 at the 1295th meeting of the Ministers' Deputies).
<https://rm.coe.int/guidelines-for-civil-participation-in-political-decision-making-en/16807626cf>

Manual Udhëzues për Njësitë e Vetëqeverisjes Vendore- Angazhimi dhe Konsultimi Publik; Në Kuadër të Programit STAR2, Partnerët Shqipëri për Ndryshim dhe Zhvillim, Nëntor 2018

OSCE, Implementing citizens participation in decision making at local level, Toolkit, 2013

Karta Evropiane e Autonomisë Vendore parashtron se vetëqeverisja efektive është thelbësore për demokracinë dhe vlerëson “se e drejta e qytetarëve për të marrë pjesë në drejtimin e çështjeve publike bën pjesë në parimet demokratike të përbashkëta për të gjitha shtetet anëtare të Këshillit të Evropës”.

Këshilli i Europës, Kodi i praktikës së mirë për pjesëmarrjen e qytetarëve në procesin e vendimarrjes, 2009.

<https://rm.coe.int/CoERMPublicCommonSearchServices/DisplayDCTMContent?documentId=09000016802ced58>

Protokolli Shtesë i Kartës Evropiane të Vetëqeverisjes Vendore mbi të Drejtën për të marrë jesë në çështjet e një autoriteti vendor (CETS Nr. 207), Këshilli i Evropës. Linku: <https://www.coe.int/en/web/conventions/full-list/-/conventions/treaty/207>

“Dokumenti Historik mbi Konsultimin Publik, Organizata për Bashkëpunim Ekonomik dhe Zhvillim, 2006. <https://www.oecd.org/mena/governance/36785341.pdf>

Rekomandimi i Komitetit të Ministrave të vendeve anëtare mbi pjesëmarrjen e qytetarëve në jetën publike locale, Këshilli i Evropës, 2018. <https://rm.coe.int/16807954c3>

Tabela e Përbajtjes

HYRJE	7
Misioni dhe Vlerat e Vetëqeverisjes së Mirë Bashkiakë	7
TITULLI I	9
KREU I. OBJEKTI, QËLLIMI, BAZA LIGJORE	9
Objekti	9
Qëllimi i rregullores	9
Baza ligjore	9
Stema dhe vula e Këshillit Bashkiak	10
Selia e Këshillit Bashkiak	10
Parimet e funksionimit të Këshillit	11
KREU II. Barazia Gjinore dhe Mosdiskriminimi	12
Barazia Gjinore dhe Mosdiskriminimi	12
Përkufizime	13
Stema dhe vula e Këshillit Bashkiak	13
Selia	13
TITULLI II. KONSTITUIMI, DHE ORGANIZIMI KESHILLIT	14
KREU I. KONSTITUIMI I KËSHILLIT BASHKIAK	14
Organizimi i Mbledhjes së Parë të Këshillit Bashkiak	14
Veprimet në Mbledhjen e Parë të Këshillit	15
Komisioni i Verifikimit të Mandateve	16
Papajtueshmëria e funksionit të Këshilltarit	17
Betimi i Këshilltarëve	17
Zgjedha e Kryetarit dhe Zëvendëskryetarëve të Këshillit	18
Procedura e zgjedhjes së Kryetarit të Këshillit	18
Votimi për zgjedjen e Kryetarit, Zëvendëskryetarit, Sekretarit të Këshillit	19
Mandati i Kryetarit të Bashkisë	20
Zgjedha e Përfaqësuesve të Këshillit Bashkiak në Këshillin e Qarkut	21
Sekretari i Këshillit	21
Mbarimit të Mandati të Këshilltarit të Bashkisë	22
KREU II. ORGANIZIMI DHE STRUKTURA E KËSHILLIT BASHKIAK	24
Kryesia e Këshillit	24
Lirimi dhe Shkarkimi nga Detyra i Kryetarit dhe Zëvendëskryetarit të Këshillit	24
Sekretari dhe Sekretariati i Këshillit Bashkiak	25
Kriteret për Emërimin e Sekretarit të Këshillit:	26
Emërimi, Lirimi dhe Shkarkimi i Sekretarit të Këshillit	26
Konferenae Kryetarëve	27
Grupet Politike të Këshilltarëve	27
Komisionet e Këshillit	29
Komisionet e Përherëshme të Këshillit	29
Ngritura dhe Përbërja e Komisioneve të Përherëshëm	29
Anëtarët ex-officio të Komisioneve të Përherëshëm	30
Emërtimi i Komisioneve të Përherëshëm	30
Funksioni i Komisioneve të Përherëshëm	31
Funkcionet dhe Detyrat e Komisioneve të Perhershëm	32
Kontrolli nga Komisionet e Përherëshme i veprimtarisë së Administratës së Bashkisë	33

Veprimtariae Komisioneve të Përhershëm	33
Pjesmarrja dhe Largimi i Këshilltarit nga Komisioni i Përhershëm	34
Detyrat e Kryetarit, Zëvendëskryetarit dhe Sekretarit të komisionit të përhershëm	35
Komisioni i Financës, Buxhetit dhe Zhvillimit Strategjik të Bashkisë	35
Komisioni i Mandateve, Rregulloreve, Çështjeve Ligjore dhe Administrative	36
Komisioni i Përkohshëm.....	36
Komisioni i Përzier	37
Komisioni i Apelimit, i Etikës dhe Konfliktit të Interesit	37
Komisioni të gjithëve	38
Komititet e Bordet Këshillimorë të Këshillit.....	38
Largimi i Anëtarit të Komitetit / Bordit	40
Komunikimi i Komitetit/ Bordit me Këshillin Bashkiak	40
Komiteti këshillimor për dhënien e medaljeve dhe titujve vendorë të nderit.....	40
Komiteti për Planifikimin Strategjik dhe Zhvillimin Ekonomik, funksioni dhe përbërja.....	42
Komititet e Këshillit.....	43
Bordet e Këshillit.....	43
TITULLI III KOMPETENCAT E KËSHILLIT, DHE DETYRAT E KËSHILLIT BASHKIAK.....	43
KREU I. TË DREJTAT DHE KOMPETENCAT E KËSHILLIT DHE KËSHILLTARIT	43
Kompetencat dhe Detyrat e Këshillit Bashkiak	43
Të Drejtat e dhe Detyrat e Këshilltarit	44
KREU II. TË DREJTAT DHE KOMPETENCAT E ORGANEVE TË KËSHILLIT	46
Detyrat dhe kompetencat e Kryetarit të Këshillit.....	46
Të Drejtat dhe Detyrat e Sekretarit të Këshillit Bashkiak	47
Detyrat e Punonjësvë të Sekretariatit.....	48
KREU III. FUNKSIONIMI DHE VENDIMMARRJA E KESHILLIT	48
Mbledhjet e Këshillit	48
Mbledhjet e Radhës se Këshillit	49
Thirrja dhe Njoftimi i Mbledhjen e Këshillit	49
Mbledhjet jashtë radhe.....	50
Mbledhja e Jashtëzakonshme.....	51
Mbledhja vazhduese	51
Mbajtja e Mbledhjes së Myllur.....	52
Pjesëmarria në Mbledhjen e Këshillit e Këshilltarit, nepërmjet Sistemit AudioVideo	53
Hartimi dhe Miratimi i Rendit të Ditës së Mbledhjes së Këshillit	53
Rendi paraprak i ditës, i mbledhjes së Këshillit Bashkiak	55
Qetësia dhe Rregulli në mbledhjet e Këshillit dhe të Komisionet e Përhershme	56
Rregjistrimi i Mbledhjes së Këshillit.....	56
Kryesimi i Mbledhjeve të Këshillit.....	56
Zhvillimi i Debatit	57
Çështjet e procedurës së mbledhjes	58
Komunikimet me Këshillin gjatë Zhvillimit të Mbledhjes	58
E drejta e replikës	59
Etika gjatë Mbledhjes	59
Kuorumi	59
Procesi i vendimmarjes së Këshillit.....	60
Votimi i Shumicës dhe Abstenimet	60
Pëlqimi unanim	61
Mocioni.....	61

Votimi në Mbledhjen e Këshillit.....	62
Votimi i hapur.....	63
Votimi i fshehtë	63
Votimi i akteve	63
KREU IV. PROCESVERBALI I MBLEDHJES SE KËSHILLIT.....	64
Mbajtja e Provesverbalit	64
Përbajtja eProces-verbalit të mbledhjes	65
Komisioni i Verifikimit të Proces-verbalit të Mbledhjes së Këshillit	65
Miratimi i Proçesverbalit të Mbledhjes.....	Error! Bookmark not defined.
Zbardhja dhe shtypja e proçesverbalit	65
Përfshirja nëproçesverbal e votave "Kundër"	66
KREU V. SHQYRTIMI, MIRATIM I AKTEVE, REZOLUTAVE, NISMAVE, PETICIONEVE	67
Propozimi i projektakteve, rezolutave dhe deklaratave	67
Propozimi iprojekt akteve dherezolatave.....	67
Procedura e shqyrtimit dhe miratimit të projekt akteve, rezolutave.....	68
Propozimet për ndryshimet e projektakteve/ rezolutave të depozituara pranë Këshillit	Error! Bookmark not defined.
Projekt aktet e propozuara nga Kryetari i Bashkisë	68
Projekt aktet e propozuara nga Këshilltarët dhe Agjecitë e tjera qeveritare.	69
Projekt aktet e paraqitura nga komuniteti – Iniciativa qytetare.....	70
Shqyrtimi dhe miratimi i Peticioneve	72
Shqyrtimi dhe miratimi i Rezolutave	73
KREU VI. VEPRIMET E KËSHILLIT.....	73
Interpelancat me Kryetarin e Bashkisë	73
Propozimi për shkarkimin e Kryetarit të Bashkisë	74
Kufizimi i Veprimit të Këshillit	74
KREU VII AKTET E KËSHILLIT	75
Vlefshmëria e Akteve	75
Zbardhja e Akitit	75
Forma dhe Përbajtja e Akitit	76
Shpallja dhe Hyrja në Fuqi e Akteve	76
Rishikimi i Akteve, Anulimi, Shfuqizimi dhe Ndryshimi i tyre	77
Kthimi për rishqyrtim i vendimeve të Këshillit nga Kryetari i Bashkisë	77
Dergimi i Akteve të miratuar tek Prefekti	78
Dergimi i Akteve tek Palët e Ngarkuara për Zbatim apo Palët e Interesuara.....	78
Raportimi mbi ekzekutimin e Vendimeve te Keshillit.....	Error! Bookmark not defined.
Administrimi i dokumenteve zyrtare të Këshillit.....	78
Gazeta Zyrtare dhe Regjistri Elektronik i Akteve të Këshillit	79
KREU VIII. FINANCIMI I AKTIVITETEVE TË KËSHILLIT.....	79
Buxhetimi vjetor i shpenzimeve të Këshillit.....	79
Miratimi i projektbuxhetit vjetor të Këshillit	80
Shpërblimi dhe Rimbursimi i Këshilltarëve.....	80
Fuqizimi i kapaciteteve të Këshilltarëve dhe Matja e performancës.....	80
Raporti i shpenzimeve vjetore të Këshillit.....	81
Kontrolli i Jashtëm dhe Auditimi.....	81
Programi i punës së Këshilli Bashkiak	82
Kalendari i Mbledhjeve të Këshillit dhe Komisioneve të Përhershëm	84
Vlerësimi i Performancës dhe Llogaridhënja e Këshillit dhe Sekretariatit	Error! Bookmark not defined.
KREU IX. KUSHTET E PUNËS DHE SIGURIA E VEPRIMPTARISË SË KËSHILLIT	84

Salla e Mbledhjeve të Këshillit dhe Pjesët e Rezervuara	84
Shërbimi i sigurisë në Sallën e Mbledhjeve të Këshillit	85
Kushtet e punës dhe të sigurisë për organet e Këshillit Bashkiak	85
Përdorimi i mjediseve dhe hapsirave publike në pronësi të Bashkisë	86
Komunikimi Elektronik dhe Posta.....	86
TITULLI IV. POLITIKAT STRATEGJIKE, BUXHETI, QENDRUSHMERIA FINANCIARE	86
KREU I. POLITIKAVE STRATEGJIKE, PROJEKT BUXHETI VJETOR DHE AFATMESEM	86
Hartimi dhe Shqyrtimi i Kornizës së Politikave Strategjike të Zhvillimi të Bashkisë	86
Shqyrtimi dhe miratimi i Planit Strategjik të Zhvillimit të Bashkisë	87
Plani i punës,Kalendari i shqyrtimit dhe Raportet e zbatimit të Buxhetit	88
Shqyrtimi i projekt buxhetit afatmesëm dhe vjetor të Bashkisë.....	88
Shqyrtimi i projekt buxhetit nga Komisioni i Financës dhe Buxhetit	90
Informimi dhe Konsultimi publik i projekt buxhetit.....	91
Dokumentimi dhe reflektimi i propozimeve për ndryshimet e projekt buxhetit pas konsultimit publik	92
Rishikimi i buxhetit vendor dhe rishpërndarja e fondeve	92
Mungesa e buxhetit të miratuar nga Këshilli	92
Rishikimi i buxhetit vendor dhe rishpërndarja e fondeve	93
Shqyrtimi i raportit të zbatimit të buxhetit dhe realizimit të të ardhurave	93
Huamarra vendore	94
Donacionet e dhëna Bashkisë	94
Kontrolli i brendshëm financiar publik.....	95
Kontabiliteti	95
Performanca e Bashkisë.....	95
KREU II. RASTET E VESHTIRËSIVE FINANCIARE DHE PAAFTËSISË PAGUESE	97
Probleme dhe Vështirësitë Financiare.....	97
Vështirësi Serioze Financiare	97
Situata e paaftësisë paguese	97
Ruajtja dhe administrimi i dokumenteve financiare	98
KREU III. INSTRUMENTET E PLANIFIKIMIT TE TERRITORIT DHE ATO SEKTORIALE	98
Përgjegjësitet e këshillit bashkiak në planifikimin dhe zhvillimin e territorit.....	98
Miratimi i Planit të Përgjithshëm Vendor	98
Delegimi i përgjegjësive që lidhen me planifikimin dhe kontrollin e zhvillimit të territorit	99
Miratimi dhe Mbikëqyrja e zbatimit të planeve sektoriale të Bashkisë	99
TITULLI V. MARRËDHËNJET ME PUBLIKUN DHE MEDIAN.....	100
KREU I. INFORMIMI I PUBLIKUT DHE TRANSPARENCA, DHENAT PERSONALE	100
Informimi i Bashkësisëdhe Transparency e Veprimtarisë së Këshillit.....	100
KREU II. PJESËMARRJA DHE KONSULTIMI I PUBLIKUT.....	101
Të drejtat e qytetarëve për pjesëmarrje në qeverisjen bashkiake	101
Konsultimi i Publikut me projekt-aktet e depozituara në Këshill për shqyrtim	101
KREU III. KËRKESAT, ANKESAT DHE VËREJTJET.....	102
E drejta e kërkësës, ankesës dhe vërejtjes	102
Administrimi i kërkësave, ankesave dhe vërejtjeve	102
TITULLI VI. MARREDHENJET E KËSHILLIT BASHKIAK ME TË TJETËT	103
KREU I. MARRËDHËNJET ME KRYETARIN DHE ADMINISTRATËN E BASHKISË	103
Marrëdhënjet mes Këshillit dhe Kryetarit dhe Administratës së Bashkisë	103
Marrëdhënjet me Kryetarin	104
Takimet e Këshillit me Kryetarin e Bashkisë	105
Llogaridhënya e Kryetarit të Bashkisë.....	106

Marrëdhëni me Administratën e Bashkisë	106
Marrëdhënia e Administratës së Bashkisë me Komisionet e Përhershëm, Komitetet, Bordet.....	107
Raportimi në Mbledhjen e Këshillit të drejtesve të institucioneve dhe ndërmarrjeve.....	107
KREU II. MARRËDHËNIET ME AUTORITETET JASHË BASHKISË	108
Marrëdhëni me institucioneve të qeverisjes qendrore	108
Marrëdhënjet me Deputetët e Qarkut.....	108
Marrëdhënjet me Këshillin e Ministrave	109
Bashkëpunimi me Prefektin dhe Verifikimi i akteve të Këshillit	109
Marredheniet me me Agjensitë Qeveritare të Dekoncentruara.....	110
Marrëdhënjet me Këshillin e Qarkut.....	110
Marrëdhëni me Partitë Politike	110
Marrëdhëni me KQZ.....	111
Marrëdhënjet më Shoqatën e Këshillave Bashkiakë/Bashkive	111
KREU III. MARRËDHËNJet ME STRUKTURAT KOMUNITARE	111
Këshilli dhe Ndërlidhësit Komunitar i Lagjes, Kryesia dhe Kryetari i Fshatit	111
TITULLI VI. RREGULLORJA E KËSHILLIT	112
KREU I. ZBATIMI, INTERPRETIMI DHE NDRYSHIMI I RREGULLORES.....	112
Zbatimi i Rregullores	112
Interpretimi i Rregullores.....	112
Ndryshimi, pezullimi, shfuqizimi ose shtimi i një rregulli të ri në Rregullore	113
KREU II. MIRATIMI DHE HYRJA NË FUQI E RREGULLORES.....	113
Shqyrtimi dhe Konsultimi i Rregullores	113
Shfuqizime.....	114
Miratimi dhe Hyrja në fuqi	114
Shtojcat	115
Shtoja nr. 1 Përkufizime	116
Shtoja nr. 2 Format njoftim për mbledhjen e Këshilli Bashkiak.....	127
Shtoja nr. 3 Format projekt vendim për Këshilli Bashkiak.....	128
Shtoja nr. 4 Format shkrese që shoqëron projekt aktit për Këshilli Bashkiak	129
Shtoja nr. 6 Format vendim i Këshilli Bashkiak.....	131
Shtoja nr. 7 Format proces-verbal i Mbledhjes së Këshillit.....	Error! Bookmark not defined.
Shtoja nr. 8 Format shkrese që shoqëron vendimet drejtuar Prefektit për verifikim të ligjishmërisë ...	Error! Bookmark not defined.
Shtoja nr. 9 Tabela e rezultateve të votimit për Kryetarin të Këshillit Bashkiak(model)	133
Shtoja nr. 10 Kalendar i shqyrtimi të buxhetit afatmesëm dhe vjetor nga Këshilli.....	134
Shtoja nr. 11 Kalendar i shqyrtimit nga Këshilli i raporteve financiare dhe të ardhurave	135
Shtoja nr. 12 Dokumentacioni që përfshihet në projekt buxheti vjetor të bashkisë	137
Shtoja nr. 13 Treguesit kyç financiarë për vlerësimin e qëndrueshmërisë financiare të Bashkisë.....	138
Shtoja nr. 14 Detyrat dhe përgjegjësitë e Sekretarit të Këshillit	139
Shtoja nr. 15 Format proces-verbal i dorëzimin e dosjeve të mbledhjeve tek zyra e arkivit	Error! Bookmark not defined.
Shtoja nr. 16 Format kartele për dokumentimin e aktit të Këshilli Bashkiak	Error! Bookmark not defined.
Shtoja nr. 17 Format i kalendarit të vendim-marrjes së Këshillit	Error! Bookmark not defined.
Shtoja nr. 18 Komisioni i Përkoħshëm Hetimor	142
Shtoja nr.19 Lista e regjistrave dhe dokumentet e tjera që administron Këshilli.....	144
Shtoja nr.20 Lista e raporteve që harton Këshilli.....	144
Shtoja nr.21 lista e instrumenteve planifikues të veprimtarisë së Këshillit	144
Shtoja nr. 22 Lista e normave, standardeve, irregulloreve, strategjive dhe planeve	145
Shtoja nr. 23 Model peticion dërguar Këshillit Bashkiak	147
Shtoja nr. 24 Model sallë e Këshillit Bashkiak, Toronto, Kanada	148

Shtojca nr. 25 Format për deklarimin e shpenzimeve të udhëtimit nga Këshilltari i Bashkisë.....	149
Referencat	150

HYRJE

Misioni dhe Vlerat e Vetëqeverisjes së Mirë Bashkiake

Mirëqenia e shoqërisë nuk arrihet vetëm nga mirëqenia e individit, por edhe nga cilësia e jetës sonë kolektive, nga faktorë si cilësiadhe drejtësia e sistemit politik dhe e qeverisjes, nga shëndeti i demokracisë dhe niveli i pjesëmarrjes së qytetarëve në jetën publike. Në avancimin e mirëqenies së shoqërisë qeveria vendore ka dy role kryesore, atë të avancimit të zhvillimit të qëndrueshëm dhe dhënjes së shërbimeve cilësore,dhe atë të sigurimit të stabilitetit dhe demokracisë vendore dhe nxitjes së pjesëmarrjes së qytetarëve. Avancimi i cilësisë dhe modernizimi i qeverisë bashkiake është kyç për një qeverisje bashkiake që përformon, dhe mund të arrihet duke inkurajuar dhe promovuar parimet e jetës publike dhe ato të qeverisjes së mirë, duke mbrojtur dhe promovuar të drejtat e njeriut, si dhe duke zbatuar standarde të larta të sjelljes nga ana e të gjithë zyrtarëve bashkiakë, veçanërisht të zyrtarëve të zgjedhur.

Këshilli Bashkiak, si organi përfaqësues dhe vendimmarrës i qeverisë bashkiake, i ushtron përgjegjësitë e tij qeverisë, duke respektuar parimet e demokracisë vendore, transparencës qeverisë, ligjshmërisë, si dhe duke përdorur me ekonomi, eficencë dhe efektivitet burimet njerëzore, financiare, fizike e natyrore, si dhe teknologjike të Bashkisë.

Bashkia Prrenjas ushtron të drejtat, detyrimet dhe kompetencat e saj në kuadër të misionit të vetëqeverisjes vendore dhe duke siguruar qeverisje në një nivel sa më afër qytetarëve. Ajo gjëzon të drejtën t'i drejtohet organeve gjyqësore me qëllim që të sigurojë mbrojtjen e ushtrimit të lirë të kompetencave të organeve të saj dhe respektimin e parimeve të autonomisë vendore, të njobura nga Kushtetuta dhe legjislacioni në fuqi. Bashkia gjëzon, brenda ligjit, liri të plotë për të ushtruar iniciativën e saj për çdo çështje që nuk është jashtë kompetencës së tyre apo që mund t'i ketë kaluar një autoriteti tjetër¹.

Në misionin e vet vetëqeverisës, Bashkia:

- a) njeh ekzistencën e identiteteve dhe vlerave të ndryshme të bashkësive;
- b) respekton të drejtat dhe liritë themelore të shtetasve, të sankzionuara në Kushtetutë dhe në ligje të tjera;
- c) përgjedh lloje të ndryshme shërbimesh dhe lehtësish të tjera publike vendore në dobi të bashkësisë;
- ç) ushtron me efektivitet funksionet dhe kompetencat
- d) ofron shërbime në forma të përshtatshme, bazuar në nevojat e anëtarëve të bashkësisë, dhe në përputhje me standartet e kërkua me ligj ose akte të tjera normative.
- e) nxit pjesëmarrjen efektive dhe gjithëpërfshirëse të bashkësisë në qeverisjen vendore;

Këshilli Bashkiak, si organi përfaqësues i qeverisë bashkiake² ka tre role kryesore: 1- përfaqësues, 2-vendimmarrës dhe 3- mbikqyrës. Qeverisja bashkiake përfaqësuese dhe demokratike kërkon që Këshilltarët Bashkiakë të janë të pavarur, të paanshëm dhe të përgjegjishëm ndaj banorëve, zgjedhësve territorit të juriksonit të vendimmarrjes së tyre; që vendimet dhe politikat e Këshillit Bashkiak të bëhen në interes të komunitetit dhe territorit të Bashkisë, sipas kërkësave të ligjit dhe kësaj Rregulloreje dhe në respekt të

¹ Ligji nr. 8548/1999, nen 4/2.

² Ligji nr. 139/2015, nen 7/2.

strukturës organizative të Bashkisë; që autoriteti i Këshilltarëv e Bashkiakë të mos përdoret për përfitime personale; që politikëbërja dhe vendimmarra të jetë sa më përfshirëse, dhe që bashkësia të ketë besim në integritetin e vendimmarjen e Këshillit Bashkiak. Parim i një procesi të drejtë vendimmarres është që: "Ai që ka përgjegjësinë për të vendosur duhet të dëgjojë", dhe zbatimi i këtij parim kërkon që Këshilli dhe Këshilltarët Bashkiakë duhet të dëgjojnë zërin e komunitetit dhe grupeve të interesit të bashkisë përpara se të marrin vendime.

Kjo Rregullore krijon rregulla, procedura dhe standarde për veprimtarinë dhe veprimet e Këshillit, si dhe për marrëdhëniet e Këshillit me aktorët e tjerë qeverisës dhe në komunitet. Rregulloja përcakton disa standartet bazë të sjelljes, dhe të veprimeve që janë të papajtueshme me standartet e etikës dhe të konfliktin e interest në vendimmarjen e Këshilltarëve, duke siguruar ndërkohë mjetet efektive për zbatimin e këtyre standarteve.

Këshilli Bashkiak si organ kolegjal i zgjedhur, udhëhiqet në veprimtarinë e Tij nga zbatimit i ligjit. Kjo nuk përjashton mundësinë e ndërmarrjes nga Këshilli të nismave me interes publik vendor për çështje që nuk i ndalohen me ligj ose që nuk i janë dhënë me ligj një organi tjetër shtetëror.

Këshilltarët Bashkiakë pranojnë që shërbimi publik është besim i shenjtë dhe privilegj, dhe për këtë duhet të përpilen të përmbushin standartet më të larta të ligjit dhe etikës në ushtrimin e detyrës së tyre. Ato duhet të demonstrojnë integritet në ushtrimin e funksioneve dhe zbatimin e detyrave që i janë ngarkuar me ligj, të nxisin, mbështësit dhe promovojnë politika zhvilluese të qëndrueshme, të demonstrojnë përgjegjshmëri dhe llogaridhënie ndaj ligjit dhe bashkësisë që i shërbejnë, si dhe duhet të sigurojnë administrim efektiv dhe kujdestari ndaj burimeve të bashkisë.

TITULLI I
DISPOZITA TE PERGJITHESHME

KREU I. OBJEKTI, QËLLIMI, BAZA LIGJORE

Neni 1

Objekti

Kjo rregullore përcakton rregullat e organizimit dhe funksionimittëbrendshëm të **Këshillit Bashkiak Prrenjas** (në vijim Këshilli), procedurën e miratimit të vendimeve të Këshillit, të veprimtarisë vendimarrëse, përfaqësuese dhe mbikqyrëse të Këshillit, monitorimin e procesit të zbatimit të vendimeve të Këshillit, si dhe marredhëniet e Këshillit me Kryetarin dhe administratën e Bashkisë, me institucionet ajcancitë qeveritare qendrore dhe rajonale, komunitetin, shoqërinë civile dhe grupet e interesit, si dhe strukturat komunitare, përgjatë ushtrimit të funksioneve dhe realizimin e detyrave të dhëna me ligj dhe ato për të cilat Këshilli ka diskrecion ligjor.³ si dhe rregullat për interpretimin dhe ndryshimin e Rregullores

Neni 2

Qëllimi i rregullores

Qëllimi kësaj Rregulloreje është:

1. Të mundësojë rregullimin e funksionimit dhe kontrollin e vendimmarrjes së qeverisë bashkiake;
2. Të garantojë një vendimmarrje të ligjshme, efikase dhe eficiente të Këshillit;
3. Të forcojë marrëdhëniet institucionale dhe të përcaktojë modalitetet e bashkëpunimit mes Këshillit dhe Kryetarit e Administratës së Bashkisë;
4. Të garantojë ushtrimin e së drejtës së përfaqësimit politik;
5. Të garantojë dhe të mundësojë ushtrimin e të drejtës së bashkësisë për t'u informuar për punët e dhe vendimmarrjen e qeverisë bashkiake;
6. Të mundësojë standartet e transparencës së qeverisë bashkiake;
7. Të garantojë dokumentimin e plotë dhe administrim eficent të punës së Këshillit;
8. Të garantojë barazinë gjinore në të gjitha nivelet e qeverisjes bashkiake.

Neni 3

Baza ligjore

Baza ligjore kryesore ku është mbështetur hartimi i kësaj model Rregullore është:

1. Ligji nr. 8417 datë 21.10.1998 “Kushtetuta e Republikës së Shqipërisë”, i ndryshuar.
2. Ligji nr. 8137 datë 31.07.1996 “Për ratifikimin e Konventës Europiane për Mbrojtjen e të Drejtave të Njeriut dhe Lirive Themelore”
3. Ligji nr. 8548 datë 11.11.1999 “Për Ratifikimin e Kartës Europiane të Autonomisë Vendore”
4. Ligji nr. 8137 datë 31.07.1996 “Për ratifikimin e Konventës Europiane për Mbrojtjen e të Drejtave të Njeriut dhe Lirive Themelore ”Ligji nr. 44 datë 30.4.2015 “Kodi i Procedurave Administrative i Republikës së Shqipërisë

³Ligji nr. 139/2015, nen 8/I.

5. Ligji nr. 10019 datë 29.12.2008 "Kodi Zgjedhor i Republikës së Shqipërisë", i ndryshuar.
6. Ligji nr. 139 datë 17.12.2015 "Për Vetë-Qeverisjes Vendore"
7. Ligji nr. 44 datë 30.4.2015 "Kodi i Procedurave Administrative"
8. Ligji nr. 8480 date 27.5.1999, "Për Funksionimin e Organeve Kolegjiale të Administratës Shtetërore dhe Enteve Publike"
9. Ligji nr. 115 datë 31.7.2014 "Për ndarjen administrativo-territoriale të njësive te qeverisjes vendore në Republikën e Shqipërisë"
10. Ligji nr.107 datë 27.10.2016 "Për Prefektin e Qarkut"
11. Ligji nr. 119 datë 18.09.2014 "Për të Drejtën e Informimit"
12. Ligji nr. 146 datë 30.1.10.2014 "Për Njoftimin dhe Konsultimin Publik"
13. Ligji nr. 68 datë 27.04. 2017 "Për Financat e Vetëqeverisjes Vendore"
14. Ligji nr. 152 datë 17.10.2013 "Për Nëpunësin Civil"
15. Ligji nr. 107 datë 31.7.2014 "Për planifikimin dhe zhvillimin e territorit", i ndryshuar.
16. Ligji nr. 8756 datë 26.3.2001 "Për Emergjencat Civile", i ndryshuar.
17. Ligji nr. 9970 datë 24.7.2008 "Për Barazinë Gjinore në Shoqëri"
18. Ligji nr. 10221 datë 4.2.2010 "Për Mbrojtjen nga Diskriminimi"
- Ligji nr. 9669 datë 18.12.2006, "Për Masa ndaj Dhunës në Marrëdhëniet Familjare", i ndryshuar
- Ligji nr. 9062 datë 08.05.2003, "Kodi i Familjes i Republikës së Shqipërisë", i ndryshuar
19. Ligji nr. 9154 datë 06.11.2003 "Për Arkivat"
- Ligji nr. 8550 datë 18.11.1999 "Statusi i Deputetit"
20. Ligjnr. 9367 datë 07.04.2005 "Për Parandalimin e Konfliktit të Interesave", i ndryshuar
21. Ligjnr. 9131 datë 08.09.2003 "Për rregullat e etikës në administratën publike"
22. Ligjnr. 114 datë 22.10.2015 2015 "Për Auditimin e Brendshëm në Sektorin Publik"
23. Ligji nr. 10 296 datë 8.7.2010 "Për Menaxhimin Financiar dhe Kontrollin"
24. Ligji nr. 138 datë 17.12. 2015 "Për Garantimin e Integritetit të Personave që Zgjidhen, Emërohen ose Ushtrojnë Funksione Publike".
25. Ligjnr. 9887 datë 10.03.2008 "Për Mbrojtjen e të Dhënave Personale", i ndryshuar.

Neni 4

Stema dhe vula e Këshillit Bashkiak

1. Këshilli përdor stemën e Republikës së Shqipërisë dhe vulën zyrtare, sipas legjislativit në fuqi.
2. Këshilli Bashkiak, bazuar në traditën dhe historinë e qytetit, miraton me vendim Stemën e Bashkisë.
3. Stema e Bashkisë përdoret në mjediset e Bashkisë dhe në mjediset e punës së Këshillit, në mjediset publike, në dokumente e akte të brendshme të Këshillit, në korrespondencën e Këshillit me të tretë, në botime e publikime e Këshillit, ose në veprimtaritë të cilat organizohen nga Këshilli.

Neni 5

Selia e Këshillit Bashkiak

Selia e Këshillit Bashkiak ndodhet në godinën e Bashkisë Prrenjas , në adresën: Rr."Skënderbeu", godina 15, Prrenjas.

Neni 6

Parimet e funksionimit të Këshillit

1. Parimet e funksionimit të Këshillit janë:

1. Parimet e funksionimit të Këshillit janë:

- a. Interesi publik - Këshilltarët duhet të veprojnë vetëm në bazë të interesit publik dhe jo atij personal. Ata nuk duhet të përdorin pozicionin si këshilltar për të përfituar për veten. Këshilltari/jaështë ruajtësi i interesit publik dhe prandaj sjellja, veprimet dhe vendimet e tij duhet të reflektojnë nëçdo rast këtë përgjegjësi.
 - b. Integriteti - Këshilltarët duhet të shmangjnë vënien e vetes nën detyrime ndaj njerëzve dhe organizatave që mund të përpilenë në mënyrë të papërshtatshëm t'i influencojnë ata në punën dhe vendimet e tyre. Këshilltaret duhet të mos veprojnë ose marrin vendime me qëllim që të marrin përfitime financiare ose materiale për vetvete, familjen e tyre ose miqtë e tyre. Ata duhet të deklarojnë çdo konflikt interesit dhe lidhje apo marrëdhene me njerëz jo të përshtatshëm.
 - c. Objektiviteti - Këshilltarët duhet të veprojnë dhe të marrin vendimme në mënyrë të paanshme, të drejtë dhe në bazë të meritës, duke përdorur evidencat më të besueshme dhe pa diskriminime apo paragjykime. Këshilltarët mund të marrin në konsideratë këshillat profesionale të kolegeve, apo pikëpamjet e grupeve të tyre politike, por në fund është përgjegjësia e tyre për të marrë vendimin dhe votuar me objektivitet për çështjet e shtruara për shqyrtim në Këshill.
 - d. Përgjegjshmëria - Këshilltarët janë përgjegjës ndaj zgjedhësve të tyre dhe publikut në përgjithësi, për sjelljet, veprimet dhe vendimet e tyre..
 - e. Transparenca - Këshilltarët duhet të veprojnë dhe të marrin vendime në mënyrë të hapur dhe transparente. Informacioni nuk duhet t'i mbahet publikut, vetëm nëse ka arsyë të qarta dhe ligjore për ta bërë këtë.
 - f. Ndershmëria - Këshilltarët duhet të jenë të ndershëm dhe të besueshëm gjatë ushtrimit të funksionit të tyre.
 - g. Lidershipi - Këshilltarët duhet të demonstrojnë këto parime në sjelljen e tyre. Ata duhet të promovojnë në mënyrë aktive dhe të mbështetje të barabartë ndaj qytetarëve në shërbime nëpërmjet integrimit gjinor dhe gjithëpërshirjes në programet e Bashkisë.
2. Këshilli inkurajon shoqërinë civile për monitorimin e zbatimit të parimeve të jetës publike nga ana e Këshillit dhe Këshilltarëve, dhe shqyrton në Mbledhjen e Këshillit reportin përkatës të shoqërisë civile. Mbi bazën e këtij raporti Këshilli miraton masat për zbatimin e parimeve të jetës publike nga Këshilli dhe Këshilltarët.

KREU II. Barazia Gjinore dhe Mosdiskriminimi

Neni 7

Barazia Gjinore dhe Mosdiskriminimi

1. Këshilli njeh se pjesëmarrja e balancuar e grave dhe burrave në politikëbërje dhe vendimmarje vendore është parakusht për një shoqëri demokratike, dhe sebarazia e grave dhe burrave përbën një të drejtë themelore.Kjo e drejtë duhet të zbatohet nga organet e Bashkisë në të gjitha fushat e tyre të përgjegjësisë, ndër të cilat edhe detyrimi për të eliminuar të gjitha format e diskriminimit, qofshin të drejtpërdrejta ose jo të drejtpërdrejta,si dhe miratimin e strategjive të përshtatshme dhe marrjen etë gjitha masave të duhura për promovimin e një përfaqësimi dhe pjesëmarrjeje të balancuar të grave dhe burrave në të gjitha sferat e politikëbërjes dhe vendimmarjes.⁴
2. Këshilli Bashkiakë në ushtimin e veprimitarise së tij zbaton kërkesat e të Ligjit nr. 139/2015 dhe Ligji nr. 9970 /24.07.2008 “Për barazinë gjinore në shoqëri”dhe, dhe më konkretisht, por jo vetëm:
 - a. Këshilli Bashkiak në vendimmarje e tij për ofrimin e shërbimeve publike mundëson hartimin dhe vendosjen e një sistemi treguesish të përformancës së ofrimit të shërbimeve, përfshirë edhe treguesit gjinor⁵.
 - b. Këshilli Bashkiak në ushtrimin e veprimitarisë së tij zbaton kërkesat e nenit 15/1/a të Ligjit 9970/2008 “Për barazinë gjinore në shoqëri”, i cili parashikon përfaqësimin e barabartë gjinor duke siguruar sëpaku përfaqësim në masën mbi 30 për qind për secilën gjini, në organet e tijkryesuese dhe në komisionet, komitetet ose bordete engritura nga Këshillit,si dhe respektimin në mënyrë të njëjtë për secilën gjini të procedurave dhe kritereve të konkurrimit, gjatë emërimit në organet kryesuese, duke e konsideruar barazin gjinore si një tregues të qeverisjes së mirë⁶.
 - c. Këshilli Bashkiak zbaton kërkesat ligjore për barazinë gjinore si në rastin e zgjedhjes së Kryetarit dhe Zëvendëskryetarëve të Këshillit⁷.
 - d. Në rastin e krijimit të vendit bosh, që lidhet me humbjen e mandatit të anëtarit të Këshillit të Qarkut nga një anëtar i Këshillit Bashkiak, ai zëvendësohet nga Këshilli Bashkiak, duke respektuar ligjin për barazinë gjinore⁸.
 - e. Këshilli në procesin e hartimit të programit buxhetor afatmesëm mundëson që të paktën një nga objektivat e politikave të programeve duhet të adresojë problematika të pabarazisë gjinore ose respektimin e plotë të barazisë gjinore, duke identifikuar qartazi produktet dhe treguesit e tjerë të matshëm me bazë gjinore⁹.
 - f. Këshilli në përgjegjësinë e tij për miratimin e mënyrës dhe rregullave të votimit për përbërjen e kryesisë së fshatit¹⁰, si dhe në përcaktimin e rregullave të përgjithshme të organizimit e të funksionimit të këshillave komunitarë të lagjeve¹¹, mundëson respektimin e ligjit për barazinë gjinore.

⁴ Karta Europiane për Barazi të Grave dhe Burrave në Jetën Vendore , 2006; Këshillit të Bashkive dhë Rajoneve Evropiane (CCRE)

⁵Ligji nr. 139/2015, nenii 33/2/b.

⁶Ligji nr. 9970/2008 “Për barazinë gjinore në shoqëri”, nenii 15.

⁷Ligji nr. 139 nenii 54/b.

⁸Ligji nr. 139/2015, nenii 75/4.

⁹Ligji nr. 68/2017, nenii 36/4/c.

¹⁰Ligji nr. 139/2015, nenii 70/1.

¹¹Ligji nr. 139/2015, nenii 68/2.

- g. Këshilli Bashkiak në vendimmarrjen për krijimin dhe administrimin e skemave vendore të granteve për bujqësinë e zhvillimin rural, të finançuara nga buxheti vendor dhe/ose me bashkëfinancim nga të tretët, garanton qasje të balancuar gjinor në skemat e granteve¹². Gjithashtu Këshilli garanton akses të balancuar gjinor edhe në vendimmarrjen për dhënien e granteve financiare për mbështetjen e aktiviteteve të biznesit të vogël e të mesëm¹³.
 - h. Këshilli Bashkiak, nëpërmjet Sekretariatit të tij, harton dhe përditëson evidencën me të dhëna mbi përfaqësimin gjinor në Këshill dhe në strukturat e ngritura nga Këshilli dhe e raporton atë në faqen zyrtare të internetit të Bashkisë, si dhe grumbullon, mirëmban dhe publikon të dhëna gjinore për pjesëmarrjen e publikut në aktivitetet e organizuara në Këshilli, si në rastin e dëgjesave dhe takimeve të tjera me publikun¹⁴.
3. Këshilli në veprimtarinë e tij duhet të respektojë kërkesat e Ligjit nr. 10221 datë 4.2.2010 “Për mbrojtjen nga diskriminimi”, i cili njeh se askush nuk mund të diskriminohet në lidhje me gjininë, racën, ngjyrën, etninë, gjuhën, identitetin gjinor, orientimin seksual, bindjet politike, fetare ose filozofike, gjendjen ekonomike, arsimore ose shoqërore, shtatzënине, përkatësinë prindërore, përgjegjësinë prindërore, moshën, gjendjen familjare ose martesore, gjendjen civile, vendbanimin, gjendjen shëndetësore, predispozicione gjenetike, aftësinë e kufizuar, përkatësinë në një grup të veçantë, ose me çdo shkak tjetër.

Neni 8

Përkufizime

1. Në këtë rregullore, termat kanë kuptimin sipas legjislacionit përkatës në fuqi.
2. Në çdo rast përdorimi a interpretimi, do të merren përkufizimet e dhëna në *Aneksin nr.1 Përkufizimeve*, të kësaj Rregulloreje.
3. Termat që i referohen titullarëve, nëpunësve apo anëtarëve të organeve të qeverisjes qendrore e vendore, i referohen në çdo rast institucionit përkatës dhe duhen kuptuar e interpretuar që përfshijnë të dyja gjinitë.

Neni 7

Stema dhe vula e Këshillit Bashkiak

1. Këshilli përdor stemën e Republikës së Shqipërisë dhe vulën zyrtare, sipas legjislacionit në fuqi.
2. Këshilli Bashkiak, bazuar në traditën dhe historinë e qytetit, miraton me vendim Stemën e Bashkisë.
3. Stema e Bashkisë përdoret në mjediset e Bashkisë, mjediset publike, në dokumente e akte të brendshme, në korrespondencia me të tretë, në botime e publikime ose në veprimtari të cilat organizohen nga Këshilli Bashkiak.

Neni 8

Selia

1. Selia e Këshillit Bashkiak është në katin e parë të godinës së Bashkisë Prrenjas .
2. Këshilli Bashkiak ose organet e punës së tij mund të mbajnë mbledhje edhe jashtë selisë. Kryesia e Këshillit cakton vendin kur mbledhja e Këshillit bëhet jashtë selisë, ndërsa për komisionet vendi caktohet nga kryesia e komisionit.

¹²Ligji nr. 139/2015, nen 27/4.

¹³Ligji nr. 139/2015, nen 28/6.

¹⁴Ligji nr. 9970/2008, nen 14/3.

TITULLI II. KONSTITUIMI, DHE ORGANIZIMII KESHILLIT

KREU I. KONSTITUIMI I KËSHILLIT BASHKIAK

Neni 9

Organizimi i Mbledhjes së Parë të Këshillit Bashkiak

1. Këshilli Bashkiak i Prrenjasit **përbëhet nga 21 anëtarë**. Anëtarët e Këshillit Bashkiak, zgjidhen sipas dispozitave të përcaktuara në Kodin Zgjedhor të Republikës së Shqipërisë.
2. Këshilli Bashkiak zhvillon mbledhjen e tij të parë jo më vonë se 20 ditë nga shpallja e rezultatit të zgjedhjes nga Komisioni Qendor i Zgjedhjeve¹⁵. Mbledhja e Parë është mbledhja e konstituimit dhe e natyrës organizative të Këshillit.
3. Mbledhja e parë e Këshillit thirret nga Sekretari i Këshillit Bashkiak. Në mungesë të tij, nismën për thirrjen e mbledhjes së parë e merr Prefekti.
4. Data për mbajtjen e Mbledhjes së Parë të Këshillit përcaktohet nga Sekretari¹⁶, në konsultim të ngushtë me Kryetarin në detyrë dhe Kryetarin e sapozgjedhur të Bashkisë dhe i njoftohet Prefektit. Në mungesë të Sekretarit, Prefekti konsultohet me Kryetarin në detyrë dhe Kryetarin e Bashkisë të sapozgjedhur, përpresa se të caktojë datën e thirrjes së Mbledhjes së Parë të Këshillit.
5. Sekretari njofton publikisht thirrjen e Mbledhjes së Parë të Këshillit jo më vonë se shtatë (7) ditë pune nga përfundimi i afatit ligjor prej 20 ditësh për mbajtjen e Mbledhjes së Parë, nga data e shpalljes së rezultatit të zgjedhjes nga Komisioni Qendor i Zgjedhjeve, dhe mbas mbarimit të afatit 20 ditor, thirrjen e Mbledhjes e bën Prefekti.
6. Sekretari, në mungesë apo pamundësi Prefekti, thirrjen e Mbledhjes së Parë të Këshillit e njofton në murin e jashtëm të godinës së Bashkisë, në median vendore dhe në faqen zyrtare të internetit të Bashkisë.
7. Sekretari dhe/apo Prefekti merr nga Komisioni Qendor i Zgjedhjeve tabelën me rezultatet dhe emrat e personave të zgjedhur Kryetar Bashkie dhe anëtarët të Këshillit Bashkiak, përfekt të konstituimit të Këshillit dhe shpalljes së vlefshmërisë së mandatit të Kryetarit të Bashkisë.
8. Në rast se Sekretari është i pamundur të jetë i pranishëm në mbledhjen e parë të Këshillit, ai njofton me shkresë Prefektin sëpaku tre ditë pune përpresa datës së mbajtjes së Mbledhjes. Në këtë rast Sekretari e shoqëron shkresën drejtuar Prefektit, me dokumentacionin ligjor të Komisionit Qendor i Zgjedhjeve, si dhe me tabelat e rezultateve dhe emrat e personave të zgjedhur si atë të Kryetarit të Bashkisë dhe anëtarët e Këshillit Bashkiak.
9. Sekretari, apo në mungesë të tij Prefekti, i shpërndan çdo këshilltari të pranishëm në Mbledhje e Parë, një kopje të listës me emrat e këshilltarëve të konfirmuar nga Komisioni Qëndror i Zgjedhjeve, datëlindjet e tyre përkatëse dhe partinë politike që përfaqëson secili/a sipas listës zgjedhore.
10. Në rast se Sekretari i Këshillit apo Prefekti nuk janë të pranishëm në Mbledhjen e Parë që kanë thirrur, Mbledhjen e Parë e drejton Këshilltari më i vjetër në moshë sipas listës së Komisionit Qendor i Zgjedhjeve.
11. Në rast se Sekretari i Këshillit apo Prefekti nuk e ushtrojnë të drejtën e thirrjes së Mbledhjes së Parë të Këshillit, dhe përfekt këtë arsyë Mbledhja e Këshillit nuk mbahet brenda afatit 20 ditor të parashikuar

¹⁵Ligji nr. 139/2015 nen 48 pika 2.

¹⁶Ligji nr. 139/2015, nen 48 pika 2.

në pikën 1 të këtij nenit, atëherë Këshilli mblidhet vetë brenda 10 ditëve pas mbarimit të afatit 20 ditor¹⁷. Grupi nismëtar i Këshilltarëve që thërrasin Mbledhje e Parë, janë përgjegjës për njoftimin e Mbledhjes së Parë, dhe nisma bashkë me listënme emrat dhe me nënshkrimet e tyre bëhet publike në një mjedis publik në qëndër të qytetit ku ndodhet salla e Këshillit Bashkiak. Në këtë rast grupi nismëtar njofton më shkrim Kryetarin në detyrë të Bashkisë, Kryetarin e zgjedhur të Bashkisë dhe Prefektin, dhe sëbashku me një kopje të listës së nënshkruar të nismëtarëve, ua dërgon atyre edhe njoftimin me orën, datën, dhe vendin ku do të mbahet Mbledhja e Parë. Në çdo rast personi që kryeson listën e këshilltarëve, nismëtarë të mbajtjes së Mbledhjes së Parë, bën njoftimin publik të Mbledhjes së Parë, njoftim i cili bëhet publik sëpaku tre ditë pune para mbajtjes së Mbledhjes së Parë, në hollin e Bashkisë, në një zonë në qendër të qytetit ku ndodhet salla e Këshillit Bashkiak, si dhe në media audiovizive vendore.

- Në rastet kur edhe pas tri herë thirrje nuk sigurohet pjesëmarrja e kërkuar, Këshilli konsiderohet i shpérndarë¹⁸, dhe Sekretari e shpall këtë në murin e jashtëm të godinës së bashkisë, njofton Prefektin dhe KQZ si dhe median vendore. Në rast se tre mbledhjet i therret Prefekti apo Grupi Nismëtar, këto të fundit shpallin shpérndarjen e Këshillit në murin e jashtëm të godinës së bashkisë, si dhe njofton Këshillin e Ministrave, KQZ dhe median vendore

Neni 10

Veprimet në Mbledhjen e Parë të Këshillit

- Deklarimi i hapjes së Mbledhjes së Parë të Këshilli bëhet nga Sekretari i Këshillit, dhe në mungesë të tij, nga Prefeti i Qarkut, apo në mungesë të tyre, nga këshilltarë më vjetër në moshë i grupit nismëtar të Mbledhjes së Parë, i cili ka marrë mandatin nga Komisionit Qendor i Zgjedhjeve dhe është i pranishëm në Mbledhje.
- Sekretari apo Prefekti, apo Kryesuesi i Mbledhjes, lexon me zë të lartë listën e emrave të këshilltarëve të miratuar nga Komisionit Qendor i Zgjedhjeve dhe datëlindjet e tyre, dhe fton Këshilltarin më të vjetër në moshë, sipas listës së Komisionit Qendor të Zgjedhjeve, që është i pranishëm në mbledhje, për drejtimin e përkohshëm të mbledhjes deri në zgjedhjen e Kryetarit të Këshillit.
- Në mbledhjen e parë:
 - Këshilli zgjedh Komisionin e Mandateve
 - Këshilli miraton mandatet e Këshilltarëve
 - Këshilltarët e mandatuar bëjnë betimin
 - Këshilli zgjidh Kryetarin dhe Zëvendëskryetarin e Këshillit
 - Bëhet shpallja e vlefshmërisë së mandatit të Kryetarit të bashkisë dhe më pas Kryetari i Bashkisë bën betimin
 - Kryetari i Bashkisë mban fjalën pëershëndetëse përpara Këshillit
 - Këshilli zgjidh Këshilltarët që do të përfaqësojnë Këshillin Bashkiak në Këshillin e Qarkut dhe i pajis ata me mandatin e përfaqësimit të anëtarit të Këshillit të Qarkut;
- Mbledhja e parë e Këshillit është e vlefshme kur në të marrin pjesë më shumë se gjysma e të gjithë anëtarëve të Këshillit, të shpallur fitues nga Komisioni Qendor i Zgjedhjeve. Nëse mbas thirrjes së parë të Mbledhjes së Parë, nuk mblidhen më shumë se gjysma e anëtarëve të Këshillit sipas listës së Komisioni Qendor i Zgjedhjeve, mbledhja nuk zhvillohet dhe ajo thirret nga i njëjtë subjekt që ka bërë thirrjen e parë (Sekretari i Këshillit, Prefekti apo 1/3 e Këshilltarëve të sapozgjedhur), në

¹⁷Ligji nr. 139/2015, nen 48.

¹⁸Ligji 139/2015 nen 48, pika 4.

konsultim me Kryetarin e sapozgjedhur të Bashkisë, tri ditë më vonë, por nuk thirret më shumë se tri herë, thirrje e cila/ të cilat shpallet/n në murin e jashtëm të godinës së Bashkisë dhe njoftohet/n në median audiovizive vendore¹⁹. Në pamundësi të Sekretarit, dhe kur thirrja bëhet nga Prefekti, njoftimi në median audiovizive vendore bëhet nga Bashkia dhe nga Prefekti. Në pamundësi të Sekretarit, dhe kur thirrja bëhet nga Prefekti, njoftimi në median audiovizive vendore bëhet nga Bashkia dhe nga Prefekti.

5. Mbledhja e parë e Këshillit, deri në zgjedhjen e kryetarit të tij, drejtobet nga këshilltari më i vjetër në moshë, i pranishëm në mbledhje.
6. Mbledhja e konstituimit të Këshillit në asnjë rast nuk është mbledhje e myllur, dhe Sekretari apo Prefekti, grupi nismëtar i këshilltarëve të sapozgjedhur që thérret Mbledhjen e Parë, fton median audiovizive vendore të marrë pjesë në mbledhje dhe koordinon transmetimin e saj direkt në median audiovizive vendore.
7. Përveç se kur ështe e pamundur, Mbledhja e Parë e Këshillit mbahet në sallën e mbledhjeve të Këshillit Bashkiak. Kur kjo është e pamundur mbahet, sipas kësaj renditje, në një sallë të godinës së Prefekturës, në një sallë të një institucion/ agjencie që është në varësi të Bashkisë dhe që ndodhet në qytetin ku ndodhet salla e Këshillit Bashkiak, apo edhe kur kjo është e pamundur në një godinë në qendër të qytetit ku ndodhet salla e Këshillit Bashkiak.

Neni 11

Komisioni i Verifikimit të Mandateve

1. Komisioni i Mandateve ngritet me përbërjen e 5 ëshilltarëve, dhe pasqyron për sa është e mundur përbërjen politike të Këshillit dhe përfaqësim gjinor²⁰. Propozimet për përbërjen dhe Kryesinë e Komisionit bëhen nga Këshilltarët që deklarojnë publikisht përfaqësimin e partive politike.
2. Komisioni i Mandateve miratohet nga Këshilli me votim të hapur, me shumicën e votave, në prani të më shumë se gjysmës së të gjithë anëtarëve me mandate të këshillit.
3. Verifikimi i mandateve të Këshilltarëve bëhet nga Komisioni i Mandateve të Këshillit përpala se Këshilltarët bëjnë betim para Këshillit.
4. Këshilltari më i vjetër në moshë i pranishëm në mbledhje, pasi merr kryesimit të mbledhjes së këshillit, kërkon ngritjen e Komisionit të Mandateve për verifikimin e mandateve të Këshilltarëve.
5. Komisioni shqyrton dokumentacionin përkatës të Komisionit Qendror të Zgjedhjeve dhe i paraqet Këshillit, brenda Mbledhjes së Parë të Këshillit, raportin për vlefshmërinë e mandateve të Këshilltarëve. Nëse Komisioni vëren paligjshmëri të dokumentacionit të dorëzuar nga Sekretari i Këshillit,,Prefekti apo Këshilltarët e sapozgjedhur, dhe për këtë arsy nuk arrin të përgatisë raportin brenda Mbledhje së Parë të Këshillit, i kërkon Kryesuesit të Mbledhjes shtyrjen e Mbledhjes për në ditën e mëpasme për të verifikuar dhe konsultuar dokumentacion shtesë, shtyrje e cila publikohet nga Sekretari i Këshillit në mjeshtëri godinës së Bashkisë, në median audiovizive vendore dhe faqen zyrtare të interneti të Bashkisë nga Sekretari i Këshillit. Raporti miratohet me minimumin prej 3 anëtarësh nga 5 anëtarët e tij.
6. Nëse Komisioni vëren paligjshmëri apo papajtueshmëri të një apo më shumë mandateve të këshilltarëve, i paraqet Këshillit kërkesën e firmosur nga minimumi 3 anëtarë, për t'ia dërguar më pas organeve kompetente për shqyrtim.

¹⁹ Ligji 139/2015 nen 48.

²⁰ Ligji nr. 9970/2008, nen 15/lb.

7. Komision i Mandateve merr parasysh dhe verifikon çdo pretendim të ngritur nga pjesëmarrësit në sallë për pavlefshmérinë e mandatit të një këshilltari, sipas listës emerore të Komisionit Qendror të Zgjedhjeve.
8. Nëqoftëse mendimi për dhënien e mandatit një këshilltari nuk është unanim nga anëtarët e Komisionit të Mandateve, në raportin që përgatit Komisioni mendimi i shumicës shoqërohet me mendimin e pakicës.
9. Kryetari i Komisionit të Mandateve lexon me zë të lartë para Këshillit listën me emrat e Këshilltarëve mandati i të cilëve është i vlefshëm dhe deklaron numrin e Këshilltarëve me mandat të vlefshëm nga numri total i këshilltarëve. Kryesuesi i Mbledhjes fton këshilltarët e pranishëm të votojnë raportin e Komisionit të Mandateve.
10. Mandati i jepet Këshilltarit me Vendim të Këshillit Bashkiak. Me vërtetimin nga Komisioni i Mandateve të më shumë se gjysmës së të gjithë anëtarëve të Këshillit²¹, dhe me miratimin e raportit të Komisionit të Mandateve me shumicën e votave të numrit të përgjithshëm të anëtarëve të Këshillit të pranishëm në Mbledhje²², kryesuesi i mbledhje shpall konstituimin e Këshillit Bashkiak. Më pas Këshilltarët me mandat të vlefshëm zënë vend në sallën së Këshillit Bashkiak sipas ndarjes së vendeve të bërë me orientimin e Kryesuesit të Mbledhjes.

Neni 12

Papajtueshmëria e funksionit të Këshilltarit

1. Funksioni i Këshilltarit është i papajtueshëm me²³:
 - a) funksionin e kryetarit dhe zëvendëskryetarit të bashkisë
 - b) funksionin e sekretarit të këshillit bashkiak
 - c) funksionin e nepunësit të administratës së bashkisë përkatëse dhe institucioneve në varësi të saj
 - ç) funksionin e deputetit
 - d) funksionin e ministrit
 - d) funksionin e punonjësit të Sekretariatit të Këshillit
2. Një person nuk mund të zgjidhet në të njëjtën kohë në më shumë se një Këshill Bashkiak.
3. Nuk mund të jenë anëtarë të të njëjtët Këshill personat e lidhur: bashkëshortë, prindër e fëmijë, vëlla e motër, si dhe vjehrri e vjehrra me nusen e dhëndrin.

Neni 13

Betimi i Këshilltarëve

1. Pas verifikimit të mandateve nga Komisioni i Mandateve, dhe miratimit të raportit të Komisionit nga Këshilli, këshilltarët me mandat të vlefshëm bëjnë këtë betim para Këshillit²⁴.

“Betohem në nderin tim se do të kryej me ndërgjegje detyrën e anëtarit të këshillit bashkiak dhe do t'i bindem Kushtetutës dhe ligjeve. Betohem se në të gjithë veprimitarinë time do të udhëhiqem nga interesat e shtetasve të Bashkisë Prrenjas dhe do të punoj me ndershëmëri e përkushtim për zhvillimin dhe rritjen e mirëgenies së tyre”.
2. Teksti i betimit lexohet nga kryesuesi i mbledhjes dhe këshilltarët ftohen, një e nga një, të ngrihen në këmbë dhe të deklarojnë “Betohem”. Çdo këshilltar nënshkruan tekstin e betimit.

²¹ Ligji 139, neni 48/7.

²² Ligji 139, neni 49/1,2.

²³ Ligji nr. 139/2015, neni 47.

²⁴ Ligji nr. 139/2015, neni 50.

3. Këshilltari që mungon në mbledhjen e parë të Këshillit, dhe për këtë shkak nuk bën betimin, betohet në mbledhjen e radhës së Këshillit. Këshilltari, që nuk merr pjesë në Mbledhjen e Këshillit dhe nuk bën betimin as në mbledhje e tretë radhazi të Këshillit, konsiderohet se jep dorëheqjen nga mandati i këshilltarit dhe atij nuk i jepet mandati²⁵. Njoftimi për arsyet e mungesëssë Këshilltarit në bërjen e betimit, në mbledhjen e parë të Këshillit, i drejtohet me shkrim Sekretarit të Këshillit dhe Prefektit, dhe këto, në varësi se kush thërret Mbledhjen e Parë, ia vë në dispozicion të Komisionit të Mandateve.

4. Komisoni i Mandateve shqyrton rastin e Këshilltarit që nuk bën betimin sipas pikës 3 të këtij neni, dhe i propozon Mbledhjes së Këshillit refuzimin e dhënies sëmandatit të këshilltarit, dhe krijimin e vendit bosh. Këshilli me shumicën e votave të numrit të përgjithshëm të anëtarëve të Këshillit vendos përfundimin e dhënies së mandatit përkëshilltarin, dhe i njofton vendimin autoritetit të KQZ dhe Prefektit të Qarkut. Nësë Këshilli nuk e miraton refuzimin e dhënies së mandatit, Kryetari i Këshillit dhe/apo Sekretari njoftojnë zyrtarisht Prefektin dhe Komisionit Qendror të Zgjedhjeve.

Neni 14

Zgjedhja e Kryetarit dhe Zëvendëskryetarit të Këshillit

1. Kryetari dhe Zëvendëskryetarët zgjidhen nga radhët e anëtarëve të Këshillit me votim të fshehtë dhe me shumicën e votave të numrit të përgjithshëm të anëtarëve të Këshillit²⁶, si dhe duke respektuar ligjin për barazinë gjinore përgjithshëm të anëtarëve të Këshillit²⁷, si dhe duke respektuar ligjin për barazinë gjinore përgjithshëm të anëtarëve të Këshillit²⁸.
2. Të drejtën për të propozuar një kandidat përkryetar dhe zëvendëskryetar të Këshillit e ka një grup me jo më pak se 5 Këshilltarë. Një këshilltar nuk mund të mbështesë më shumë se një kandidat përkryetar apo zëvendëskryetar dhe të marrë pjesë në më shumë së një grup propozues.
3. Seanca e mbledhjes për zgjedhjen e kryetarit e zëvendëskryetarit bëhet pa debat.
4. Në çdo rast Këshilli duhet të votojë për jo më pak së dy kandidatura për secilin prej dy pozicioneve, atë të kryetarit dhe zëvendëskryetarit të Këshillit.

Neni 15

Procedura e zgjedhjes së Kryetarit të Këshillit

Procedura e zgjedhjes së Kryetarit të Këshillit bëhet si në vijim:

1. Sekretarinjofton fillimin eprocedures së zgjedhjes së Kryetarit të Këshillit.
2. Sekretari deklaron hapjen e proçesit të kandidimeve nga Këshilltarët.
3. Pasi të jetë deklaruar emërimi i secilit kandidat, Sekretari pyet nëse Kandidati/ët e pranon/jnë emërimin.
4. Pasi janë propozuar të gjithë kandidatët, Sekretari shpall mbylljen ekandidimeve.
5. Sekretari përgatit dhe bën publike para Këshillit listënnë rend alfabetik të kandidatëve për pozicionin e Kryetarit.
6. Me votim të hapur, ngrihet Komisioni i Votimit, me numër tek anëtarësh, ku çdo kandidat ka të drejtën të propozojë një anëtar.

²⁵Ligji nr. 139/2015, neni 50/2.

²⁶ Ligji nr. 139, neni 54/b; 55/3.

²⁷Ligji nr. 9070/2018, neni 15/1a.

²⁸Ligji nr. 9070/2018, neni 15/1b.

7. Sekretari deklaron mbylljene dyerve të sallës së Mbledhjes gjatë votimit për Kryetarin.
8. Nëse ka dy ose më shumë kandidatë për zgjedhjen e Kryetarit, fletët e votimit përgaten nga Sekretari dhe Komisioni i Votimit i shpérndan Këshilltarëve të pranishëm në Mbledhje..
9. Nuk bëhet debat për zgjedhjen e Kryetarit dhe zevëndëskryetarëve të Këshillit.
10. Procesi i numërimit të votave bëhet menjëherë, i hapur dhe votat deklarohen me zë nga kryetari i komisionit të votimit
11. Kryetari shpallë numrin e fletëve të votimeve të hedhura, numrin e fletëve të votimit të pavlefshme dhe numrin e votave që kërkohen për të arritur 50 përqind plus një të shumicës.
12. Kryetari i Komisionit njoftojë para Këshillit zgjedhjen e kandidatit fitues si Kryetar të Këshillit.
13. Në çdo kohë pasi të jetë shpallur rezultati i votimit të parë, por para fillimit të një votimi të dytë ose të mëvonshëm, një kandidat mund të tërhoqet nga zgjedhjet, të cilat më pas do të procedojnë sikur ai kandidat të mos ishte emëruar si i tillë.
14. Kryetari i zgjedhur i Këshillit Bashkiak merr drejtimin e mbledhjes menjëherë pas shpalljes së rezultatit të votimit për Kryetar të Këshillit nga Komisioni i Votimit. Kryesuesi i mbledhjes fton menjëherë Kryetarin e Këshillit të zërë vendin e tij. Mbas Kryetari i sapozgjedhur i Këshillit merr drejtimin e mbledhjes ai shpall fillimin e procedurave për zgjedhjen e Zëvëndëskryetarëve të Këshillit.
15. Këshilli ka të paktën 1 zëvëndëskryetarë ose me shume ne qofte se vendoiset nga anetaret e keshillit me shumice votash.
16. Mbi 30% në listën e kandidatëve për Kryetar, Zëvëndëskryetar dhe Sekretarin e Këshillit duhet t'i përkasë së njëjtës gjini.
17. Në fillim bëhet votimi për kryetarin e më pas për zëvëndëskryetarët.
18. Për zgjedhjen e zëvëndëskryetarëve ndiqen të njëjtat procedura si ato për zgjedhjen e Kryetarit. Këshilli bën votim të veçantë për secilin prej zëvëndëskryetarëve. Në fillim bëhet votimi për Zëvëndëskryetarin që propozohet nga grupei i këshilltarëve të opozitës më të madhe, dhe më pas votimi për zëvëndëskryetarin që propozohet nga grupei i shumicës politike.
19. Nëse pas përfundimit të procesit të votimit, kryetari i zgjedhur dhe zëvëndëskryetari nga radhët e këshilltarëve tëopozitës më të madhe i takojnë të njëjtës gjini, zëvëndëskryetari i shumicës duhet të zgjidhet nga gjinia tjetër.
20. Votimi për kryetarin, zëvëndëskryetarët dhe sekretarin e Këshillit bëhet i fshehtë. Kur kandidatët nuk sigurojnë shumicën e votave të të gjithë anëtarëve të Këshillit, votimi ribëhet midis dy kandidaturave që në raundin e parë kanë fituar numrin më të madh të votave. Në këtë rast fitues shpallet kandidati që ka marrë numrin më të madh të votave "Pro", dhe nëse votat janë të barabarta, fituesi caktohet me short. Shorti drejtohet nga Kryetari/ drejtuesi i Mbledhjes së Këshillit në bashkëpunim me Sekretarin.
21. Këshilli Bashkiak, me shumicën e votave të gjithë anëtarëve, në Mbledhjen e Parë të Këshillit mund të miratojë zgjedhjen e Kryetarit me rotacion gjatë mandatit 4 vjeçar të Këshillit. Ky vendim nuk mund të ndryshohet deri në përfundim të mandatit.
22. Fleta e votimit është sipas modelit në shtojcën nr. 9 të kësaj rregulloreje.

Neni 16

Votimi për zgjedhjen e Kryetarit, Zëvëndëskryetarit, Sekretarit të Këshillit

1. Këshilli, në mbledhjen e parë të tij, miraton ngritjen e Komisionit të Votimit për zgjedhjen e Kryetarit dhe të Zëvëndëskryetarëve. Komisioni përbëhet nga tre (3) Këshilltarë të cilët zgjidhen me

votim të hapur dhe anëtarësia pasqyron, për aq sa është e mundur, përbërjen politike të Këshilli. Kryesuesi i mbledhjes nuk zgjidhet Anëtar i Komisionit të Votimit.Kryetari i komisionit të votimit zgjidhet nga anëtarët e komisionit të votimit .

2. Kandidatët për Kryetar dhe zëvëndës/Kryetarë të Këshillit nuk mund të jenë anëtarë të komisionit të votimit, por në çdo rast mund të jenë vëzhgues.
3. Anëtarët e Komisionit të Votimit së bashku me Sekretarin apo personin që kryen detyrat e tij/saj, përgatisin fletët e votimit me emrat e kandidatëve të propozuar nga Këshilltarët.
4. Komisioni i Votimit përgatit raportin me rezultatet e votimit dhe ia përcjell Kryesuesit të Mbledhjesi cili/a shpall emrin e personit që votëbesohet si Kryetar, Zëvëndëskryetar apo Sekretar i Këshillit.
5. Votimi për Kryetarin, Zëvëndëskryetarët dhe Sekretarin e Këshillit bëhet i fshehtë. Kur kandidatët nuk sigurojnë shumicën e votave të të gjithë anëtarëve të Këshillit (50 %+1), votimi ribëhet midis dy kandidaturave që në raundin e parë kanë fituar numrin më të madh të votave. Në këtë rast fitues shpallet kandidati që ka marrë numrin më të madh të votave “Pro”, dhe nëse votat janë të barabarta, fituesi caktohet me short²⁹. Shorti drejtohet nga Kryetari/ drejuesi i Mbledhjes së Këshillit në bashkëpunim me Sekretarin.
6. Në fillim bëhet votimi për Kryetarin e më pas për Zëvëndëskryetarët. Mbi 30% në listën e kandidatëve për Kryetar, Zëvëndës-kryetar dhe Sekretarin e Këshillit duhet t'i përkasë së njëjtës gjini³⁰. Këshilli bën votim të veçantë për secilin prej Zëvëndëskryetarëve. Në fillim bëhet votimi për Zëvëndëskryetarin që propozohet nga grupei i Këshilltarëve të opozitës më të madhe, dhe më pas votimi për Zëvëndëskryetarin që propozohet nga grupei i shumicës politike.
7. Fleta e votimit është sipas modelit në Shtojcën nr. _____ të kësaj rregulllore

Neni 17

Mandati i Kryetarit të Bashkisë

1. Shpallja e vlefshmërisë së mandatit të Kryetarit të Bashkisë dhe betimi i tij bëhet në mbledhjen e parë të Këshillit Bashkiak³¹ dhe pas konstituimit të Këshillit. Kryetari i sapozgjedhur i Këshillit pas shpalljes së, vlefshmërisë së mandatit të Kryetarit të Bashkisë, lexon fomulën e betimit, sipas formulës së përcaktuar në nenin 50 të Ligjit 139/2015.³² Kryetari i Bashkisë ngritet dhe qëndron në këmbë gjatë leximit të formulës së betimit dhe deklaron me zë të lartë “Betohem” pas mbarimit të leximit të formulës, dhe më pas e nënshkruan atë³³. Dokumenti me formulën e betimit përgatitet për nënshkrim nga Sekretari i Këshillit apo në mungesë të tij nga një person i ngarkuar nga Këshilli i sapokonstituar..
2. Ushtrimi i mandatit të Kryetarit të Bashkisë fillon në çastin kur bën betimin para Këshillit³⁴.
3. Nëse Këshilli nuk konstituohet, Prefekti organizon ceremoninë e betimit të Kryetarit të bashkisë në mjedisin e Bashkisë dhe në praninë e banorëve të saj.
4. Në rast se Kryetari i sapozgjedhur i Bashkisë merr pjesë në mbledhjen e parë të Këshillit dhe refuzon të bëjë betimin dhe të nënshkruajë formulën e betimit, apo nuk merr pjesë në mbledhjen e parë të Këshillit për të bërë betimin, pa i paraqitur më parë me shkrim Këshillit arsyet objektive të mospjesmarrje, Këshilli me vendim të shumicës së të gjithë këshilltarëve të mandatuar dhe pjesëmarrës në mbledhjen e parë të

²⁹Ligji nr. 139/2015, nen 55/5.

³⁰Ligji nr. 9970/2008, nen 15/1a/2a dhe nen 8.

³¹Ligji nr. 139/ nen 60/3.

³²Ligji nr. 139/2015, nen 50.

³³Ligji nr. 139/ nen 60/3.

³⁴Ligji nr. 139/ nen 60/4.

Këshillit deklarojnë se Kryetari i Bashkisë ka refuzuar bërjen e betimin dhe si rezultat shpall mbarimin para afatit të mandatit³⁵ të Kryetarit të Bashkisë³⁶dhe njofton Këshillin e Ministrave nëpërmjet Prefektit përfundimin e mandatit të Kryetarit të Bashkisë përpara afatit. Kryetari i sapozgjedhur i Këshillit drejton votimin i ndihmuar nga Sekretari.

5. Me votimin e Këshillit përfundimin para kohe të mandatit të Kryetarit të Bashkisë, sipas parashikimeve te ligjit 139/2015,³⁷ Këshilli Bashkiak njofton Këshillin e Ministrave nëpërmjet Prefektitpër përfundimit të mandatit të Kryetarit të Bashkisë përpara afatit. Në këto raste, deri në zgjedhjen e kryetarit të ri të bashkisë, funksionet e tij i kryen zëvendëskryetari i bashkisë. Në rastet kur ka më shumë se një zëvendëskryetar bashkie, Këshilli Bashkiak, me shumicën e votave të numrit të përgjithshëm të anëtarëve të tij, caktion një nga zëvendëskryetarët të kryejë funksionet e kryetarit deri në zgjedhjen e kryetarit të ri³⁸. Nëse Bashkia ka më shumë së një zëvendëskryetar, të gjithë zëvendëskryetarët përfshihen në listën e votimit. Në rast së votimi del i barabartë mes dy zëvendëskryetarëve, Këshilli hedh short për të përcaktuar fituesin, short i cili drejtohet nga Kryetari i Këshillit i cili bën edhe shpalljen e fituesit. Votimi në këtë rast bëhet i fshehtë.

Neni 18

Zgjedhja e Përfaqësuesve të Këshillit Bashkiak në Këshillin e Qarkut

1. Përfaqësuesit e Këshillit Bashkiak në Këshillin e Qarkut zgjidhen mes anëtarëve të Këshillit, me votim të fshehtë të listës shumëmërore dhe shpall fitues kandidatin ose kandidatët që kanë marrë shumicën e votave të tij gjithë anëtarëve të Këshillit. Në rast se ka barazim votash, ribëhet votim vetëm për kandidatët që kanë barazim votash dhe shpallet fitues kandidati që ka marrë më shumë vota. Nëse ka barazim votash sërisht, fituesi caktohet me short. Shorti drejtohet nga Kryetari/ Kryesuesi i Mbledhjes.
2. Të drejtën për të propozuar një kandidat për përfaqësues në Këshillin e Qarkut e ka çdo Këshilltar apo Grup Politik Këshilltarësh.
3. Përfaqësuesit e Këshillit Bashkiak në Këshillin e Qarkut në jo më pak se 50% të tyre duhet t'i përkasin gjinisë më pak të përfaqësuar³⁹ në Këshillin Bashkiak.
4. Një Këshilltar Bashkiak që është zgjedhur përfaqësues në Këshillin e Qarkut, në rastin e përfundimit të mandatit si Këshilltar Bashkiak përfundon edhe mandatin si anëtar i Këshillit të Qarkut. Në këtë rast bëhet zëvendësimi i tij, duke ruajtuar raportin e përcaktuar për barazinë gjinore⁴⁰.
5. Kryetari / zëvendëskryetarët e Këshilli Bashkiak, nuk mund të zgjidhen anëtarëtë Këshillit të Qarkut.
6. Funksioni i anëtarit të Këshillit të Qarkut është i papajtueshëm me çdo funksion në administratën e Qarkut⁴¹.

Neni 19

Sekretari i Këshillit

1. Sekretari i Këshillit emërohet dhe shkarkohet nga Këshilli Bashkiak, në bazë të propozimit të Kryetarit të Këshillit, me shumicën e votave të tij gjithë anëtarëve të këshillit.

³⁵Ligi nr. 139, nen 61/3.

³⁶Ligi nr. 139, nen 61/1/a.

³⁷Ligi nr. 139, nen 61; 62.

³⁸Ligi nr. 139, nen 61/5.

³⁹Ligi nr. 139/2015, nen 54/i.

⁴⁰Ligi nr. 9970/2008, nen 15/1a.

⁴¹Ligi nr. 139/2015, nen 72/4.

2. Shkarkimi i Sekretarit mund të propozohet edhe nga 1/3 e anëtarëve të Këshillit.
3. Këshilli Bashkiak në mbledhje ne tij të Parë nuk mund të marrë vendim për emërimin apo shkarkimin Sekretarit të Këshillit.
4. Vendim i për shkarkimin e Sekretarit në Mbledhjen e Parë të Këshillit, bëhet vetem në rastin kur Sekretari nuk organizon mbledhjen e konstituimit të Këshillit pa një arsy objektive dhe të njoftuar me shkrim paraprakisht Prefektit dhe Kryetarit në detyrë të Bashkisë.
5. Në rast se Sekretari i Këshillit ka depozituar kërkesën për dorëheqje nga pozicioni i Sekretarit të Këshillit, Këshilli në mbledhjen e parë të tij, merr vendim për lirimin nga detyra të Sekretarit të Këshillit, shpall vendin bosh, si dhe për fillimin e procedurave për emërimin e Sekretarit të ri të Këshillit.

Neni 20

Kohëzgjatja e Ushtrimi të Funksioneve të Këshillit Bashkiak

Këshilli bashkiak ushtron funksionet e tij nga data e konstituimitderi në kriimin e këshillit të ri pasardhës⁴².

Neni 21

Mbarimit të Mandati të Këshilltarit të Bashkisë

1. Mandati i Këshilltarit mbaron përpara afatit kur⁴³:
 - a. ndryshon vendbanimin dhe regjistrohet si banor jashtë territorit të bashkisë Prrenjas ;
 - b. jep dorëheqjen;
 - c. krijojen kushte të papajtueshmërisë, të përcaktuara në nenin 47 të Ligjit nr. 139/2015;
 - d. mandati, nga ana e tij është marrë në mënyrë të kundërligjshme;
 - e. humbet zotësinë për të vepruar me vendim gjykate;
 - f. vdes;
 - g. nuk merr pjesë në mbledhjet e këshillit për një periudhë 6-mujore;
 - h. dënohet për kryerjen e një vepre penale me vendim gjykate të formës së prerë;
 - i. këshilli shpërndahet nga Këshillit të Ministrave⁴⁴.
 - j. në rast të konstatimit të kushteve për zbatimin e ndalimeve të parashikuara nga Ligji nr. 138/2015, nen 13⁴⁵ dhe shpalljes publikisht të rezultatit të verifikimit nga autoriteti i verifikimit, mandati i Këshilltarit Bashkiak përfundon menjëherë.
2. Në rast të konstatimit të kushteve për zbatimin e ndalimeve të parashikuara nga Ligji nr. 138/2015, nen 13⁴⁶ dhe shpalljes publikisht të rezultatit të verifikimit nga autoriteti i verifikimit, mandati i Këshilltarit Bashkiak përfundon menjëherë.
3. Anëtarit të Këshillit të cilit i është konstatuar kushti ndalues⁴⁷, pezullohet nga ushtrimi i funksionit për efekt të ligjit, dhe Këshilli mund të vendosë t'i heqë mandatin, në përpunje me Ligjin nr. 139/2015.

⁴²Ligji nr. 139/2015, neni 53/1.

⁴³Ligji 139, neni 49/4.

⁴⁴Ligji 139/2015, neni 58;Ligji nr. 138 datë 17.12. 2015 “Për garantimin e integritetit të personave që zgjidhen, emërohen ose ushtrojnë funksione publike”.

Ligji nr. 138 datë 17.12. 2015 “Për garantimin e integritetit të personave që zgjidhen, emërohen ose ushtrojnë funksione publike”.

⁴⁷ Ligji nr. 138/2015, neni 14/4,

4. Kryetari i Këshillit, një grup prej minimumi 3 këshilltarësh dhe Kryetari i Komisionit të Mandateve mund të propozojnë për shqyrtimin e mbarimit të mandatit të këshilltarit nga Komisioni i Mandateve.
5. Propozimi paraqitet me shkrim, dhe duhet të përmbajë shkaqet ligjore për mbarimin e mandatit, dhe kur është e mundur dhe provat përkatëse. Propozimi depozitohet pranë Sekretarit të Këshillit. Sekretari njofton me shkrim Kryetarin e Komisionit të Mandateve dhe këshilltarin për të cilin propozohet mbarimi i mandatit.
6. Kryetari i Komisionit të Mandateve është i detyruar të thërrasë mbledhjen e Komisionit brenda 7 ditëve nga data e marrjes së propozimit.
7. Propozimi i Komisionit të Mandateve për mbarimin e mandatit, sëbashku me dokumentet që provojnë shkaqet e mbarimit të mandatit për Këshilltarin, i paraqitet për diskutim dhe vendimmarrje Këshillit Bashkiak në mbledhjen më të afërt.
8. Komisioni i Mandateve njofton këshilltarin brenda 5 ditëve nga data e mbledhjes së Komisionit ku është diskutuar kërkesa për mbarimin e mandatit të këshilltarit, per të paraqitur pretendimet e tij. Këshilltari brenda 10 ditëve nga dita e marrjes së njoftimit nga Komisioni i Mandateve, dërgon në Komisionin e Mandateve arsyetimin ose fakte që kundërshtojnë mbarimin e mandatit. Në qoftë se brenda këtij afati 10 ditor, këshilltari nuk dërgon arsyetimin ose fakte e tij, Komisioni merr vendim dhe ia kalon për shqyrtim dhe miratim Këshillit Bashkiak.
9. Nëse Komisioni i Mandateve nuk i dërgon Këshillit raportin e miratuar në lidhje me propozimin e mbarimit të mandatit të këshilltarit, brenda 20 ditëvenga marrja e propozimit, propozuesi/t kanë të drejtë t'i dërgojnë Këshillit, jo më vonë se 5 ditë nga mbarimi i këtij afati, propozimin me dokumentet dhe shkaqet ligjore për mbarimin e mandatit të këshilltarit. Në këtë rast Këshilli ka detyrimin ta shqyrtojë propozimin në mbledhjen e tij të parë nga marrja e propozimit.
10. Vendimi i Këshillit për mbarimin e mandatit të këshilltarit përmban mendimin e shumicës dhe pakicës.
11. Vendimi i Këshillit Bashkiak për mbarimin e mandatit i njoftohet këshilltarit brenda 5 ditëve dhe vendin e tij e zë kandidati i radhës në listë shumëemërore të subjektit politik ku bënte pjesë. Zëvendësimi kryhet sipas rregullave të përcaktuara në Kodin Zgjedhor.
12. Nëse Këshilli nuk merr në shqyrtim apo nuk merr vendim për propozimin e Komisionit të Mandateve apo të këshilltarëve të përmendur në pikën “e” më sipër, për konstatimin e mbarimit të mandatit të këshilltarit, Sekretari njofton me shkrim Prefektin.
13. Mbarimi i mandatit para kohe i këshilltarit deklarohet me vendim të Këshillit Bashkiak, me propozim të Komisionit të Mandateve.
14. Heqja e mandatit të këshilltarit bëhet me shumicën e votave të numrit të përgjithshëm të anëtarëve të Këshillit.
15. Këshilltari nuk voton për mandatin e tij kur propozohet heqja e mandatit të tij.
16. Në rastin kur këshilltari mungon për 6 muaj rrreshth në Mbledhjet e Këshillit, Sekretari i paraqet me shkrim Kryetarit të Këshillit raportin ku pasqyrohen data e mungesave, dhe ky fundit ia përcjell raportin Komisionit të Mandateve bashkë me kërkeshën. Propozimi për heqjen e mandatit paraqitet nga Komisioni i Mandateve në mbledhjen e parë të rregullt të radhës të Këshillit. Në çdo rast, Kryetari i Këshillit bën përpjekje për të kontaktuar me këshilltarin për të kuptuar arsyet e mungesave.

KREU II. ORGANIZIMI DHE STRUKTURA E KËSHILLIT BASHKIAK

Neni 22

Kryesia e Këshillit

1. Kryesia e Këshillit, është organ këshillimor që kujdeset për mbarëvajtjen e punës së Këshillit, gjatë dhe midis dy mbledhjeve të tij.
2. Kryesia e Këshillit përbëhet nga Kryetari dhe zëvendëskryetarët e Këshillit dhe kryetarët e grupeve të këshilltarëve. Kryesia, kur e gjykon të nevojshme, fton në mbledhje të zgjeruar të saj përfaqësuesin e organizit ekzekutiv të Bashkisë.
3. Kryesia, përgatit listën e projektakteve që do të shqyrtohen në mbledhjen e Këshillit Bashkiak, sipas një kalendari periodik, mujor apo vjetor, mbi bazën e propozimeve të Kryetarit të Bashkisë, të Grupeve të Këshilltarëve, të Komisioneve të Këshillit, të publikut, deputetëve, të organeve të tjera qeveritare dhe e paraqet për miratim në mbledhjen e tij dhe e paraqet për miratim në mbledhjen e Konferencës së Kryetarëve, e cila organizohet një herë në katër (4) muaj. Kryesia përgatit edhe planine punës së Komisioneve të Përherershëmpër periudhën vjetore 4 mujore.
4. Kryesia percakton rendin e punëve së Mbledhjes së ardhshme të Këshillit në një mbledhje që zhvillohet të paktën 10 dite pune para datës së Mbledhjes se Këshillit. Kryesia vendos me shumicën e votave për çështjet që do të vendosen në rendin e punëve të Mbledhjes.
5. Kryesia, mbikqyr dhe ndihmon mbarëvajtjen e veprimtarisë së komisioneve të përherershme dhe të përkohshme të Këshillit.
6. Kryesia, në konsultim përkatës, organizon marrëdhëniet me këshillat bashkiakë të tjerë, brenda dhe jashtë vendit.
7. Kryesia, në konsultim me kryesuesit e Grupeve të Këshilltarëve, përcakton Këshilltarët të cilët do të përfaqësojnë Këshillin në takimet me këshilla bashkiakë të tjerë, brenda dhe jashtë vendit dhe njofton Këshillin Bashkiak në mbledhjen e afërt të tij për emrat e këryre Këshilltarëve.

Neni 23

Lirimi dhe Shkarkimi nga Detyra i Kryetarit dhe Zëvendëskryetarit të Këshillit

1. Kryetari apo Zëvendëskryetari i Këshillit lironi nga detyra me vendim të Këshillit, kur jepin dorëheqjen të parevokueshme. Dorëheqja paraqitet me shkrim dhe i drejtobet Këshillit, dhe miratohet me votimin Pro të shumicës së thjeshtë të Këshilltarëve të pranishëm në mbledhje, dhe sipas procedurave të votimit të kësaj Rregulloreje.
2. Shkarkimi i Kryetarit dhe Zëvendëskryetarit të Këshillit bëhet në rastet ku ka bërë shkelje të rënda të Ligjit, dhe kësaj rregullore, për paaftësi në drejtimine punëve të Këshillit, sjellje e qëndrime që vijnë në kundërshtim me pozitën dhe figurën e Kryetarit dhe Zëvendëskryetarit të Këshillit, kur Kryetari i Këshillit nuk paraqitet pa shkak për të drejtuar tre (3) mbledhje radhazi të Këshillit, kur nuk zbaton vendimet e Këshillit për të cilat ai është ngarkuar t'i zbatojë, kur humb mbeshtetjen e shumicës së Këshillit Bashkiak.
3. Propozimi për shkarkimin e Kryetari dhe Zëvendëskryetarit bëhet nga të paktën një e treta (1/3) e anëtarëve të Këshillit⁴⁸. Propozimi paraqitet me shkrim dhe nënshkruhet nga të gjithë kërkuesit, duke dhënë edhe arsyet e propozimit. Mociioni për të shqyrtuar propozimin hidhet në votim dhe kur votojnë "Pro" shumica e Këshilltarëve, mociioni pranohet.

⁴⁸Ligji nr. 139, nen 56.

4. Kryetari i Këshillit nuk mund të drejtojë një Mbledhje kur çështja në shqyrtim është propozimi për sharkimin e Kryetarit të Këshillit. Në këtë rast Mbledhjen e drejton zevëndëskryetari që përfaqëson shumicë politike në Këshill, i cili/cila drejton debatin dhe procesin e votimi për propozimin.
5. Votimi për shkarkimin e Kryetari dhe Zëvëndëskryetarit bëhet i fshehtë. Kërkesa quhet e miratuar kur kanë votuar “Pro” kërkesës për shkarkim, jo më pak se shumica absolute e këshillit (50%+1 e të gjithë këshilltarëve).
6. Zëvëndëskryetari i Këshillit, që përfaqëson shumicën politike në Këshill, jo më vonë se 20 ditë pune nga dita kur vendi i Kryetarit të Këshillit mbetet bosh, thërret Mbledhjen e Këshillit për zgjedhjen e Kryetarit të ri të Këshillit. Nëse Mbledhja e Këshillit nuk thirret brenda këtij afati, Zëvëndëskryetari tjetër thërret mbledhjen e Këshillit, jo më vonë se 25 ditë pune nga dita kur vendi i Kryetarit të Këshillit mbetet bosh, dhe nësë as ky i fundit nuk e thërret mbledhjen brenda afatit, të drejtë për ta thirrur mbledhjen e kanë 1/3 Këshilltarëve, të cilët e thërrasin Mbledhjen jo më vonë se 30 ditë pune nga dita kur vendi i Kryetarit të Këshillit mbetet bosh.
7. Rregullat për lirimin dhe shkarkimin e Zëvëndëskryetarit janë të ngjashme me ato për Kryetarin e Këshillit.

Neni 24

Sekretari dhe Sekretariati i Këshillit Bashkiak

1. Këshilli i Bashkisë në veprimtarinë e tij mbështetet nga Sekretariati i Këshillit, i cili përbëhet nga Sekretari i Këshillit, dhenga 1 deri 3punonjës: jurist, financier, specialist i marrëdhënieve me publikunapo ndihmës për punët administrative të Këshillit dhe Sekretarit. Sekretariati është nën përgjegjësinë direkte të Këshillit Bashkiak, administrohet nga Sekretari i Këshillit dhe është nën autoritetin e mbikqyret drejtpërdrejt nga Kryetarit të Këshillit.
2. Punonjësit e Sekretariatit u ofrojnë Këshilltarëve Bashkiakë asistencë teknike, këshillim, kryesisht juridik e finansiar, për projekaktet e paraqitura Këshillit për shqyrtim si dhe për aspekte të tjera të veprimtarisë dhe vendimmarrjes së Këshillit Bashkiak.
3. Punonjësit e Sekretariatit janë nëpunës civilë dhe i nënshtrohen ligjit për shërbimin civil.
4. Këshilli, me propozim të Kryesisë së Këshillit miraton strukturën e Sekretariatit, dhe kriteret e përgjedhjes së punonjësve të Sekretariatit. Këshilli miraton një Komision për përgjedhjen e kandidaturave për pozicionet e punonjësve të Sekretariatit, komision i cili në përbërjen e tij ka Këshilltarë nga shumica dhe pakica e përfaqësuar në Këshill, duke garantuar përfaqësim në masën mbi 30 për qind për secilën gjini për të siguruar barazinë gjinore⁴⁹. Sekretari i Këshillit është anëtar i këtij komisioni.
5. Emërimi i punonjësve bëhet me vendim të Kryesisë së Këshillit, sipas propozimit të Komisionit të Vlerësimit.
6. Shpërblimi i punonjësve Sekretarit miratohet me vendim të Këshillit, duke u bazuar në skemën e pagave dhe shpërblimeve të punonjësve të administratës së Bashkisë.

⁴⁹Ligji nr. 9970/2008, nen 15/1b.

Neni 25

Kriteret për Emërimin e Sekretarit të Këshillit:

1. Kriteret minimale për emërimin e Sekretarit janë:
 - a. Të jetë banues në Bashkinë _____;
 - b. Të ketë përfunduar studimet bachelor dhe master (shkencor ose profesional) në shkencat shoqërore, e preferuar në drejtësi, ekonomi apo administrim publik;
 - c. Të ketë minimumi 5-10 vjet eksperiencë pune në fushat e lidhura me studimin e përfunduar dhe ne administrim publik;
 - d. Të ketë njohuri të prouvara, minimalisht, të:
 - Ligjit 139/2015 "Për vetëqeverisjen vendore";
 - Ligjit nr. 8548/ 1999 "Për Ratifikimin e Kartës Europiane të Autonomisë Vendore"
 - Ligjit nr. 44/2015 "Kodi i Procedurës Administrative i Republikës së Shqipërisë";
 - Ligjit nr. 68/2017 "Për Financat e vetëqeverisjes vendore";
 - Ligjit nr. 146/2014 "Për Njoftimin dhe Konsultimin Publik"
 - Ligjit nr. 119/2014 "Informimin Publik"
 - Ligjit nr. 9154 datë 06.11.2003 "Për Arkivat"
 - Ligjit nr. 107 datë 27.10.2016 "Për prefektin e Qarkut"
 - e. Të ketë aftësi shumë të mira menaxheriale, administrative, organizative, komunikimi dhe ndërpersonale;
 - f. Të mos jetë dënuar me burgim me vendim të formës së prerë, brenda apo jashtë territorit të Republikës së Shqipërisë, për kryerjen e veprimeve apo mosveprimeve që përbëjnë vepër penale, sipas përcaktimeve të bëra në Ligjin për garantimin e integritetit të personave që zgjidhen, emërohen ose ushtrojnë funksione publike.
 - g. Të zoterojë njohuri për programet MS Office;
 - h. Të tjera, sipas kërkesave të Këshillit.
2. Këshilli miraton kërkesat shtesë për kualifikimet e Sekretarit të cilat janë të detyrueshme për tu respektuar nga Kryetari gjatë procesit të përzgjedhjes së kandidaturave për t'i paraqitur në Këshill. Shpallja e vendit bosh të Sekretarit dhe kërkesat për kualifikimet e Sekretarit shpalen publisht nga Këshilli në faqen zyrtare të Bashkisë.

Neni 26

Emërimi, Lirimi dhe Shkarkimi i Sekretarit të Këshillit

1. Funksioni i Sekretarit është i papajtueshëm me:
 - o funksionin e Kryetarit, Zëvendëskryetarit apo Këshilltarit të Kryetarit të Bashkisë,
 - o funksionin e nëpunësit të administratës bashkiake dhe i institucioneve/ ndërmarrjeve të varësisë së Bashkisë;
 - o funksionin e deputetit e ministrit;
 - o funksione drejtuese në partitë politike;
 - o etj (sipas ligjit apo vendimit të Këshillit)
2. Sekretari nuk mund të jetë i lidhur me kryesuesit e lartë të bashkisë si ato politikë dhe të emëruar (kryetarin dhe zëvendëskryetarët bashkisë, kryetarin e këshillit të bashkisë, zëvendëskryetarët ose këshilltarët e këshillit bashkiak) si: bashkëshort, prindër ose fëmijë, vëlla, motër, vjehrri dhe vjehrëra e nuses dhe dhëndrit.

3. Sekretari emërohet me vendim të Këshillit Bashkiak, me propozim të Kryetarit të Këshillit. Kryetari i Këshillit propozon më shumë se një kandidat për Sekretar, që i përkasin të dy gjinive, dhe fitues shpallet kandidati që ka marrë shumicën e votave të të gjithë Këshilltarëve të Këshillit.
4. Sekretari lirohet me vendim të Këshillit, kur jep dorëheqjen të cilën e paraqet me shkrim dhe ia drejton Këshillit nëpërmjet Kryetarit.
5. Shkarkimin e Sekretarit mund ta kërkojnë të paktën 1/3 të gjithë Këshilltarëve apo çdo grup politik i Këshillit me më jo më pak se 7 këshilltarë⁵⁰.
6. Kërkesa me propozimin për shkarkimin e Sekretarit paraqitet me shkrim, e nënshkruar nga të gjithë kërkuesit dhe idrejtohet Këshillit nëpërmjet Kryetarit, dhe në propozim detajohen arsyet e propozimit dhe i bashkëngjiten dokumentet që mbështesin arsyet.
7. Nga mbledhja ku miratohet vendimi për shkarkimin e Sekretarit deri në momentin e emërimit të Sekretarit të ri, detyrat e Sekretarit i kryen nga një këshilltar bashkiak që miratohet me shumicën e të gjithë këshilltarëve, me propozim të Kryetarit të Këshillit.

Neni 27

Konferanca e Kryetarëve

- a. Konferanca e Kryetarëve është organ këshillimor dhe përbëhet nga kryetari dhe zëvendëskryetarët e këshillit, kryetarët e grupeve të këshilltarëve, dhe kryetarët e komisioneve të përhershëm, dhe drejtohet nga Kryetari i Këshillit.
- b. Në Konferencën e Kryetarëve mund të ftohet të marrë pjesë edhe Kryetari i Bashkisë.
- c. Konferanca e Kryetarëve diskuton dhe miraton propozimet e Kryetarit të Këshillit për programin e punës, kalendarin vjetor të punimeve të Këshillit dhe të komisioneve të tij, buxhetin, planin vjetor të vendimmarjes së këshillit, si dhe për çështje të zhvillimit të mbledhjeve të këshillit, për një periudhë një vjeçare, mbi bazën e propozimeve të kryetarit të këshillit, dhe kur kjo nuk realizohet, kryetari i këshillit i paraqet propozimet në mbledhjen e këshillit për shqyrtim e miratim, në përpunhje me këtë rregulllore.
- d. Propozimet mund të vijnë me shkrim edhe nga kryetari i bashkisë, kryesuesit e grupeve të këshilltarëve, Kryetarët e Komisioneve të Këshillit, të përfaqësuesve të grupeve të interesit, kryetarëve të fshatrave dhe ndërmjetësve të këshillave komunitarë, deputetët, kryesuesit e organeve të tjera qeveritare.
- e. Konferanca e kryetarëve mblidhet nga kryetari i këshillit, në raste kur kërkohet konsensus i këshilltarëve për ndërmarrjen e një veprimi të Këshillit apo në rast konfliktesh dhe mosmarrëveshjes mes këshilltarëve.
- f. Konferanca thirret nga kryetari i këshillit ose me kërkesën të një grupei këshilltarësh.
- g. Mbledhja e konferencës së kryetarëve, si rregull, mbahet çdo muaj.
- h. Në mbledhjet e Konferencës së Kryetarëve mbahen procesverbale të përbledhura, të cilat bëhen publike dhe u shpërndehen përfaqësuesve të medias ose personave të tjerë që shprehin interes.

Neni 28

Grupet Politike të Këshilltarëve

1. Këshilltarët mund të formojnë vetëm grupe politike këshilltarësh sipas përkatësisë partiake ose orientimit politik, me kusht që grupet të mos formohen mbi bazë interesash territoriale, etnike, fetare

⁵⁰Ligji nr. 139/2015, nen 57/1.

apo profesionale. Këshilltarët e zgjedhur nga e njëjtë listë zgjedhore, si rregull, formojnë një Grup Politik Këshilltarësh. Formimi i grupeve të këshilltarëve bëhet brenda 2 muajve nga konstituimi i Këshillit Bashkiak.

2. Numri minimal për formimin e një grupi politik është tre 3/5 Këshilltarë. Kur numri i këshilltarëve të një grupi këshilltarësh bie nën numrin e parashikuar më sipër, grupi pushon së ekzistuar. Një këshilltar mund të jetë anëtar vetëm i një grupi këshilltarësh. Formimi i grupeve të këshilltarëve bëhet brenda 2 muajve nga konstituimi i Këshillit Bashkiak.
3. Këshilltari që vendos të bëjë pjesë në një grup të ndryshëm nga ai ku është zgjedhur sipas listës zgjedhore, duhet t'a komunikojë këtë vendim kryetarit të këshillit, duke paraqitur edhe deklaratën me shkrim dhe të nënshkruar për pranim nga kryesuesi i grupeve të ri.
4. Grup i përzier i këshilltarëve mund të konstituohet me këshilltarë që vijnë nga lista zgjedhore me më pak se tre 3/5 kandidatë të zgjedhur ose Këshilltarë që janë larguar nga grupe të tjera Këshilltarës.
5. Një Këshilltar që largohet nga një grup këshilltarësh, mund t'i bashkohet një grupi tjetër këshilltarësh me paraqitjen me shkrim të kërkesës për largim. Kërkesa e këshilltarit për largimin nga një grup këshilltarësh apo dhe shkresa e pranimit të bashkimit me një grupi tjetër këshilltarësh i paraqitet kryetarit të grupeve të cili largohet dhe i njoftohet kryetarit të këshillit.
6. Çdo grup politik paraqet pranë Kryetarit të Këshillit listën më emrat e anëtarëve të grupeve të kryesuesit të grupeve të cili largohet dhe atë t'ë bashkë me listën e emrave, grupi i paraqet Kryetarit edhe një përbledhje të platformës politike të grupeve të cili largohet dhe përmendat 4 vjeçar.
7. Me njoftimin me shkrim nga Kryetari i Këshillit të emërtimit të grupeve të kryesuesit të grupeve të cili largohet dhe i anëtarësise së tij mbetet në fuqi deri në njoftimin e radhës së Kryetarit të Këshillit.
8. Miratimi i secilit grup dhe i anëtarësise së tij mbetet në fuqi deri në njoftimin e radhës së Kryetarit të Këshillit.
9. Njoftimi me shkrim për largimin e Këshilltarit nga një grup në tjetrin, i dërgohet nga Sekretari të gjithë Këshilltarëve.
10. Grupeve Politike shprehin qëndrimet politike në lidhjet me çështjet që shqyrton Këshilli dhe Komisionet e Përherëshme. Kryesuesi i grupeve të cili largohet dërgohet Këshillit, në emër të grupeve të cili largohet dërgohet Këshillit ka në shqyrtim.
11. Çdo grup këshilltarësh, në mbledhjen e tij të parë, zgjedh kryesinë e tij, kryetarin dhe një (1) zevëndëskryetar.
12. Për zgjedhjen e kryesisë, si dhe për çdo ndryshim të mëvonshëm të përbërjes së Grupeve të Këshilltarëve ose kryesive të tyre, vihet në dijeni me shkresë Kryetari i Këshillit nga kryetari i Gruppeve të Këshilltarëve
13. Pas mbledhjes se konstituimit të Këshillit, Kryetari i Këshillit zhvillon takim me kryetarët e grupeve të këshilltarëve me qëllim përcaktimin e vendeve të grupeve të këshilltarëve në sallën e Këshillit. Vendet e Këshilltarëve të secilit Grup Këshilltarësh përcaktohen nga kryetari i secilit grup.
14. Kryesuesi i grupeve të cili largohet dërgohet Këshillit, në emër të grupeve të cili largohet dërgohet Këshillit ka në shqyrtim.
15. Grupet Politike të Këshilltarëve marrin nisma përritjen e kapaciteteve të anëtarëve të grupeve të cili largohet dërgohet Këshillit, ushtrimin sa më të mirë të mandatit të këshilltarit.

Komisionet e Këshillit

1. Komisionet e Këshillit janë të Përherershëm ose të Përkohshëm dhe përbëhen nga këshilltarë bashkiakë.
2. Kryetari i Këshillit propozon numrin dhe emërtimin e Komisioneve të Përherershme të Këshillit në mbledhjen e dytë të Këshillit, në konsultim me partitë politike të përfaqësuara në Këshill.
3. Komisionet e Përherershme të Këshillit pasqyrojnë për aq sa është e mundur raportin shumicë-pakicë në Këshill.

Neni 30

Komisionet e Përherershme të Këshillit

1. Këshilli zgjedh nga anëtarësia e vet Komisionet e Përherershme të Këshillit.
2. Komisionet e Përherershëm të Këshillit janë komisione statutorë (të kërkuar nga ligji) dhe jo-statutorë. Komisionet statutorë janë Komision i Mandateve⁵¹ dhe Komision i Titujve të Nderit⁵². Komisionet e Përherershëm jo-statutorë janë komisionet që përcaktohen nga Këshilli Bashkiak sipas fushave të veprimtarisë së Bashkisë dhe prioriteteteve të Këshillit.
3. Objekt i punë së Komisioneve është diskutimi i projektave, rezolutave, deklaratave, politikave, dhe mbikqyrja e punës së Ekzekutivit të Bashkisë, të institucioneve, ndërmarrjeve dhe agjencive në vartësitë Bashkisë, sidhe marrja e informacionit, mendimeve të tyre, si dhe për të dëgjuar komentet, propozimeve, vërejtjett qytetarëve, shoqërisë civile dhe biznesit.

Neni 31

Ngritura dhe Përbërja e Komisioneve të Përherershëm

1. Emërtimi, numri dhe struktura dhe përbërja e Komisioneve të Përherershme propozohen nga kryetari i këshillit pas konsultimit me kryetarët e grupeve të këshilltarëve, dhe miratohen me votim të hapur me shumicën e votave të tij gjithë anëtarëve të Këshillit.⁵³ Emërtimi i Komisionit, si dhe numri i anëtarëve dhe përbërja e tij mund të ndryshohen nga Këshilli, por jo më heret se një vit nga miratimi i Komisionit nga Këshilli.
2. Komisionet kanë jo më pak se 3 anëtarë dhe kanë gjithmonë numër tek anëtarësh. Një Këshilltar nuk mund të jetë anëtar i më shumë se dy/ tre (2/3) Komisioneve të Përherershëm. Këshilli ndërmerr masa të veçanta të përkohshme për të arritur pjesëmarje të barabartë së gjinisë më pak të përfaqësuar në vendimmarrje⁵⁴.
3. Përbërja e Komisioneve të Përherershme, për aq sa është e mundur, pasqyron Grupet e Politike të Këshilltarëve, sipas përpjesëtimit që zënë në Këshill. Kryetari i Këshillit nuk mund të jetë anëtar i Komisioneve të Përherershme. Propozimet për kryetarët dhe anëtarët e Komisioneve të Përherershëm behen nga Grupet Politike të Këshilltarëve dhe miratohen nga Këshilli.
4. Këshilli bashkiak në mbledhje tij e dytë, pas krijimit të grupeve të Këshilltarëve, përcakton pozitën (referuar shumicës) dhe opozitën (referuar pakicës) politike brenda Këshillit Bashkiak. Në bazë të kësaj ndarjeje, dhe mbi bazën e propozimeve të grupeve të Këshilltarëve, zgjidhen anëtarët e Komisioneve të Përherershëm, bazuar në balancat politike dhe gjinore. Me vendim të Këshillit, pakicës

⁵¹ Ligji nr. 139/2015, nen 54.

⁵² Ligji nr. 112/2013.

⁵³ Ligji nr. 139/2015, nen 55/3.

⁵⁴ Ligji nr. 9970/2008, nen 8.

politike i lihet kryesimi i 1/3 së Komisioneve të Përhershëm. Aty ku kryetari i komisionit është i shumicës zevendëskryetari i Komisionit është i pakicës dhe anasjelltas.

5. Çdo komision zgjedh nga anëtarët e tij kryetarin dhe zëvendëskryetarin. Përcaktimi i përbërjes së kryesive të komisioneve të përhershme bëhet duke mbajtur parasysh përfaqësimin në to të Grupeve të Këshilltarëve, sipas përpjesëtimit që zënë në Këshill dhe balancës gjinore. Një Këshilltar nuk mund të jetë Kryetar i më shumë se një Komisioni të Përhershëm.
6. Zgjedhja Kryetarit dhe zëvendëskryetarit të Komisionit të Përshershëm bëhet duke respektuar kërkesat e ligjit për barazine gjinore. Një këshilltar nuk mund të jetë kryetar i më shumë se një Komisioni të Përhershëm.
7. Anëtarët e Komisioneve, së bashku me kryesitë e tyre, zgjidhen me votim të hapur nga Këshilli, me propozimin e Konferencës së Kryetarëve, duke u mbështetur në listat e kandidatëve të hartuara në marrëveshjen e Kryetarit të Këshillit me kryetarin e çdo Grupi të Këshilltarëve.
8. Këshilli mund të ndryshojë përbërjen e komisioneve të përhershme, duke ruajtur përpjesëtimin që zënë Grupet Këshilltarëve në Këshillin e Bashkisë. Për ndryshimin e numrit dhe të përbërjes së komisioneve synohet arritura e mirëkuptimit mes Grupeve të Këshilltarëve.
9. Këshilli me votim të hapur, me propozimin e Kryetarit, pas këshillimit me kryetarët e Grupeve të Këshilltarëve, cakton emrat e zëvendësuesve të anëtarëve të Komisioneve të Përhershme për secilin Grup të Këshilltarëve. Anëtarë i një komisioni, në rast mungese ose pamundësie për të marrë pjesë në mbledhje, zëvendësohet nga një prej anëtarëve të caktuar në vendimin e Këshillit. Zëvendësimi autorizohet me shkrim nga kryetari i çdo Grup të Këshilltarëve, duke përcaktuar edhe datat e zëvendësimit dhe i dorëzohet Kryetarit të Komisionit të Përhershëm. Zëvendësimi i një anëtarë të komisionit të përhershëm nuk mund të ndodhë më shumë se 4 herë gjatë një gjysmës së vitit të punës së Këshillit.
10. Këshilltari i ri, i cili zëvendëson një Këshilltar të larguar, si rregull është pjesë e Komisioneve të Këshillit ku ka qenë këshilltari i zëvendësuar.
11. Të gjitha vendet bosh të anëtarëve të Komisionit plotësohen brenda dy muajve, ndërsa vendet bosh të kryetarëve të Komisionit plotësohen brenda tre mujve nga njoftimi i vendit bosh, i bërë nga Kryetari i Këshillit. Komisioni i Mandateve dhe Rregullore dhe Zgjedhjeve është përgjegjës për propozimin për plotësimin e vendeve bosh, duke garantuar barazinë gjinore⁵⁵, propozime të cilat miratohen në mbledhjen e Këshillit.
12. Komisioni ka rregulloren e vet të punës e cila bazohet në dispozitat e kësaj Rregullore.

Neni 32

Anëtarët ex-officio të Komisioneve të Përhershëm

Anëtarët ex-officio të Komisioneve të Përhershëm janë të gjithë Këshilltarët jo anëtarë të Komisioneve të Përhershëm, dhe ato kanë të drejtë të marrin pjesë në të gjitha mbledhjet e Komisioneve të Përhershëm, ku kanë të drejtë të bëjnë pyetje e deklarata, por nuk kanë të drejtë vote..

Neni 33

Emërtimi i Komisioneve të Përhershëm

(Shënim: numri i Komisioneve është në varësi të numrit të Këshilltarëve)

Këshilli Bashkiak ka 14 Komisione të Përhershme të emëruara si më poshtë:

⁵⁵Ligji nr. 9970/2008, nen 15/Ib.

1. Komisioni i Mandateve, Rregulloreve, Çështjeve Juridike, Qeverisjes së Mirë, Administratës, Zgjedhjeve, Strukturave Komunitare
2. Komisioni i Etikës, Standarteve dhe Apelimeve
3. Komisioni i Financave, Buxhetit, Pasurive Bashkiake, dhe Planifikimit të Zhvillimit Strategjikë Bashkisë, Mbikqyrjes Financiare.
4. Komisioni i Shërbimeve Publike, Transportit, Lëvizshmërisë Mjedisore, Parqeve dhe Rekreacionit, Parkingjeve
5. Komisioni i Ekonomisë Vendore, Turizmit dhe Zhvillimit Rural
6. Komisioni i Zhvillimit Hapësinor, Infrastrukturës dhe Strehimit
7. Komisioni i Sigurisë Publike, Emergjencave Civile dhe Rehabilitimit
8. Komisioni i Mirëqënies Sociale, Rinisë, Barazisë Gjinore, Mosdiskriminimit, Drejtave të Njeriut
9. Komisioni i Shëndetësisë, Veterinarisë, Mjedisit dhe Mbrojtjes së Konsumatorit
10. Komisioni i Bujqësisë, Pyjeve, Menaxhimit të ujравe, Mbrojtjes së Mjedist dhe Biodiversitetit
11. Komisioni i Arsimit, Sporteve dhe Çlodhjës
12. Komisioni i Kulturës, Trashëgimisë Kulturore, Dhënes së Tituve, Emërtimeve
13. Komisioni i Qeverisë Elektronike dhe Teknologjisë së Informacionit
14. Komisioni për Marrëdhënjet me Jashtë dhe Integrimin European
etj sipas specifikave te Bashkisë

Neni 34

Funksionimi i Komisioneve të Përhershëm

1. Çdo çështje përpara se të shqyrtohet në mbledhjen e Këshillit, duhet të shqyrtohet më parë nga Komisioni e Përhershëm përkatës, i cili jep mendimin e tij në lidhje me çështjen. Mosparaqitja në mbledhjen e Komisionit të Përhershëm të projektakteve, rezolutave për shqyrtim paraprak është pengesë për ta kaluar çështjen për shqyrtim në mbledhjen e Këshillit
2. Kryetari i Këshillit cakton Komisionin që do të shqyrtojë një çështje të caktuar të rendit të ditës. Çështjet, përfshirë projektakin/ rezolutën/ deklaratën dhe relacionin përkatës si dhe mendimet e grupeve të interesuara apo shënimet nga konsultimet me publikun, i dërgohen Kryetarit të Komisionit me shkresë përcjellëse nga Kryetari i Këshillit jo më vonë sepse (5) ditë përparrë Mbledhjes së Këshillit.
3. Mbledha e Komisionit thirret nga Kryetari i Komisionit dhe i njoftohet anëtarëve të Komisionet nëpërmjet Sekretarit të Këshillit, i cili merr nga Kryetari i Komisionit rendin e punëve, datën, orën dhe vedin e mbajtjes së mbledhjes. Një kopje të njoftimit të çdo mbledhjeje të Komisioneve të Përhershëm, Sekretari ia dërgon Kryetarit të Këshillit, Kryetarit të Bashkisë dhe deputetëve të Qarkut, të cilët në çdo rast kanë të drejtë të marrin pjesë në mbledhjen e komisionit, por pa të drejtë vote. Kryetari i Komisionit në koordinim me Kryetarin e Bashkisë dhe pasi informon me shkrim Këshillin, ka të drejtë të thërrasë në çdo kohë Kryetarine Bashkisë, kryesuesit e institucioneve/ ndërmarrjeve në varësi të Bashkisë për të dhënë shpjegime dhe sqarime për probleme të fushave ku ata janë institucionalisht përgjegjës.
4. Mbledha e Komisionit është e vlefshme kur marrin pjesë shumica e të gjithë anëtarëve të Komisionit, dhe vendimet e Komisionet miratohen me shumicë e pjesëmarrësve. Mendimi i pakicës është pjesë e raportit që përgatit Komisioni për Këshillin.
5. Mbledhjet e Komisioneve pasqyrohen në procesverbalin e mbledhjeve të Komisionit, i cili mbahet nga Sekretari i Këshillit/ Komisionit. Në rast se Sekretari mungon, procesverbalin mbahet nga një anëtar i caktuar nga vetë Komisioni me miratimin e shumicës se anëtarëve të pranishëm në mbledhjen e Komisionit. Prosesverbalin i një mbledhje të hapur të Komisionit është i hapur për

publikun dhe publikohet në faqen e internetit zyrtare të Bashkisë, brenda _____ ditëve nga mbajtja e mbledhjes së Komisionit.

6. Mbledhja e Komisionit është e hapur për publikun, përveç rasteve kur sipas ligjit dhe kësaj Rregulloreje, mbledhja ose një pjesë e mbledhjes mbahet e mbyllur. Mbledhja e Komisionit apo një pjesë e saj mbahet e mbyllur me kërkesë të Kryetari i Bashkisë, dhe kur kjo miratohet nga shumica e anëtarëve të Komisionit që marrin pjesë në mbledhje, apo kur kjo propozohet nga një të pesta e anëtarëve të Komisionit të pranishë mbledhje.
7. Mbledhjet e Komisionit duhet të mbahen një ose disa herë në muaj, varësisht çështjeve në rendin e ditës së Mbledhjes së Këshillit.
8. Asnjë Komision i Përherershëm nuk mund të mbajë mbledhjen e tij në ditën që zhvillohet Mbledhja e Këshillit, përveç në rastin kurçështja që do të trajtohet nga mbledhja e Komisionit ështe një çështje që duhet me urgencë të diskutohet në mbledhjen e Këshillit të poasaj dite, si dhe kur në mbledhjene Komisionit marrin pjesë pjesë 2/3 e anëtarësisë.

Neni 35

Funkzionet dhe Detyrat e Komisioneve të Perherershëm

Komisionete Perherershëm kanë funksionet dhe detyrat si më poshtë:

1. Shqyrtojnë dhe raportojnë në Këshill mbi çështjet dhe projektaktet që i janë paraqitur për shqyrtim, raportim i cili bëhet me shkrim ose verbal, dhe në fund të mbledhjes së tij Komisioni duhet të shprehet me raport për pranimin e propozimit, ndryshimin e tij ose mospranimin.
2. Komisionet i paraqesin Këshillit raporte ose propozime për çështje që janë nën kompetencën e tyre ose kur një gjë e tillë u është kërkuar nga Këshilli. Raporti, përsa është e mundur, duhet të përbajë tregues të aspektit gjinor⁵⁶, dhefirmosen nga Kryetari i Komisionit.
3. Raportojnë përpëra Këshillit në rast se verifikojnë shkelje të akteve të Këshillit, raporton për ndryshimet e akteve që kanë lidhje me fushat e veprimtarisë se Komisionit.
4. Bejnë vlerësimet e efektivitetit të akteve në fuqi të Këshillit, të cilat duhet të përbajë tregues gjinor⁵⁷.
5. Ndjekin zbatimin e akteve të Këshillit dhe kontrollojnë veprimtarinë e administratës dhe agjencive në varësi të Bashkisë.
6. Propozojnë për miratim në Këshillit projekt-akteose projekt-rezoluta, të cilat duhet të përbajnëtregues gjinor⁵⁸.
7. Iniciojnë kryesisht, çështje/ propozime për shqyrtim në Këshilli, brenda fushës së tyre të përgjegjësisë, dhe sipas rregullave të përcaktaura në këtë rregullore. Për këtë Komisioni mund të mblidhet për një çështje të caktuar edhe kryesisht. Në këtë rast mbledhja thirret nga Kryetari ose zevendëskryetari i Komisionit, dhe njoftimi bëhet nga Sekretari i Komisionit. Për këtë mbledhje, njoftohet të paktën 3 ditë pune përpëra edhe Kryetari i Këshillit, dhe nëse kërcohët nga Komisioni, edhe Kryetari i Bashkisë.
8. Shqyrton dhe raporton mbi të gjitha kërkesat dhe çështjet e tjera të parashtruara ndaj Komisionit. Shqyrtimi dhe raportimi duhet të shoqërohen me një treguesgjinor⁵⁹.

⁵⁶ Ligji nr. 139/2015, nen 33/2b.

⁵⁷ Idem.

⁵⁸ Idem.

⁵⁹ Ligji nr. 139/2015, nen 33/2b.

9. Komisioni ka të drejtë të të dëgjojë dëshmi dhe të mbajë seanca dëgjimoreme ekzekutivin e bashkisë, kryesues të institucioneve apo ndërmarrjeve në varësi të Bashkisë, agjenci qeveritare jashtë Bashkisë, grupe interesit apo OJF për çështje të fushës që mbulon Komisioni. Seancat dëgjimore organizohen nën drejtimin e Sekretarit të Këshillit.
10. Ushtron mbikqyrje mbi administratën e Bashkisë dhe të Këshillin, si dhe mbi agjencitë/ institucionet dhe ndërmarrjet e varësisë së Bashkisë.
11. Nxisindhe mbështesinnismat qytetare.

Neni 36

Kontrolli nga Komisionet e Përherëshme i veprimtarisë së Administratës së Bashkisë.

1. Komisionet, brenda fushave përkatëse të përgjegjësisë ka të drejtë të kërkojë pjesëmarrjen në mbledhjen e Komisionit të Kryetarit të Bashkisë, Sekretarit të Përgjithshëm, drejtorëve të përgjithshëm dhe drejtorëve të administratës së Bashkisë, si dhe të kryesuesve të institucioneve / ndërmarrjeve/ agjencive në varësi të bashkisë, për të dhënë shpjegime, sqarime dhe informacione për çështje probleme të fushave ku ata janë individualisht përgjegjës dhe për çështje që kanë të bëjnë me aktet, politikat, strategjitet dhe planet e miratuar nga Këshilli. Shkresa për pjesëmarrje dërgohet nga Kryetari i Komisionit jo më vonë se _____ ditë para mbledhjes së Komisionit. Ftesa shoqërohet me pëershkrimin e çështjes për të cilën thirret, si dhe pyetjet apo të dhënat që kërkohen nga Komisioni.
2. Komisionet, brenda fushave përkatëse të përgjegjësisë, mund të kryejnë kontolle ose të kërkojnë dokumentacione që i konsiderojnë të nevojshme për shqyrtimin e një çështjeje të caktuar dhe në fushën e veprimtarisë së Komisionit. Në këtë rast Kryetari i Këshillit njoftohet me shkrim nga Kryetari i Komisionit. Në përfundim të kontrollit, Komisioni harton një raport, i cili përban një tregues gjinor⁶⁰, dhe i përcillet Kryetarit të Këshillit, i njoftohet të gjithë Këshilltarëve dhe bëhet i njojur publikisht, duke përfshirë edhe mendimin e pakicës.

Neni 37

Veprimitariae Komisioneve të Përherëshëm

1. Kur çështjet që sillen para Këshillit Bashkiak nëpërmjet një peticioni ose forme tjetër, lidhen me çdonjëren nga këto fusha, ato parashtrohen në Komisionin përkatës që është i ngarkuar trajtimi atyre çështjeve.
2. Komisioni i Përherëshëm më votim të shumicës së anëtarëve i rekomandon Këshillit: 1- kalimin e projektaktit / rezolutës në Mbledhjen e Këshillit për vlerësim të mëtejshëm dhe shqyrtim, 2- miratimin e projektaktit / rezolutës, 3- refuzimin e miratimit të projektaktit / rezolutës, 4- amendimi e projektaktit / rezolutës apo 5- propozimin për mbylljen e shqyrtimit të projektaktit / rezolutës. Pyetja së cilin rekomandim të mësipërm duhet të bëjë Komisioni, i shtrohet për vendim Komisionit.
3. Nëse shumica e anëtarëve të Komisioni mbështesin njërin nga pesë (5) propozimet e citura më sipër, projektakti/ rezoluta i përcjellet Këshillit për vendim, bashkë me raportin përkatës dhe rekomandin e miratuar. Komisioni i Përherëshëm duhet të hartoje një raport për rekomandimin që bën për secilin projektakt apo rezolutë që shqyrton, raport i cili duhet të përmbajë: (i) rekomandimin, (ii) të dhënat e votimit (iii) tekstin e cdo amendimi të propozuar, nëse ka.
4. Nëse shumica e anëtarëvë të Komisioni nuk votojnë për njërin nga pesëpropozimet e mësipërmë, vendimi për projektaktin/ rezolutën shtyhet për votim në mbledhjen e radhës së Komisionit, deri në miratimin e njërit nga propozimet. Nëse Komisioni nuk paraqet rekomandimin për projektakti/

⁶⁰Ligi nr. 139/2015, nen 33/2b.

rezolutën deri në mbledhjen e dytë radhazi, mbas asaj ku projektaktit / rezolutës ka qenë në rendin e ditës, në këtë Mbledhje Këshilli vendos, me votim Pro të shumicës së të gjitha Këshilltarëve, t'i heqë Komisionit të drejtën e shqyrtimi të një projekkti / rezolute, dhe ta shyrtojë vetë në mbledhjen Këshillit. Në këtë rast Këshilli nuk mund tja kalojë për shqyrtim projektakin apo çeshtjen një Komisioni tjetër të Përherdhëm.

5. Nëse një Komision i Përherdhëm rekomandon refuzimin e shqyrtimit në Këshill, e si pasojë mbylljen e shqyrtimit të çeshtjes, të një projekkti apo rezolute, cdo Këshilltar ka të drejtë të bëjë mocion për shqyrtimin e projekkti apo rezolute nga Këshilli me kusht që bërjen e mocionit ta mbështësin sëpaku pesë (5) Këshilltar, përfshirë mocionistin.
6. Kur përparrë Këshillit, nëpërmjet peticionit ose ndonjë forme tjetër, shtrohet një çeshtje që ka lidhje me dy a më shumë Komisione, Kryetari i Këshillit përcakton nëse ky rast do t'i paraqitet njërit nga komisionet apo një komisioni të përbashkët, i përbërë prej dy a më shumë komisionesh që lidhen më të, apo me një prej komisioneve të përherdhme dhe, në rastin e fundit, me atë me të cilin ka lidhje. Në çdo rast Kryetarët e Komisioneve raportojnë secili më vete në mbledhjen e Këshillit.
7. Kur një çeshtje i paraqitet Komisionit në një Mbledhje të Radhës ose Jashtë Radhe të Këshillit, Komisioni mblidhet dhe procedon me këtë çeshtje para mbledhjes tjetër të zakonshme (*të gjithë Këshillit*), duke raportuar mbi çeshtjen në këtë mbledhje dhe në çdo mbledhje pasardhëse derisa për çeshtjen të merret një vendim përfundimtar.
8. Në rast se mbledhja e Komisionit kërkohet nga të paktën 1/3 anëtarëve, por në asnjë rast më pak se dy anëtarë, Kryetari i Komisionit të Përherdhëm, brenda dy ditësh nga paraqitja e kërkesës me shkrim tek Sekretari nga të paktën 1/3 e këtij komisionit, thérret mbledhjen e Komisionit.
9. Në rast se Kryetari i Komisionit nuk thérret mbledhje, anëtarët që kanë bërë kërkesën mund të thërrasin një mbledhje të Komisionit. Në këtë rast grapi i anëtarëve që ka këruar mbajtjen e mbledhjes vendos për këshilltarin që do të kryesojë mbledhjen. Këshilltar që kryeson listën e kërkuesve njofton Sekretarin për datën, orën dhe vendin e mbajtjes së mbledhjes në mënyrë që ky i fundit të mbajë procesverbalin e mbledhjes. Në rast se Sekretari nuk është i pranishëm në mbledhje, procesverbalin e mbledhjes e mban njëri nga këshilltarët që vendos mbledhja.
10. Komisionet e Përherdhme mund t'i paraqesin Këshillit raporte ose propozime për çeshtje që janë në kompetencën e tyre ose kur një gjë e tillë u është këruar nga Këshilli.
11. Rregullat për Mbledhjen e Këshillit, për aq sa është e mundur, do të zbatohen edhe për mbledhjet e Komisioneve të Përherdhëm.

Neni 38

Pjesmarrja dhe Largimi i Këshilltarit nga Komisioni i Përherdhëm

1. Këshilltarët marrin pjesë të të gjitha mbledhjet e Komisionit ku janë anëtarë. Është përgjegjësi e secilit anëtar të Komisionit të ndjekë të gjitha takimet e Komisionit ku bën pjesë, dhe të japë ndihmën e tij për çeshtjet që shqyrtohen.
2. Në rast të pamundësisë për të marrë pjesë në mbledhjen e Komisionit, Këshilltar njofton Kryetarin e Komisionit dhe Sekretarin e Këshillit, dhe i paraqet arsyes e mospjesëmarres. Nëse një Këshilltar nuk merr pjesë më shumë se gjashtë (6) herë radhazi brenda një viti në mbledhjet e Komisionit, Kryetari i Komisionit i propozon Kryetarit të Këshillit shkarkimin e Këshilltarit si anëtar i Komisioni, dhe kjo vendoset nga Këshilli në mbledhjen më të parë të Këshillit që nga depozitimi i propozimit. Këshilltar në të njejtën mbledhje zëvëndësohet nga një Këshilltar tjetër i po të njëjtës parti politike, nëse kjo është e mundur, në të kundërt zëvëndësohet nga një Këshilltar tjetër.

Propozimi për largimin e Këshilltarit nga Komision mund ta paraqesë edhe 1/3 e anëtarëve të Komisionit.

3. Çdo mungesë në mbledhjet e Komisionit i njoftohet Kryetarit të Komisionit, me arsyet përkatëse, në të kundërt mungesa konsiderohet mosrespektim i detyrimeve të Këshilltarit dhe regjistrohet si mungesë pa arsy. Në çdo rast Këshilltari i larguar ka të drejtë të kërkojë nga Këshilli miratimin e anëtarësisë në komision nga ku është larguar, por jo më herët së gjashtë muaj nga vendimi i Këshillit për largimin e Këshilltarit

Neni 39

Detyrat e Kryetarit, Zëvendëskryetarit dhe Sekretarit të komisionit të përhershëm

- a. Kryetari i komisionit përfaqëson komisionin, organizon dhe drejton mbledhjet e komisionit, mban lidhje me organet e tjera të Këshillit, si dhe siguron respektimin e procedurave, sipas kësaj Rregulloreje.
- b. Kryetari i Komisionit ka të drejtë të ftojë për të dëshmuar, si dhe thérret seanca dëgjimore me ekzeskutivin e bashkisë, titullarët e institucioneve apo drejtuesit e ndërmarrjeve në varësi të Bashkisë, agjenci qeveritare jashtë Bashkisë, grupe interesit apo OFJ për çështje të fushës së mbulon Komisioni. Seancat dëgjimore organizohen me mbështetjen e Sekretarit të Këshillit.
- c. Kryetari i Komisionit firmos raportet e Komisioni në lidhje me projektaktet/ rezolutat/deklarata dhe ja përcjell Mbledhjes së Këshillit, nëpërmjet Sekretarit të Këshillit.
- d. Zëvendëskryetarit i Komisionit drejton mbledhjet e Komisionit mbas autorizimit të bërë me shkrim nga Kryetari, autorizim i cili shoqëron dokumentacionin e mbledhjes së Komisionit.
- e. Sekretari i Komisionit mban procesverbalin e mbledhjes së Komisionit.
- f. Zëvendëskrytar zëvendëson kryetarin në rastet e mungesës së tij ose kur ai nuk ka mundësi të kryejë detyrat.
- g. Sekretari verifikon rezultatin e votimit në komision dhe kontrollon e nënshkruan bashkë me kryetarin e komisionit proces-verbalin e mbajtur në mbledhjen e komisionit.

Neni 40

Komision i Financës, Buxhetit dhe Zhvillimit Strategjik të Bashkisë

1. Komisioni i Financës, Buxhetit dhe Zhvillimit Strategjik përbëhet nga të paktën nga 5 Këshilltarë që përfaqësojnë të gjithë grupet politike të Këshillit. Përbërja e komisionit duhet të reflektojë përfaqësimin e partive dhe kualacioneve politike në Këshill, si dhe duhet të respektojë kërkesat për barazonë gjinore⁶¹. Komisioni funksionon gjatë gjithë periudhës së mandatit të Këshillit.
2. Kryetari i Komisionit i përket grapi politik të këshilltarëve të shumicës politike në Këshill dhe preferohet të këtë arsimim në fushën e financave dhe/apo të ekonomisë.
3. Komisioni është përgjegjës për shqyrtimin e të gjitha politikave strategjike zhvillimore, buxhetin afatmesëm dhe atij vjetorsi të ndryshimeve të tyre, paketën fiskale dhe ndryshimet e saj⁶², dokumentet e planifikimin strategjik⁶³, planin vjetor të prokurimit, planin strategjik dhe vjetor të punës për auditimin e brendshëm⁶⁴, si dhe raportin vjetor të veprimtarisë së njësisë së auditimit të

⁶¹ Ligji nr. 9970/2008, nen 15 1a/1b.

⁶² Ligji nr. 139/2015, nen 54.

⁶³ Ligji nr. 68/2017, nen 32/1.

⁶⁴ Ligji nr. 68/2017, nen 49/1.

brëndshëm⁶⁵, raportet e auditimit të jashtëm të realizuara nga Kontrolli i Lartë i Shtetit ose auditues të tjerë ligjorë⁶⁶, tre raportet katërmujore të monitorimit të zbatimit të buxhetit të paraqitura nga Kryetari i Bashkisë⁶⁷, raportin vjetor të zbatimit të buxhetit të Bashkisë⁶⁸, raportin për zbatimin e dokumentit të zhvillimit strategjik të Bashkisë⁶⁹, çështje e manaxhimit të riskut, çështjet e vështirësive financiare të Bashkisë te të falimentimit, raportet e auditimit të brëndshëm dhe të jashtëm, raportin vjetor të performancës së Bashkisë të paraqitur nga Kryetari i Bashkisë⁷⁰, standartet e menaxhimit financiar, informacionin në lidhje me transferimin dhe asgjësimin e aktiveve të trupëzuara si pjesë e dokumentit të buxhetit dhe e raportit vjetor të zbatimit të buxhetit⁷¹, planin për daljen nga situata e vështirë financiare dhe alternativat përkatëse⁷², pagat e shpenzimet e tjera për punonjësit e bashkisë⁷³, dhe si dhe raporte dhe dokumente të tjera tëzhvillimore që i lihen detyrë nga Këshilli të shqyrtohen në këtë Komision.

4. Komisioni kontrollon të ardhurat dhe shpenzimet e kryera nga Kryetari i Bashkisë dhe Administrata e Bashkisë në përputhje me buxhetin e miratuar nga Këshilli
5. Komisioni i raporton Këshillit përfundimet që dalin nga kontrollet e ushtruara dhe bën rekomandimet dhe propozimet përkatëse. Raportet duhet të përfshijnë tregues financiarë të shpenzimeve për politikat që mbështesin barazinë gjinore ndaj shpenzimeve të përgjithshme⁷⁴.
6. Kryetari i Bashkisë i raporton Komisionit në mënyrë periodike gjatë vitit dhe i dorëzon atij një kopje të dokumentacionit kontabël dhe financiar përkatës. Treguesit financiarë duhet të përfshijnë shpenzime për politikat që mbështesin barazinë gjinore ndaj shpenzimeve të përgjithshme⁷⁵.
7. Komisioni i Financave, ka të drejtë të kërkojë auditim të jashtëm të llogarive të Bashkisë me ekspertë kontabël të autorizuar, kur gjykon se është e nevojshme.

Neni 41

Komisioni i Mandateve, Rregulloreve, Çështjeve Ligjore dhe Administrative

1. Komisioni i Mandateve përbëhet nga pesë (5) Këshilltarë, tre nga shumica dhe dy nga pakica dhe ngrihet me vendim të Këshillit Bashkiak kur votojnë "Pro" shumica e Këshilltarëve. Në përcaktimin e përbërjes së Komisionit respektohen kërkesat e barazisë gjinore.⁷⁶. Propozimet për anatarët e Komisionit të Mandateve bëhen nga kryetarët e Grupeve të Këshilltarëve të cilët ia paraqesin Kryetarin e Këshillit.

Neni 42

Komisioni i Përkohshëm

1. Komisionete Përkohshëm krijohen nga Këshilli për një çështje të caktuar.

⁶⁵ Ligji nr. 68/2017, neni 49/3.

⁶⁶ Ligji nr. 68/2017, neni 50/2.

⁶⁷ Ligji nr. 68/2017, neni 48/1.

⁶⁸ Ligji nr. 139/2015, neni 44.

⁶⁹ Ligji nr. 68/2017, neni 48/2.

⁷⁰ Ligji nr. 68/2017, neni 51/3/a.

⁷¹ Ligji nr. 68/2017, neni 52/3.

⁷² Ligji nr. 68/2017, neni 56.

⁷³ Ligji nr. 139/2015.

⁷⁴ Ligji nr. 68/2017, neni 54/2c.

⁷⁵ Ligji nr. 68/2017, neni 54/2c.

⁷⁶ Ligji nr. 9970/2008, neni 15/1a/1b.

- Këshilli miraton me vendim emrin, qëllimin, afatin kohor të funksionimit të tij dhe përbërjen e Komisionit dhe zgjedh Kryetarin e tij.
- Mënyra e krijimit dhe funksionimit të Komisionit të Përkoħshem bëhet njëloj si me Komisionin e Pérhershém.

Neni 43

Komision i Pérzier

- Komision i Pérzier ẽstë komision i pérhershém apo pérkoħshém i përbërë nga anëtarë dhe jo anëtarë të Këshillit që krijoħet nga Këshilli si organizēm këshillimor dhe mbikqyrés dhe ngrihet pér një cështje të caktuar, dhe pushon së funksionuari me përfundimin e cështjes pér tē cilēn ẽstë ngritur.
- Komisioni ka minimumi 7 anëtarë të cilēt janē Këshilltarë si dhe ekspertë të fushës, përfaqësues të OJFve apo grupeve të interesit, ndermjetës të Këshillave komunitarë, kryetarë fshatash (apo tē tjerë sipas përcaktimeve të Këshillit). Këshilli ndermerr masa pér tē arritur pjesemarrje të barabartë së gjinisë më pak tē përfaqësuar në anëtarësinë e tij⁷⁷.
- Propozimi pér ngritjen e Komisionit bëhet nga Kryetari i Këshillit, çdo Këshilltar dhe Grup Politik Këshilltaresh dhe dy a më shume OJF vendore që ushtrojnë veprimtarinë në territorin e Bashkisë.
- Vendimi pér ngritje e Komisionit merret me shumicën e votave tē Këshilltarëve të pranishën në Mbledhjen e Këshillit.
- Në tē gjitha rastet kur Këshilli ngren Komision tē Pérzier, pérshkruan në vendimin e tij: qëllimin dhe objektivat e komisionit, funksionet specifike, organizimin, cështjen, përbërjen, numrin dhe procedurat e emerimin e anëtarëve, mandatin, funksionet, përgjegjësitë dhe detyrat, organizimin, kompensimin, si dhe plotësimi i vendeve tē lira.
- Komisionet raportojnë dhe japin llogari para Këshillit dhe janē tē tē ndjeshém ndaj nevojave dhe dëshirave tē publikut.

Neni 44

Komision i Apelimit, i Etikës dhe Konfliktit të Interesit

- Komision i Apelimit trajton cështje qe kanë tē bëjnë me etikën dhe konfliktin e interest si dhe me masat disiplinore tē ndërmarra ndaj Këshilltarëve, ankesat e publikut ndaj Këshillit dhe sjelljes së Këshilltarëve, stafit tē Këshillit dhe stafit tē Bashkisë, ankesa ndaj sjelles së policië bashkiak, kryetarëve e kryesisë së fshatrave, administratorëve tē njësive administrative, ndërlidhësve komunitarë dhe anëtarëve tē këshillit komunitar (etj sipas vendimit tē Këshillit).
- Komisioni ẽstë një komision i pérzier dhe përböhët nga Këshilltarë dhe Qytetarë.
- Komisioni përböhët nga 7 anëtarë (Bashkitë e vogla 5 anëtarë) dhe ndermerr masa pér tē arritur pjesemarrje tē barabartë së gjinisë më pak tē përfaqësuar në anëtarësinë e tij.⁷⁸

⁷⁷Ligji nr. 139/2015, nenii 54.

⁷⁸Ligji nr. 9970/2008, nenii 8.

Neni 45

Komision i të gjithëve

1. Komision i të gjithëve ka anëtarësinë e të gjithë Këshilltarëve, por që mbledhja e tij nuk përbën mbledhje zyrtare të Këshillit Bashkiak. Komisioni drejtohet nga Kryetari i Këshillit, dhe në mungesë të tijnga zëvendëskryetari i Këshillit.
2. Kryetari mund të thërrasë, në çdo kohë, Komisionin e të Gjithëve dhe do t'i sigurojë se cilët Këshilltar dhe publikut njoftimin për një mbledhje të tillë së bashku me një program të atyre çështjeve që do të merren në shqyrtim nga Komisioni. Kur Këshilli mblidhet si Komision i të Gjithë, Kryetari i Këshillit do të jetë Kryetari i këtij Komisionit.
3. Komisioni thërret në interpelancë Kryetarin e Bashkisë apo cdo tituallar të institucioneve apo drejtues të ndërmarrjeve në varësi të Bashkisë.
4. Komisioni thirret nga Kryetari i Këshillit dhe mblidhet cdo tre muaj. Mbledhja e Komisionit është e hapur per publikun dhe median, përvèc rasteve mbledhje apo një pjesë e saj mbahet e myllur sipas dispozitave ligjore në fuqi dhe dispozitave të kësaj Rregullore.
5. Këshilltarët e Komisionit, nëpermjet Kryetarit të Këshillit, kanë të drejtë ti drejtojnë me shkrim pyetje Kryetari të Bashkisë apo titullarëve të institucioneve apo drejesve të ndërmarrjeve në varësi të Bashkisë, sëpaku pesë (5) ditë pune para mbledhjes së Komisionit. Kryetari apo titullarëve të institucioneve apo drejesve të ndërmarrjeve kanë të drejtë që një pjesë të pyetjeve të mos i përgjigjen në mbledhje e Komisionit por t'i dergoje përgjegjet me shkrim, por në cdo rast kanë detyrimin ti përgjigjne të gjitha pyetjeve jo më vonë se dy muaj nga dergimi zyrtar i pyetjeve.

Neni 46

Komititet e Bordet Këshillimorë të Këshillit

1. Këshilli ka të drejtë të krijojë komitete dhe borde për kryerjen e funksioneve të veçanta sa herë që paraqitet nevoja. Komitetet / Bordet themelohen nga Këshilli mbi bazë të të drejtës së qytetarëve për të marrë pjesë në procesin e politikë-bërjes dhe vendimmarrjes së qeverisjen bashkiake⁷⁹. Këshilli mund të vendlës që një pjesë të vendeve të Komiteve/ Borde ti përcaktojë Kryetari i Bashkisë.
2. Komitetet / Bordet janë organe ndihmëse dhe këshilluese të Këshillit, dhe kanë si qëllim rritjen e efektshmërisë, efikasitetit dhe përgjëgjshmërisë së qeverisjes bashkiake
3. Komitetet / Bordet ofrojnë këshilla, reagime, propozime dhe vërejtje për çështje që kanë të bëjnë me zhvillimin shoqërore, ekonomik, mjedisor, kulturore e teknologjik të Bashkisë. Mbledhjet e Komitetit/ Bordit regjistrohen në proceverbalin e mbledhjes, si dhe ushtrojnë funksione të tjera sipas përcaktimeve të vetë Këshillit.
4. Komiteti /Bordi merret me studimi i çështjeve kritike, marja e dëshmisë publike, kryerjen e hulumtimit të pavarur dhe rishikimi i raporteve dhe rekomandimeve të ekzekutivit të Bashkisë. Rekomandimet e Komitetit / Bordit një i përcillen Këshillit për veprim ose rishikim.
5. Anëtarë të Komiteteve/ Bordeve janë banorë të Bashkisë, e të cilët përfaqësojnë bashkësinë, shqipërinë civile, biznesin, OFJ, median dhe akademinë, duke respektuar ligjin për barazinë gjinor. Një anëtar i Komitetit /Bordit nuk mund të jetë anëtar i më shumë se një Komiteti/ Bordi në të njëjtën kohë. Këshilltarët, Kryetari dhe punonjësit administratës së Bashkisë, si dhe titullarët e punonjësit e agjencive, institucioneve dhe ndërmarrjeve në varësi të Bashkisë, nuk mund të janë anëtarë të Komiteteve/Bordeve.

⁷⁹ Ligji 139/2015, neni 16/1.

6. Komitetet / Bordet ngrihen me akt apo resolutë të Këshillit dhe përfundojnë mandatin e tyre nëse përbushin qëllimin apo nëse shpërndahen më votimin “Pro” të shumicës së votave të Këshillit.
7. Në vendimin e themelimit të Komitetit/ Bordit, Këshilli përcakton:
 - qëllimi dhe funksioni i bordit, bashkë me qëllime specifike për të ofruar një drejtim
 - kualifikimet e anëtarëve
 - procedurat për rekrutimin e anëtarëve të bordit
 - numri i anëtarëve dhe procedura e emërimit
 - kohëzgjatja e emërimit dhe mënyra e heqjes ose zëvendësimit të anëtarit
 - procesi i përzgjedhjes dhe kriteret e përzgjedhjes
 - plotësimin e vendeve bosh
 - organizimin e brendshëm;
 - rregullat për ndërveprimi me administratën e Bashkisë;
 - rregullat për mbajtjen e procesverbalit të mbledhjes;
 - rregullat për trajtimin e kërkesave;
 - element të etikën së anëtarëve të Komitetit/ Bordit
 - pajtueshmëria me ligjin për të drejtën e informit dhe takimeve hapura me publikun
 - procedurat për zhvillimin e takimeve dhe orareve të takimeve
 - marrja e ndihmës administrative nga Ekzekutivi i Bashkisë
 - kërkesat e raportimit
 - procesi i vlerësimit
8. Komiteti / Bordi therritet n mbledhje sa herë e gjykon të nevojshme Kryetari i Komitetit/Bordit dhe sipas çështjeve për të trajtuar. Ftesa për mbledhjen përmban datën, orën, vendin dhe rendin e ditës, dhe njoftimi bëhet sëpaku 7 ditë para mbledhjes.
9. Komiteti/ Bordi deri në fund të muaji Mars raporton për veprimtarinë dhe rezultatet e punës vjetore, dhe raportin i përcillet Këshillit me nënshkrimin e kryetari të Komitetit/ Bordit.
10. Komiteti mban 4 mbledhje në vit, të cilat thirren nga kryetari i komitetit. Anëtari e Komitetit shpërblehet çdo katër muaj për punën në Komitet, por jo me shumë se për 4 mbledhje dhe jo në proporcion me shpëblimit të Këshilltarevë Bashkiakë.
11. Këshilli publikon një formular aplikimi për qytetarët që të aplikojnë për anëtare të Komitetit/ Bordit. Një qytetar apo një përfaqësues i një organizate mund të marrë pjesë vetëm në një Komitet/ Bordi, brenda një viti.
12. Sekretari i Këshillit ngren dhe mirëmban regjistrin e emërimeve në Komite/ Borde të qytetarëve, si dhe verifikon dhe njofton Kryetarin e Keshillit për mbarimit e mandatit të Komitetit/ Bordit, apo mandatin e anëtarit të Komitetit/ Bordit. Sekretari shpall ne faqen e internetit zyrtare të Këshillit dhe në vendet e tjera të përcaktura për shpallje të njoftimeve të Këshillit, vendet bosh në Komite/ Borde, dhe fron qytetarët të aplikojnë për plotësimine tyre.
13. Çdo Komitet/ Bord i miratuar nga Këshilli ka ndërfaqen e vete në faqen zyrtare të internetit të Bashkisë. Mbledhjet e Komitetit/ Bordit janë të hapura për publikun. Njoftimi për mbledhjen dhe rendi i punëve bëhet publik në ndërfaqen e internetit të Komitetit/ Bordit. Në mbledhjen e Komitetit/ Bordit merr pjesë sëpaku një antar i Këshillit i cili/a është anëtar i Komisionit të Përherëshëm që mbulon fushën e aktivitetit të Komitetit/ Bordit.
14. Anëtarët e Komiteteve/ Bordeve Këshilluese do të shërbejnë me apo pa shpërblim / kompensim, sipas vendimit të Këshillit. Anëtarët do të paguhën për shpenzimet e autorizuara të udhëtimit, që lidhen me shërbimin si anëtar i Komitetit/ Bordit, të cilat autorizohen nga Kryetari i Këshillit apo

me rezolutë të Këshillit Bashkiak, dhe në çdo rast anëtar duhet të kërkojnë autorizim paraprak për çdo shpenzim të propozuar.

Neni 47

Largimi i Anëtarit të Komitetit / Bordit

1. Shkarkimi i anëtarëve të Komitetit/ Bordit bëhen nga Këshilli. Propozimin për shkarkimin për anëtarët e bën kryetari i Komitetit, ndërsa propozimi për shkarkimin e kryetarit të Komitetit e bën Kryetari i Këshillit, çdo kryetari Grupit Politik të Këshilltarëve apo 1/3 të anëtarëve të Komitetit, këta të fundit propozimin ia dërgojnë Kryetarit të Këshillit. Shkarkimi miratohet me shumicën e vota të Këshilltarëve të pranishëm në Mbledhjen e Këshillit.
2. Tre mungesa të njëpasnjëshme në mbledhjet e Komitetit/ Bordit, duke përjashtuar sëmundjen ose udhëtimin e këruara nga vetë Këshilli apo Komitetit Bordi, do të konsiderohen dorëheqje e anëtarit, nëse para mungesës së tretë, anëtar nuk ka këruar, dhe i është dhënë, leje nga Kryetari i Komitetit/ Bordit për mungesën.
3. Një anëtar i Komitetit / Bordit mund të largohen si anëtarë të Komitetit/ Bordit, para përfundimit të mandatit, kur jep dorëheqjen apo kur largohet me shumicën e votave të Këshillit Bashkiak
4. Të gjithë anëtarët e Komiteteve/ Bordeve duhet tëjenë të vetëdijshëm për nevojën për të shbangur konfliktin e interesit gjatë ushtrimit të detyrës si anëtar i Komitetit/ Bordit. Asnjë individ nuk duhet të përdorë pozicionin eanëtarit të Komitetit/ Bordit për të fituar një avantazh apo përfitim personal.

Neni 48

Komunikimi i Komitetit/ Bordit me Këshillin Bashkiak

1. Pozicioni, rekomandimi ose kërkesa e Komitetit/ Bordit për ndonjë veprim të Këshillit duhet të jetë në formën e një rezolute, mocioni, ose komunikim tjetër në formë të shkruar, duke parashtruar arsyet, faktet, politikat dhe / ose gjetjet e Komitetit/ Bordit që mbështesin komunikimin drejtuar Këshillit.
2. Komunikimet e Komitetit / Bordit me Këshillin Bashkiak pranohen nga Kryetari/ Kryesuesi i Mbledhjes, i cili do deklaron: "Komunikimi i Komitetit.. Bordit u mbajt shënim në proces-verbalin e mbledhjes". Nëse ndonjë anëtar i Këshillit kërkon që Këshilli i duhet përgjigjur zyrtarisht komunikimit të Komitetit /Bordit, Kryetari/ Kryesuesi i Mbledhjes e propozon shqyrtimin ekësaj çështje në rendin e ditës, si pikë shtesë në atë Mbledhje, apo shqyrtimin e saj në Mbledhjen e radhës.
3. Komunikimet e Komitetit / Bordit nuk mund të bëhen para publikut apo para agjencive të tjera qeveritare apo jo qeveritare.
4. Këshilli bën një rishikim dhe vlerësim çdo dy vjet për Komitetin/ Bordin për të gjykuar nëse Komiteti/ Bordi po funksionon sipas kërkesave të vendimit të Këshillit.

Neni 49

Komiteti këshillimor për dhënien e medaljeve dhe titujve vendorë të nderit⁸⁰

1. Këshilli ngre 'Komititin Këshillimor për Dhënien e Medaljeve dhe Titujve Vendorë të Nderit'⁸¹ Komisioni përbëhet nga pesë (5) anëtare, nga të cilët 3 anëtarë janë Këshilltarë dhe 2 anëtarët e tjere

⁸⁰Ligji nr. 112/2013 "Për dekoratat, titujt e nderit, medaljet dhe titujt vendorë të nderit"; VKM nr. 861 date 10.02.2014 "Për miratimin e rregullave të hollësishme për funksionimin e komisioneve këshillimore për dhënjen e titujve vendorë të nderit

⁸¹ Ligji nr. 112/2013, nen 7.

personalitete nga jashtë qeverisë bashkiake. Dy anëtarët nga Këshilli Bashkiak i përkasin respektivisht shumicës dhe pakicës politike në Këshill.

2. Këshilli miraton kriteret e përgjedhjes së dy antëtarëve nga komitetit, për të cilët në çdo rast do të votohet me votim të fshehtë dhe për më shumë se një kandidat për secilin pozicion. Votimi për anëtarët bëhet me shumicën e votave “Pro” të anëtarëve të pranishëm në Mbledhjen e Këshillit.
3. Të drejtën për të propozuar dhënjen etitullit vendorë të nderit “Qytetar nderi i Bashkisë_____” e ka çdo Këshilltar Bashkiak dhe Kryetari i Bashkisë⁸², si dhe deputetë, OFJ, grupe të komunitetit.
4. Propozimi duhet të dërgohet Këshillit jo më vonë se 90 ditë kalendarike përpëra datës së propozuar për dhënien e medaljes ose titullit vendor të nderit, me përashtim të rasteve të veçanta kur respektimi i këtij afati është bërë objektivisht i pamundur. Kryetarit të Këshillit nëpërmjet Sekretarit, ja përcjell propozimin Komitetit të titujve vendore të nderit.
5. Komiteti këshillimor verifikon nëse propozimi përbën të gjitha elementet e kërkua nga Ligji, si:
 - a. emri, mbiemri dhe prezantimi i personit të propozuar;
 - b. arsyet e hollësishme që çojnë në propozimin e personit;
 - c) lloji i dekoratës, titullit të nderit, medaljes ose titullit vendor të nderit;
 - c. elementet që vërtetojnë përbushjen e kritereve përkatëse për dhënien e dekoratës, titullit të nderit, medaljes ose titullit vendor të nderit;
 - d. vërtetimi se personi i propozuar nuk është dënuar ndonjëherë për shkelje të rënda të Ligjit ose nuk është nën hetim;
 - e. në rastin e dekoratave, vërtetimi se personit të propozuar nuk i është dhënë më parë një dekoratë e njëjtë ose më e lartë se ajo e propozuar.
6. Komiteti këshillimor shqyrton nëse propozimi është bërë sipas procedurës së kërkuar nga Ligji nr. 112/2013, neni 19. Nëse propozimi nuk është i plotë, Komiteti këshillimor kërkon me shkrim, brenda 15 ditëve kalendarike nga data e marrjes së propozimit, plotësimin e tij nga autoriteti propozues. Plotësimi i propozimit bëhet jo më vonë se 15 ditë kalendarike nga data e marrjes së njoftimit. Nëse propozimi është i plotë, Komisioni Këshillimor paraqet mendimin e tij pranë Këshillit Bashkiak brenda 30 ditëve nga data e marrjes së propozimit.
7. Procedurat për shqyrtimin e dhënies së një dekoratë, medaljeje ose titulli nderi nuk mund të zgjasin më shumë se 60 ditë kalendarike. Procesi i shqyrtimit të propozimit mund të shtyhet apo të pezullohet përkohësisht për rrethana të paparashikuara, që dëmtojnë reputacionin dhe vlerën e medaljes ose titullit vendor të nderit në opinionin publik, deri në sqarimin e këtyre rrethanave. Në rast se propozimi miratohet, vendimi i dërgohet Komisionit Këshillimor, me qëllim përgatitjen e medaljeve, rrathëve të argjendta dhe certifikatave përkatëse. Pas përgatitjes së medaljeve, rrathëve të argjendta dhe certifikatave përkatëse, Komiteti Këshillimor njofton autoritetin propozues për miratimin e propozimit dhe njofton për organizimin e ceremonisë për dhënien e medaljes ose titullit vendor të nderit, duke dërguar të dhëna për programin, kohën dhe vendin ku do të zhvillohet ceremonia.
8. Mbledhjet e Komitetit janë të hapura dhe njoftohen publikisht nga Sekretari i Këshillit. Votimi për propozimin bëhet i hapur dhe miratohet me shumicën e votave të anëtarëve të pranishëm. Në çdo mbledhje Sekretari i Komitetit mban proçesverbalin e mbledhjes së Komitetit.
9. Kur propozimi për dhënien e medaljes, titullit vendor të nderit nuk miratohet nga Këshilli, Komiteti këshillimor i bën njoftimin autoritetit propozues për mosmiratimin. I njëjti propozim nuk mund të bëhet pa kaluar një vit kalendarik nga njoftimi i refuzimit të propozimit.

⁸²Ligji nr. 112/2013, neni 15.

10. Dhënia e medaljeve ose tituje vendorë të nderit bëhet në çdo rast me ceremoni, e cila është publike.Ceremonia organizohet brenda 30 ditëve kalendarike nga miratimi i dhënieve së medaljeve ose tituje vendorë të nderit, nga autoriteti që ka bërë propozimin, në bashkëpunim me Këshillin. Sekretari përfaqëson Këshillin në organizimin e ceremonisë.

Neni 50

Komiteti për Planifikimin Strategjik dhe Zhvillimin Ekonomik, funksioni dhe përbërja

1. Komiteti për Planifikimin Strategjik dhe Zhvillimin Ekonomik (KPSZHE) ngritet nga Këshilli për të këshilluar dhe promovuar zhvillimin strategjik dhe ekonomik të Bashkisë, për të mbështetur hartimin, monitorimin dhe rishkimine strategjisë së zhvillimi të bashkisë⁸³ dhe të planit të zhvillimit ekonomik të bashkisë⁸⁴.
2. Komiteti përbëhet nga _____ (p.sh 21) anëtarë. Emërimet duhet të sigurojnë që janë përfaqësuar një larmi aktorësh komunitarë, socialë, ekonomikë e të akademisë, duke përfshirë OJF, përfaqësues të biznesit (sipas llojit, madhësisë, biznesit të drejtuar nga gra, profesionet etj), përfaqësues të shkollave e universitetit (nëse ka), agjensive zhvillimore, dhe përbërja e anëtarësisë siguron që të dyja gjinitë janë të përfaqësuara në komitet.
3. 50+1% e anëtarëve emërohen nga Këshilli dhe pjesa tjetër nga Kryetari i Bashkisë. Të gjithë pozicionevetë KPSZhE vendosetnjë numër nga një (1)- në _____ (p.sh 21). Anëtarët në pozicione me numër tek emërohen nga Këshillit ndërsa anëtarët në pozicione me numër çift emërohen nga Kryetari i Bashkisë, me kusht konfirmimi të tyre me shumicë votash të Këshillit. Për raundin fillestar të emërimeve të gjitha pozicionet do të janë më një mandat një vjecar. Pas vitit të parë pozicionet një (1) deri në dhjetë(10) do të shërbejnë për një periudhë njëvjeçare, pozicionet 11 deri në 21 do të shërbejnë për një periudhë dy-vjeçar. Pas përfundimit të këtyre periudhave, secilit pozicion do të jetë me një mandat dy vjeçar. Një anëtar i komisionit, mandati i të cilit ka përfunduar,do të vazhdojë të mbajë detyrën derisa një emëruar. Asnjë anëtar nuk mundtë shërbejë më shumë se dy mandate radhazi. Punonjësit e Drejtorisë së Planifikimit Strategjik dhe i asaj për Zhvillimit Ekonomik mund t'i ofrojnë Kryetarittë Bashkisë dhe Këshillit Bashkiak rekomandime për emërimin e anëtarëve të KPSZhE.
4. KPSZhE mblidhet së paku 3 herë herë në vit.
5. Organizimi dhe funksionimi i KPSZhE bëhen sipas rregullave të organizimit dhe funksionimit të komiteteve të Këshillit.
6. Detyrat KPSZhE përfshijnë, por nuk kufizohen: 1- Ofron këshilla dhe rekomandime për përparësitë, politikat dhe strategjitet e qëndrueshme që lidhen me zhvillimin strategjik dhe atë ekonomik të bashkisë, klimën vendore të biznesit, cilësinë e jetës dhe krijimin e vendeve të punës. Kjo përfshin rishikimin e propozimeve të politikave të paraqitura nga Ekzekutivi i Bashkisë, si dhe zhvillimin e rekomandimeve nga vetë KPSZhE, duke përfshirë edhe draftimin e planit strategjik të zhvillimi të bashkisë si dhe planin e zhvillimit ekonomik të bashkisë. 2. Ofrimin e ndihmës për Zyrën e Zhvillimit Ekonomik të Bashkisë, në rolin e saj drejtues për krijimin e axhendës së zhvillimit ekonomik të bashkisë.

⁸³Ligji nr. 68/2017, nenii 3/2.

⁸⁴Ligji nr. 139/ 2015, nenii 28/1.

Komititet e Këshillit

(Shëmbuj)⁸⁵

Neni 51

Bordet e Këshillit

Bordi i Parqeve dhe Çlodhjes është bord me anëtarësi vullnetare nga komuniteti. Bordit përbëhet nga katër anëtarë të emëruar nga Këshilli Bashkiak dhe katër anëtarë të caktuar nga Kryetari i Bashkisë dhe të konfirmuar nga Këshilli Bashkiak, dhe një anëtar i emëruar nga Programi/Organizata jo Qeveritare.

Bordi ofron propozime dhe rekomandime në lidhje me politikat e Departamentit të Parqeve dhe çlodhjes për planifikimin, zhvillimin dhe përdorimin e parkut dhe lehtësirave publike të Bashkësisë. Bordi ka nëntë anëtarë dhe shërben me një mandat tre-vjeçar. (Shëmbull)⁸⁶

Neni 52

TITULLI III

KOMPETENCAT E KËSHILLIT, DHE DETYRAT E KËSHILLIT BASHKIAK

KREU I. TË DREJTAT DHE KOMPETENCAT E KËSHILLIT DHE KËSHILLTARIT

Neni 53

Kompetencat dhe Detyrat e Këshillit Bashkiak

1. Këshilli Bashkiak, përvèç kompetencave të parashikuara në ligj dhe në këtë rregullore, miraton edhe⁸⁷:
 - a. drejtimet kryesore të politikës së përgjithshme publike në fushën e financave të njësisë;
 - b. prioritetet strategjike të zhvillimit të njësisë vendore;
 - c. miraton politikat e zhvillimit territorial të Bashkisë;
 - d. vendos për taksat e tarifat vendore, sipasLigji139/2015 dhe legjislacionit tjeter në fuqi, dhe rishikon politikat fiskale vendore, në përputhje me aktet ligjore në fuqi;
 - e. programin buxhetor afatmesëm të njësisë së vetëqeverisjes vendore;
 - f. buxhetin vjetor të Bashkisë dhe ndryshimet e tij, në vendimin për miratimin e buxhetit miraton, gjithashtu, edhe numrin e maksimal të punonjësve të bashkisë, si dhe të njësive e institucioneve buxhetore në varësi të bashkisë;
 - g. vendos për marrjen e kredive dhe shlyerjen e detyrimeve ndaj të tretëve, si dhe marrjen e masave për sigurimin e qëndrueshmërisë së sistemit të menaxhimit financiar të Bashkisë.
 - h. miraton nivelin e pagave e të shpërblimeve të punonjësve e të personave të tjerë, të zgjedhur ose të emëruar, në përputhje me legjislacionin në fuqi;
 - i. miraton aktet e themelimit të ndërmarrjeve, shoqërive tregtare, si dhe të personave të tjerë juridikë që krijon vetë ose me të cilët është bashkëthemelues;

⁸⁵Komiteti për Rinë, Barazinë Gjinore dhe të Drejtat e Njeriut; Komiteti për Kulturën, Artin, Muzetë, Bibliotekat publike Komiteti per Mjedisin, Biodiversitetin, Mbrojtjen e Natyrës dhe Liqenin; Komiteti për Lëvizshmërinë mjedisore.

⁸⁶ Bordi i Apelimit për Cështjet e Zhvillimit të Territorit dhe Ndërtimit

⁸⁷ (referencë Ligji 139/ 2015, nen 54; Ligji 68/2017, nen 6)

- j. miraton tjetësimin ose dhënien në përdorim të pronave të tretëve;
 - k. organizon dhe mbikëqyr kontrollin e brendshëm të bashkisë;
 - l. vendos për krijimin e institucioneve të përbashkëta me njësi të tjera të vetëqeverisjes vendore, përfshirë subjektin e kompetencave të përbashkëta ose me persona të tretë;
 - m. vendos për fillimin e procedurave gjyqësore për çështje të kompetencës së vet;
 - n. miraton vendime për masat për mbrojtjen e tokës bujqësore.⁸⁸
 - o. propozon shkarkimin e Kryetarit të Bashkisë për mosparaqitje në detyrë për një periudhë 3-mujore të pandërprerë⁸⁹.
2. Këshilli nuk mund t'i delegojë kompetencat e tij në favor të organeve kryesuese të Këshillit, si Kryetarit dhe Kryesisë së Këshillit⁹⁰,
 3. Këshilli nuk i delegon kompetencat e tij të tretëve, përvèç se kur kërkohet me ligj.

Neni 54

Të Drejtat e dhe Detyrat e Këshilltarit

1. Këshilltari Bashkiak ushtron i lirë dhe i pavarur mandatin e tij.
2. Në ushtrimin e funksionit të vet ligjor, Këshilltari ka këto të drejta dhe detyra:
 - a. Këshilltarët kanë të drejta të barabarta për të marrë pjesë në mbledhjet e Këshillit, të Komisioneve të Këshillit, të paraqesin mocione, të debatojnë mocionet e paraqitura, të paraqesë projekte, rezoluta dhe të votojnë.
 - b. Këshilltari nuk përgjigjet për mendimet e shprehura, lidhur me çështje zyrtare gjatë ushtrimit të detyrës.
 - c. Këshilltari duhet t'i përgjigjet nevojave dhe kërkeseve të bashkësisë dhe në ushtrimin e funksioneve dhe detyrave duhet të ruajë besimin e bashkësisë, të tregojë integritet, përgjegjshmëri, ndershmëri, drejtësi dhe paanësi.
 - d. Këshilltari ka detyrë të marrë pjesë në të gjitha Mbledhjet e Këshillit si dhe të Komisioneve të Këshillit ku është anëtar, si dhe në trajnimet dhe aktivitetet e organizuar nga Këshilli.
 - e. Këshilltari kryen funksionin me shpërblim mënyrë barabartë me 10 për qind të pagës mënyrë të kryetarit të bashkisë.⁹¹ Me vendim dhe sipas rregullores se miratuar nga Këshilli, Këshilltaritë lejohet kompensimi i duhur financiar të shpenzimeve të bëra gjatë ushtrimit të mandati.⁹² Veprimtaritë e papajtueshme me mandatin e anëtarit të Këshillit caktohen vetëm me anë të Ligjit ose me parime juridike themelore⁹³.
 - f. Këshilltari ka të drejtë të shkëputet nga puna për të marrë pjesë në Mbledhjet e Këshillit, Komisioneve apo aktivitetet e organizuara nga Këshilli dhe punëdhënësi është i detyruar t'i jape leje për sa më lart⁹⁴.
 - g. Këshilltari ka të drejtën e edukimit të vazhdueshëm dhe kualifikimit profesional, sipas programit vjetor të miratuar nga Këshilli. Financimi për këto raste bëhet sipas rregullave të kësaj rregulloreje dhe të legjisacionit në fuqi⁹⁵.

⁸⁸Ligji nr. 9244/2004, i ndryshuar "Për mbrojtjen e tokës bujqësore".

⁸⁹Ligji nr. 139/2015, nen 62/c.

⁹⁰Ligji nr. 44/ 2015KPA, nen 28/3.

⁹¹Ligji nr. 139/2015, nen 51/l.

⁹²Ligji nr. 8548/1999, nen 7.

⁹³Ligji nr. 8548/1999, nen 7.

⁹⁴Ligji nr. 139/2015, nen 51/2.

- h. Këshilltari ka të drejtë të njihet me të gjithë dokumentacionin që administrohet nga Bashkia,i cili i vihet në dispozicion në çdo kohë nga Kryetari i bashkisë⁹⁵.E gjithë administrata e Bashkisë dhe institucionet dhe ndërmarrjet në vartësi të Bashkisë janë të detyruara të vënë në dispozicion të Këshilltarit⁹⁷, të gjitha të dhënat dhe informacionet që disponojnë, përveç rasteve kur specifikohet ndryshe në ligj. Në çdo rast Këshilltari depoziton me shkrim kërkesën për Kryetarin e Bashkisë,kryesuesin e drejtorisë/ sektorittë Bashkisë apo të institucionit/ ndërmarrjes në varësi të Bashkisë,për marrjen e informacionit apo kopje të dokumentacionit, dhe duhet të marrë përgjigje jo më vonë se 10 ditë pune nga dita e regjistrimit të kërkesës së Këshilltarit në zyrën e protokollit të Bashkisë⁹⁸, përveç rasteve kur Ligji i posaçem parashikon ndryshe.Nëse kërkesa për informim e dorëzuar nga Këshilltari i dërgohetnjë autoriteti tjetër, Këshilltarit i kthehet përgjigje jo më vonë se 15 ditë pune nga dita e regjistrimit të kërkesës së Këshilltarit në zyrën e protokollit të Bashkisë.Afat prej 15 ditësh pune mund të zgjatet me jo më shumë se 5 ditë punepër një nga shkaqet të përcaktuar në Ligjin 119/ 2014, ndërkohë që vendimi për zgjatjen e afatit i njoftohet menjëherë Këshilltarit. Në çdo rast, mostrajtimi i kërkesës për informim brenda afateve të sipërpermendura më sipër do të konsiderohet refuzimdhë per keto raste keshilli e trajton ne bledhjen me te pare plenare duke marre qendrim dhe vendim per kryetarin e bashkise. Vendimi i dergohet komisionerit per te drejten per informim.⁹⁹.
- i. Këshilltari ka të drejtë të dorëzojë me shkrim diskutimin e tij të bërë në Mbledhjene Këshillit apo të Komisionit të Përherershëm, i cili duhet t'i bashkëngjit procesverbalit të Mbledhjes.
- j. Këshilltari ka të drejtë të diskutojë, por nuk mund të votojë, në mbledhjet e Komisionit të Përherershme në të cilin ai nuk është anëtar. Ai mund t'i propozojë kryesuesit të komisionit që të diskutohet ndonjë çështje që është përgjegjësi e komisionit.
- k. Këshilltari ka të drejtë të bëjë ankime në gjykatë kundër vendimeve të marra nga Këshilli dhe të kërkojë pezullimin e zbatimit te tij, kur çmon se vendimi është i kundërligjishëm¹⁰⁰.
- l. Këshilltari gjatë Mbledhjes së Këshillit apo Komisionit të Përherershme ka të drejtë të kundërshtojë çdo veprim apo vendim të Këshillit. Nëse kundërshtimin në Mbledhje e bën gojarisht, ai kérkon regjistrimin e kundërshtimit në procesverbalin e Mbledhjes, dhe nëse kundërshtimin dëshiron ta bëjë më shkrim, shkresa i duhet dërguar Kryetarit të Këshillitbrënda 48 orësh nga data e mbledhjes ku është shqyrtuar mocioni, çështja apo veprimi që kundërshtohet nga Këshilltari, dhe kjo shkresë bëhet pjesë e procesverbalit të mbledhjes.
- m. Këshilltari ka të detyrimin të respektojë Ligjin si dhe Rregulloren e Këshillit në përbushjen e funksioneve dhe detyrave të Këshilltarit Bashkiak dhe në marrjen pjesë në veprimtarinë e Këshillit.
- n. Këshilltarët kanë të drejtë t'i drejtohen Kryetarit të Këshillit për çdo çëshje që ato kanë në lidhje me shërbimet administrative për Këshilltarët, që ofrohen nga Administrata e Bashkisëpor pasi kanë marrë më parë përgjigje me shkrimin për çeshtjen, nga Administrata e Bashkisë.
- o. Të gjitha kërkesat me natyrë informuese, përsasa shprehet në këtë nen, ndiqen deri në përgjigjen përfundimtare nga Sekretari i Këshillit.
- p. Çdo Këshilltar ka të drejtë të nxisi nisma qytetare dhe t'i mbështesë ato.

⁹⁵Ligji nr. 139/2015, neni 51/4.

⁹⁶Ligji nr. 139, neni 51/3.

⁹⁷Ligji nr. 119/2014 ‘Për të Drejtën e Informimit’.

⁹⁸Ligji nr. 119, neni 15/1.

⁹⁹Ligji nr. 119/ 2014, neni 15.

¹⁰⁰Ligji nr. 8480 nen 2 pikë 4.

KREU II. TË DREJTAT DHE KOMPETENCAT E ORGANEVE TË KËSHILLIT

Neni 55

Detyrat dhe kompetencat e Kryetarit të Këshillit

1. Kryetari i Këshillit kryen detyrat si më poshtë¹⁰¹:
 - a. Thërret mbledhjen e Këshillit, në përputhje me nenin 53 të Ligjit 139/2015;
 - b. Drejton mbledhjet e Këshillit, e Kryesisë së Këshillit, të Konferencës së Kryetarëve, dhe të Komisionit të të Gjithëve, në përputhje këtë Rregullore;
 - c. Nënshkruan aktet që nxjerr Këshilli;
 - d. Përfaqëson Këshillin në marrëdhëniet me të tretët apo e delegon më shkrim përfaqësimin;
 - e. U njofton këshilltarëve projektet që i paraqiten Këshillit;
 - f. Kujdeset që çdo mbledhje e Këshillit Bashkiak është planifikuar dhe organizuar sipas kësaj Rregulloreje dhe zhvillohet sipas rendit të ditës së miratuar;
 - g. Kujdeset që çdo Komision i Përherëshëm apo i Përkohshëm i Këshillit të funksionojë normalisht dhe në respektim të kësaj Rregulloreje dhe planit të punës e kalendarit të aktiviteteve;
 - h. Kujdeset për përgatitjen dhe firmos projektbuxhetin për veprimtarinë e Këshillit Bashkiak, dhe ia përcjell Kryetarit të Bashkisë.
 - i. Nënshkruan shkresa në emër të Këshillit Bashkiak
 - j. Kujdeset për vlerësimin e nevojave për trajnim, si dhe për përgatitjen e raportit vjetor për nevojat për trajnim të Këshilltarëve dhe e nënshkruan atë dhe një kopje ia përcjell Kryetarit të Bashkisë;
 - k. Kujdeset për përgatitjen e raportit vjetor të transparencës së vendimmarjes së Këshillit;
 - l. Drejton takimet zyrtare të Këshillit Bashkiak me Kryetarin e Bashkisë, kur këto takime janë thirrur nga Kryetari i Këshillit;
 - m. Shpall rendin e ditës, për mbledhjen e ardhshme të Këshillit dhe njofton zyrtarish Kryetarin e Bashkisë, 10 ditë pune nga data e mbajtjes së Mbledhjes, për paraqitjen e projektakteve dhe dokumenteve shoqëruese sipas tematikës së miratuar të rendit të ditës;
 - n. Kujdeset për marrëdhëniet e Këshillit Bashkiak me Kryetarin e Bashkisë, drejtorinë e financë buxhetit dhe atë të auditimit në Bashki, institucionet dhe ndërmarrjet e varësisë Bashkisë;
 - o. Drejton mbledhjen e kryetarëve të grupeve politike dhe konferencën e kryetarëve dhe kur e sheh te nevojshme therret dhe kryetarët e komisioneve për probleme të mbarëvajtjes së Këshillit;
 - p. I propozon Këshillit përashtimin ose konfirmimin e anëtarit të Këshillit Bashkiak nga/në procedura vendimmarrëse¹⁰² kur njoftohet nga vetë Këshilltar apo një person i tretë për pengesën ligjore të Këshilltarit në procesin vendimmarrës.¹⁰³
 - q. Merr dhe lexon korrespondencën që i dërgohet Këshillit dhe bën delegimin përkatës për shqyrtim të mëtejshëm të çështjes;
 - r. Kujdeset që Këshilli të përfaqësohet në veprimtari ku ftohet Këshilli dhe, në bashkëpunim me kryetarët e Grupeve Politike, cakton Këshilltarët të cilët do të marrin pjesë në delegacione, ceremoni apo aktivitete ku ftohet Këshilli i Bashkisë, kjo në rastet kur ftesat nuk janë nominale;
 - s. Kontakton nëse është e mundur dhe njofton me shkrim Këshilltarin, i cili është afër plotësimit të afatit gjashtë (6) mujor të mungesave në Mbledhjet e Këshillit;

¹⁰¹ Ligji 139/2015, nen 56 dhe kjo Rregullore.

¹⁰² Ligji nr. 139/2015, nen 52/4.

¹⁰³ Ligji nr. 139/2015, nen 52/2,3.

- t. Përfaqëson Këshillin në veprimtari të ndryshme të Bashkisë, në marrëdhënje me të tretët, apo e delegon më shkrim përfaqësimin;
- u. Merr pjesë, sipas nevojës, në mbledhjet e Komisioneve të Përherëshme, por pa të drejtë vote.
- v. Në bashkëpunim me zëvëndëskryetarët e Këshillit dhe kryetaret e grupeve përgatit planin e punës për pjesëmarrjen e Kryesisë në Mbledhjet mujore të Komisioneve të Përherëshëm; Kryen detyra të tjera, të përcaktuara në këtë Rregullore të Këshillit. Kur Kryetari mungon ose është në pamundësi të kryejë detyrat e tij, ai autorizon një nga zëvendëkryetarët për kryerjen e tyre, dhe sipas përcaktimit në këtë Rregullore. Në mungesë të autorizimit, ai zëvendësohet nga Zëvendëskryetari i Këshillit që i përket shumicës politike në Këshill.

Neni 56

Të Drejtat dhe Detyrat e Sekretarit të Këshillit Bashkiak

1. Sekretari i Këshillit mbështet mbarëvajtjen e punëve të Këshillit, koordinon marrëdhënet e Këshillit me kryetarin e Bashkisë dhe me institucionet e vartësisë, entet e ndryshme publike e private dhe bashkësinë, si dhe administron të gjithë dokumentacionin që ka të bëjë me funksionimin dhe punën e Këshillit.
2. Sekretari, përveç detyrave të përcaktuara me ligj, kryen dhe detyrat si më poshtë:
 - a. Përgatit dhe koordinon punën për hartimin e rendit të ditës së Mbledhjes në bashkëpunim më Kryetarin e Këshillit;
 - b. Përgatit materialet për mbledhjen e Këshillit dhe kujdeset për shpërndarjen për çdo anëtar të Këshillit;
 - c. Njofton këshilltarët, median dhe publikun për zhvillimin e mbledhjes së këshillit;
 - d. Koordinon punën për hartimin e rendit të ditës së Mbledhjes;
 - e. Mban procesverbalin e mbledhjes dhe mundëson regjistrimin e mbledhjes së këshillit;
 - f. Është përgjegjës për operimin, mbarëvajtjen dhe mirëmbajtjen e pajisjeve që mundësojnë regjistrimin audio-video të mbledhjes së Këshillit dhe të Komisioneve të Përherëshme;
 - g. Ndihmon Kryetarin gjatë zhvillimit të mbledhjeve të Këshillit;
 - h. Ndjek nënshkrimin e procesverbalit të mbledhjes;
 - i. Koordinon pjesëmarrjen e të ftuarve dhe të medias në mbledhje;
 - j. Mbikëqyr respektimin e Rregullores gjatë zhvillimit të mbledhjes së Këshillit dhe Komisioneve;
 - k. Bashkëpunon me Kryetarin e Bashkisë në lidhje me ecurinë e zbatimit të vendimeve të Këshillit, dhe raporton në mbledhjen e radhës se Këshillit, si dhe tërheq mendimet e Kryetarit të Bashkisë për projekt politikat dhe vendimet e Këshillit;
 - l. Mban dokumentet zyrtare të Këshillit dhe siguron zbatimin e ligjit mbi arkivat për ruajtjen e këtyre dokumenteve
 - m. Mban numrin rendor të vendimeve të Këshillit dhe vendimeve të Komisioneve të Përherëshme të Këshillit në një regjistër të posaçëm
 - n. Administron njoftimet e Prefektit për kërkesat e tij drejtar gjiqatës për pavlefshmërinë e aktit të Këshillit;
 - o. Mban marrëdhënet me publikun sipas përcaktimeve të Ligjit 119/2014 "Për të drejtën e informimit" dhe përgatit programin e transparencë së Këshillit;
 - p. Zbaton përcaktimet e Ligjit 146/2014 "Për njoftimin dhe konsultimin publik" në përgatitjen e seancave të këshillimit me komunitetin. Njoftimin dhe organizimin e mbledhjeve të konsultimeve publike, krijimin dhe mbajtjen e regjistrat të konsultimeve publike, mbajtjen e procesverbalit për secilën takim, paraqitjen në mbledhjet e Këshillit të propozimeve dhe mendimeve të grupeve të interesit, informimi i komunitetit për atë që është marrë në konsideratë

nga propozimet e tyre dhe çfarë nuk është marrë; Takimeve e këshillimit me komunitetin dhe dëgjesat publike Sekretari i organizon, në bashkëpunim më koordinatorin për konsultimet publike të bashkisë.

- o. Grumbullon, mirëmban dhe publikon të dhëna gjinore për pjesëmarrjen e publikut në aktivitete e organizuara në Këshilli si në dëgjesat publike dhe takimet e tjera me publikun.¹⁰⁴
 - p. Ndjek zbatimin e procedurat të shqyrtimit dhe miratimit të nismave qytetare, duke përfshirë peticionet në përputhje me parashikimet e Rregullores;
 - q. Mban marrëdhëniet me median dhe organizatat e shoqërisë civile;
 - r. Administron linjën buxhetore të veprimtarisë së Këshillit;
 - s. Mban marrëdhëniet institucionale me Prefektin, Këshillin e Qarkut dhe agjencitë e tjera qeveritare të dekoncentruara dhe kombëtare;
 - t. Harton raportin përbledhës të mbledhjes së Këshilli, i cili lexohet nga Kryetari, e më pas e bën publik.
 - u. Mban dhe përditëson regjistrin e akteve të Këshillit të kundërshtuara nga Prefekti dhe ato të kundërshtuar në gjykatë;
 - v. Mban listën e personave, organizatave dhe mediave të cilat kanë depozitar kërkesë me shkrim për të marrë njoftimin dhe rendin e ditës së mbledhjeve të Këshillit;
 - w. Mban dhe administron dokumentacionin e Këshillit;
 - x. Administron procesin e zgjedhjes së këshillave të fshatrave dhe këshillave komunitarë;
3. Paga e Sekretarit përcaktohet sipas legjislacionit në fuqi.
 4. Të drejtat dhe detyrat e tij që rrjedhin nga marrëdhënia e punësimit janë të përcaktuara sipas legjislacionit për shërbimin civil.
 5. Përshkrimi i punës për secilin prej punonjësve të Sekretariatit, hartohet nga Sekretari i Këshillit në bashkëpunim me Drejtorinë e Menaxhimit të Burimeve Njerëzore të Bashkisë dhe miratohet nga Këshilli.
- Eti(*e vendosur nga këshilli, sipas rastit*).

Neni 57

Detyrat e Punonjësvë të Sekretariatit.

Përshkrimi i punës për secilin prej punonjësve të Sekretariatit, hartohet nga Sekretari i Këshillit në bashkëpunim me Drejtorinë e Menaxhimit të Burimeve Njerëzore të Bashkisë dhe miratohet nga Kryesia e Këshillit.

KREU III. FUNKSIONIMI DHE VENDIMMARRJA E KESHILLIT

Neni 58

Mbledhjet e Këshillit

1. Të gjitha Mbledhjet e Këshillit mbahen brenda territorit të Bashkisë. Mbledhjet mbahen në sallën e mbledhjeve të Këshillit Bashkiak, përveç rasteve kur shumica e të gjithë anëtarëve vendos ndryshe për shkaqe të përligjura, dhe në këtë rast njofimi për ndryshimin e vendit u njoftohet Këshilltarëve dhe publikut. Mbledhjet nuk mbahen nëditë festash zyrtare dhenë ditën e zgjedhjeve politike, përveç se në rast të Mbledhjeve të Emergjencës.

¹⁰⁴I ligji nr. 9970/2008, nen 14/3.

2. Mbledhjet e Këshillit janë të hapura për publikun dhe të gjithë shtetasit lejohen lirisht të ndjekin Mbledhjet e Këshillit dhe të Komisioneve të Përherëshëm të Këshillit, përveç rasteve të parashikuara me ligj dhe në këtë Rregullore¹⁰⁵.

Neni 59

Mbledhjet e Radhës se Këshillit

1. Mbledhjet e radhës së këshillit bashkiak zhvillohen sipas përcaktiveve në këtë Rregullore, por jo më pak se një herë në muaj¹⁰⁶.
2. Mbledhjet e Radhës mbahen javën e fundit të çdo muaji, përveç muajit Dhjetor, dhe në orën e vendin e përcaktuar sipas thirrjes së Mbledhjes.
3. Mbledhja hapet nga Kryetari/ Kryesuesi i Mbledhjes në orën e caktuar në rendin e ditës. Sekretari i Këshillit proçedon me thirrjen e emrave të Këshilltarëve. Nëse kuorumi i Këshilltarëve nuk është prezent brenda 30 minutave pas orës së hapjes së Mbledhjes, asnjë anëtari të pranishëm nuk mund t'i kërkohet nga Kryetari/Kryesuesi të qëndroje më gjatë, përveçse kur ai e dëshiron një gjë të tillë. Në këtë rast Kryetari/Kryesuesi mund të deklarojë lejimin e largimit të Këshilltarit/ëve nga salla e mbledhjes, përveç se në rastin kur shumica e Këshilltarëve të pranishëm bien dakort ndryshe.
4. Nëse një Këshilltar largohet nga Mbledhja pa marrë leje nga shumica e thjeshtë e Këshilltarëve të pranishëm, ai do të numërohet se është prezent kur bëhet fjalë për të përcaktuar Kuorumin për fillimin e mbajtjes së Mbledhjes

Neni 60

Thirrja dhe Njoftimi i Mbledhjen e Këshillit

1. Mbledhja e Këshillit i njoftohet Këshilltarëve dhe publikut.
2. Thirrja për mbledhjen e Këshillit bëhet nga Kryetari i Këshillit¹⁰⁷ dhe në mungesë të tij nga Zëvendëskryetari¹⁰⁸ që përfaqëson shumicën, dhe në mungesë të këtij të fundit nga Zëvendëskryetari i dytë.
3. Njoftimi për zhvillimin e Mbledhjes së Këshillit bëhet nga Sekretari¹⁰⁹, jo më pak se pese (5) ditë para datës së zhvillimit të Mbledhjes. Njoftimi për Mbledhjen e Këshillit ku miratohet projekt buxheti paraprak dhe ai përfundimtar i Bashkisë, bëhet jo më pak se 7 ditë , para zhvillimit të Mbledhjes.
4. Në mungesë të Sekretarit njoftimi bëhet nga Kryetari, e në mungesë të këtij të fundit nga Zëvendëskryetari që përfaqëson shumicën, apo në mungesë të këtij të fundit nga një person i ngarkuar me shkrim prej Kryetarit. Në çdo rast njoftuesi shkruan emrin dhe nënshkruan në fund të dokumentit të njoftimit të bërë.
5. Nëse Këshilli mban një Mbledhje zyrtare në një orë dhe vend ndryshe nga ç'është njoftuar publikisht, Mbledhja nuk mbahet nëse nuk është njoftuar publikisht ora dhe vendi i ndryshuar i mbajtjes të kësaj Mbledhjeje.

¹⁰⁵Ligji nr. 139/2015, nenı 17.

¹⁰⁶Ligji nr. 139/20165, nenı 53/2.

¹⁰⁷Ligji nr. 139/2015 nenı 53/4.

¹⁰⁸Ligji nr. 139/2015 nenı 56/3.

¹⁰⁹Ligji nr. 139/2015 nenı 57/2.

6. Nëse Këshilli shtyn një mbledhje të radhës, jashtë radhe, emergjencë apo të shtyrë, të mbajtur pas një njoftimi publik të rregullt, ku data, ora dhe vendi i mbajtjes së Mbledhjes së shtyrë janë njoftuara në Mbledhjen e hapur, nuk bëhet njoftim tjetër publik.

Neni 61

Mbledhjet jashtë radhe

1. Këshilli mblidhet jashtë radhe me kërkesë të¹¹⁰:
 - a) Kryetarit të Bashkisë;
 - b) 1/3 së Këshilltarëve;
 - c) kërkesës së motivuar të Prefektit për çështje që lidhen me ushtrimin e funksioneve të tij
2. Kërkesa drejtuar Këshillit për thirrjen e Mbledhjes Jashtë Radhe, duhet t'i paraqitet me shkrim dhe e firmosur, dhe ku të specifikohet qartë çështja që propozohet të shqyrtohet, si dhe qëllimi dhe arsyet e kërkeses përmes mbajtjen e Mbledhjes jashtë radhe.
3. Kërkesa e paraqitur nga Kryetari i Bashkisë apo Prefekti, shqyrtohet nga Kryesia e Këshillit, e cila shprehet me vendim nëse është e nevojshme ose jo që Këshilli të zhvillojë një mbledhje jashtë radhe. Nëse vendimi është negativ, Kryetari i Këshillit njofton Kryetarin e Bashkisë apo Prefektin dhe i njofton datën e mbledhjes së radhës së Këshillit, kur mund të shqyrtohet çështja/et përmes cilat ka paraqitur kërkesë.
4. Kur Kryesia vendos përmiratimin e kërkesës përmes mbajtjen e Mbledhjes jashtë radhe, Mbledhja mbahet jo më vonë se shtatë (7) ditë kalendarike nga data e depozitimit të kërkesës pranë zyrës së protokollit të Bashkisë.
5. Në rastin kur thirrja e Mbledhjes kërkohet nga 1/3 anëtarëve të Këshillit, lajmërimi përmes thirrjen e Mbledhjes bëhet nga Sekretari brenda 15 ditëve kalendarike pas paraqitjes së kërkesës nga 1/3 e anëtarëve të Këshillit, të paktën pesë (5) ditëpara datës së thirrjes së Mbledhjes.
6. Njoftimi i Mbledhjes bëhet së paku 48 orë para mbajtjes së Mbledhjes dhe përfshin datën, orën, vendin, rendin e ditës, çështjet dhe qëllimin përmes cilin mbahet Mbledhja, dhe në njoftim specifikohet se kush e ka kërkuar Mbledhjen jashtë radhe. Njoftimi përmes Këshilltarët bëhet nga Sekretari, dhe në mungesë të tij nga Kryetari apo Zëvendëskryetari, me telefon apo njoftim gojor direkt, dhe email. Njoftimi përmes publikun bëhet nga Sekretari, dhe në mungesë të tij nga Kryetari apo Zëvendëskryetari, njoftimi përmes zyrtare të interneti të Bashkisë, njoftimi përmes gazetës së Bashkisë, njoftimi përmes mediat vendore, njoftimi përmes tabelës informative jashtë dëshirave të afërt ndërtesës kryesore të Bashkisë, dhe në gazetën e Bashkisë, njoftimi përmes shpërndahet brenda afatit të njoftimit. Sekretari, dhe në mungesë të tij nga Kryetari apo Zëvendëskryetari, njoftimi përmes gjithë ato persona apo organizata të cilat kanë paraqitur kërkesë përmes një marrë njoftim të rregullt përmes mbajtjen e Mbledhjes jashtë radhe.
7. Në Mbledhjen jashtë radhe shqyrtohen vetëm ato çështje përmes cilat është thirrur Mbledhja. Çështje tjetra mund të diskutohet vetëm më miratimin e dy të tretave (2/3) të Këshilltarëve të pranishëm në Mbledhje¹¹¹, dhe sipas procedurave të kësaj Rregullore.

¹¹⁰Ligji nr. 139/2915, nen 53/3.

¹¹¹Ligji nr. 8489/1999, nen 8.

Neni 62

Mbledhja e Jashtëzakonshme

1. Mbledhja e Jashtëzakonshme është mbledhje jashtë radhe dhe mbahet në situata të emergjencës civile¹¹², që kërkojnë vendimarrje urgjente të Këshillit në situata si fatkeqësi natyrore, mungesë në masë të madhe të rendit dhe qetësisë publike në komunitet, apo raste të tjera të specifikuara me ligj.
2. Mbledhja thirret nga Kryetari i Këshillit¹¹³, mbi bazë të kërkesës së bërë me shkrim nga, më së paku, një e treta (1/3) e numrit të përgjithshëm të Këshilltarëve Bashkiakë apo me kërkesë të Kryetarit të Këshillit, Kryetarit të Bashkisë, si dheme kërkesën e motivuar të Prefektit për çështje që lidhen me ushtrimin e funksioneve të Prefektit. Kërkesa për mbajtjen e Mbledhjes duhet të specifikojë shkurtimisht natyrën dhe objektin e çështjes emergjente për shqyrtimin e së cilës kërkohet të mbahet Mbledhja.
3. Në Mbledhje Këshilli shqyrtton vetëm çështjet për të cilat është thirrur Mbledhja dhe pikat e caktuara në rendin e ditës dhe të njoftuara Këshilltarëve nuk mund të ndryshohen gjatë Mbledhjes.
4. Mbledhja e Jashtëzakonshme mbahet jo më vonë se 24 orë nga njoftimi i Mbledhjes për Këshilltarët apo depozitim i kërkesës me shkrim përmes mbajtjen e Mbledhjes.
5. Njoftimi i Këshilltarëve bëhet nga Sekretari dhe në mungesë të tij nga vetë Kryetari i Këshilli apo nga Zevëndëskryetarët e Këshillit, me telefon apo mjete të tjera të njoftimit. Personi që ka bërë njoftimin, Sekretari apo personi i autorizuar nga Kryetari, e informon Këshillin përményrën e njoftimit dhe emrat e Këshilltarëve të njoftuar. Sekretari në çdo rast njofton median vendore përmes mbajtjen e Mbledhjes. Mbledhja e Jashtëzakonshme nuk mbahet nëse të gjithë anëtarët e Këshillit nuk janë njoftuar, përvèç kur një Këshilltar është i pamundur të njoftohet, dhe nuk është bëre njoftim publik i mbledhjes, sipas kërkesave të kësaj rregullore, së paku njëzet e katër (24) orë para mbajtjes së Mbledhjes.
6. Në rast se Kryetari, Zëvendëskryetarët dhe Sekretari i Këshillit nuk mund të jenë të pranishëm në Mbledhjen e Jashtëzakonshme, Mbledhja kryesohet nga Këshilltarët më i vjetër në moshë që përfaqëson shumicën politikenë Këshillit, i pranishëm në Mbledhje, dhe procesverbali i Mbledhjes nënshkruhet nga shumicae Këshilltarëve të pranishëm, si dhe vendimi/et e Këshillit zbardhen nga minimumi tre Këshilltarë dhe nënshkruhet/n nga kryesuesi i Mbledhjes.
7. Njoftimi përmes Këshilltarët bëhet nga Sekretari dhe në mungesë të tij nga Kryetari apo Z/kryetari, me telefon apo njoftim gojor direkt. Njoftimi përmes publikun duhet të bëhet në një faqen zyrtare të internetit të Bashkisë, në median televizive vendore, në tabelën informative jashtë dhe afér ndërtësës kryesore të Bashkisë. Sekretari njofton të gjithë ato persona apo organizata të cilat kanë paraqitur kërkesë përmes njoftimit të rregullt përmes mbajtjen e Këshillit, duke i dërguar me email njoftimin dhe rendin e ditës së Mbledhjes së Këshillit.
8. Në rast Mbledhjeje Jashtëzakonshme aktete Këshillit shpallen publikisht dhe hyjnë në fuqi sipas specifikimit të bërë në tekstin e vendimit të Këshillit.

Neni 63

Mbledhja vazhduese

1. Kryetari i Këshillit/ Kryesuesi i Mbledhjes mund të shtyjë ose të mbyllë Mbledhjen përpëra kohe, në rastet e mungesës se kuorumi, kur nuk e lejojnë rrëthanat vazhdimin normal të Mbledhjes (konflikte,

¹¹²Ligji nr. 139/2015, nen 53/6.

¹¹³ Ligji nr. 8480/1999, nen 5.

emergjencë natyrore apo tjetër), ku nuk ka përfunduar shqyrtimi i të gjitha pikave të rendit të ditës apo në raste të tjera të specifikuara në ligj apo në këtë rregullore. Në këto raste vendimi duhet te jetë i arsyetuar, arsyetim i cili do të pasqyrohet në procesverbalin e Mbledhjes.

2. Mbledhja vazhduese mbahet në vendin, ditën dhe orën e njoftuar në Mbledhjen e shtyrë ose të mbyllur, apo të njoftuar sipas kërkesave të kësaj Rregulloreje.

Neni 64

Mbajtja e Mbledhjes së Mbyllur

1. Këshilli mund të mbajë një Mbledhje të Mbyllur apo një seancë të mbyllur të Mbledhjes. Mbledhja e Mbyllur mbahet me kërkesën e Kryetarit të Bashkisë ose të një të pestës (1/5) së anëtarëve të Këshillit Bashkiak, dhe kur për këtë kanë votuar jo më pak se tre të pestat (3/5) e gjithë anëtarëve të Këshillit¹¹⁴, nëse kjo nuk pengohet nga Ligji, dhe sipas procedurave ligjore dhe kësaj Rregulloreje.
2. Vendimi për të mbajtur një Mbledhjen e Mbyllur bëhet në një mbledhje të hapur të Këshillit, ku Kryesuesi i mbledhjes shpjegon arsyet, bazën ligjore, çështjen/t që do shqyrtohen, si dhe njofton datën, orën dhe vendin e mbajtjes së mbledhjes.
3. Pjesëmarrësit në mbledhjen e mbyllur regjistrohen dhe kjo e dhënë ështe publike. Mbledhja e mbyllur regjistrohet në procesverbalin e mbledhjes dhe regjistrohet audio, dhe kjo e dhënë nuk është e hapur për publikun. Të dhënat e mbledhjes së mbyllur hapen për publikun jo më vonë se dy vjet nga mbajtja e mbledhjes së mbyllur. Nëse ka pretendimi që në mbledhjen e mbyllur janë trajtuar çështje shtesë apo të ndryshme nga ato të shpallura në mbledhjen e hapur, pretenduesi mund t'i drejtohet gjykates.
4. Këshilli mund të mbajë një Mbledhje të Mbyllur kur kjo kërcohët për të:
 - a. Penguar zbulimin e një informacioni të privilegjuar dhe konfidencial (jo publik), i përcaktuar si i tillë me ligj.
 - b. Shqyrtuar fillimin e procedurave gjyqësore për çështje të kompetencës së Këshillit.
 - c. Shqyrtuar çështje konflikte mes banorëve.
 - d. Shqyrtuar ankesa kundrejt Këshilltarëve, Kryetarit dhe stafit të Bashkisë.
 - e. Planifikuar, raportuar apo dëgjuar raporte që kanë lidhje me hetime të sjelljeve kriminale.
 - f. Penguar daljen e parakohshme të informacionit për një titull honorifik, apo çmim.
 - g. Thyerje te Kodit te Sjelljes apo Etikës nga Këshilltarët.
 - h. (Etj, sipas vendimit të Këshillit)
5. Çështje të cilat shqyrtohen në një Mbledhje të Mbyllur i duhen njoftuar publikut. Persona jo Këshilltarë mund të lejohen të marrin pjesë në një Mbledhje të Mbyllur nëse ata ndihmojnë në shqyrtimin e çështjes/ve dhe kur për këtë vendos shumica e Këshilltarëve të pranishëm në mbledhje.
6. Materialet e paraqitura dhe të shqyrtuara në një Mbledhje të Mbyllur nuk publikohen. Ato mund të bëhen publike vetëm pas rënies së shkakut për të cilën është mbajtur Mbledhja e Mbyllur. Këshilli i mëpasshëm mund të vendosi të hapë për inspektim publik rekordet e Mbledhjeve të Mbyllura të Këshillit/ave të mëparshëm.
7. Sekretari ruan konfidencialitetin e mbledhjeve të mbyllura të Këshillit dhe çdo shkleje e këtij detyrimi përbën shkak për masë disiplinore ndaj tij.

¹¹⁴ Ligji nr. 139/2015, nen 17/3.

Neni 65

Pjesëmarrja në Mbledhjen e Këshillit e Këshilltarit, nepërmjet Sistemit AudioVideo

1. Në rastin kur një Këshilltar nuk është në gjendje të jetë i pranishëm fizikisht në një Mbledhje të Këshillit, por do të dëshironte të përfshihej në diskutimin dhe / ose vendimin për një çështje të veçantë të rendit të punëve, ai/ajo lejohet të marrë pjesë nepërmjet Sistemit AudioVideo(SAV).
2. Procedurat për lejimin e Këshilltarit për të marrë pjesë në Mbledhje nepërmjet SAV janë si më poshtë:
 - a. Pjesëmarrja e Këshilltarit në Mbledhjen e Këshillit, nepërmjet sistemit audiovideo duhet të jetë një përjashtim i rrallë, jo rregull, dhe pjesëmarrja me SAV është i kufizuar dy herë në vit. Shembuj të rasteve kur Këshilltari mund të jetë i pranishëm përmes SAV përfshijnë, por nuk kufizohen vetëm në:
 - Një pikë e rendit të ditës duhet të shqyrtohet dhe miratohet me urgjencë nga Këshilli dhe pjesëmarrja përmes SAV është i nevojshëm për të mundësuar kuorumin, në këtë rast nevojën për pjesëmarrja e përcakton Kryetari/ Kryesuesi i Mbledhjes dhe vetë Këshilltari;
 - Një pikë e rendit të ditës ka një rëndësi shumë të madhe për Këshilltarin që nuk mund të jetë fizikisht i pranishëm;
 - Eshtë shumë e rëndësishme që të gjithë Këshilltarët të përfshihen në marrjen e vendimit, por kur një Këshilltar nuk është në gjendje të jetë i pranishëm fizikisht, nevojën për pjesëmarrja përmes SAV e përcakton Kryetari/ Kryesuesi i Mbledhjes dhe vetë Këshilltari;
 - Pjesëmarrja përmes SAV kufizohet vetëm në një pikë të rendit të ditës, jo në të gjithë mbledhjen e Këshillit.
 - b. Nëse një Këshilltar dëshiron të marrë pjesë në një mbledhje të Këshillit përmes SAV për një çështje të rendit të ditës, Këshilltari duhet të njoftojë Këshillin për dëshirën e tij/saj për të marrë pjesë përmes SAV, përpala Mbledhjes në të cilën ai dëshirojnë të marrë pjesë. Ky njoftim duhet të bëhet gjatë procesit të miratimit të rendit paraprak të ditës së Mbledhje ku kërkohet të merret pjesë. Në njoftim Këshilltari specifikan pikën e rendit të ditës ku do të marrë pjesë dhe arsyes e mos marrjes pjesë fizikisht. Nëse kjo nuk është e mundur, Këshilltari duhet ta njoftojë Kryetarin apo Sekretarin e Këshillit për dëshirën e tij / saj për të marrë pjesë në një mbledhje të Këshillit përmes SAV, jo më vonë se brenda orarit zyrtar të ditën e punës para mbledhjes së Këshillit për të cilin ai ose ajo dëshiron të marrë pjesë. Pjesëmarrja e Këshilltarit përmes SAV pasqyrohet në proces-verbalin e Mbledhjes.

Neni 66

Hartimi dhe Miratimi i Rendit të Ditës së Mbledhjes së Këshillit

1. Kryetari i Këshillit në bashkëpunim me Zëvendëskryetarët , kryetarët e grupeve dhe Sekretarin, dhe në këshillim me Kryetarin e Bashkisë, përgatit rendin paraprak të ditës, radhën e shqyrimit të çështjeve dhe oraret perkatëse, për të gjitha mbledhjet zyrtare të Këshillit bazuar edhe në sugjerimet për rendit të ditës së diskutuar në mbledhjen e mëparshme si dhe ne linje me Kalendarin e Aktiviteteve te keshillit.Titulli dhe kodi i secilit projektakt apo rezolutë, për të cilin Këshilli do të shqyrtojë dhe do të marri vendim në atë mbledhje, duhet të përfshihet i plotë në rendin e ditës.
2. Numri i projektakteve të përfshira në rendin e ditës në mbledhjet ku do të shqyrtohet projektbuxheti, projekt paketa fiskale, projekt vendimet për dhënje të koncesione apo partneritet publiko private, numri i akteve të përfshira në rendin e ditës nga Bashkia të mos jetë më shumë se 15, ndërkohë që për projektakte që përfshijnë buxhetin, paketën fiskale, koncesione, PPP, të mos janë më shumë se 5.

3. Rendi i ditës, në çdo rast përmban një hapësirë, e cila u mundëson qytetarëve të jepin komente dhe t'u ofrojnë informacion Këshillit për çështje që nuk janë në rendin e ditë së mbledhjes, në lidhje me shërbimet, politikat dhe punët e Bashkisë e Këshillit. Qytetarët duhet të dorëzojnë kërkesën me shkrim, të nënshkruar, me emrin, adresën e plotë dhe numrin e telefonit, sëpaku një ditë përparrë mbajtjes së mbledhjes, dhe ku duhet të specifikojnë çështjen për të cilën do të flasin. Kryetari bën shpëndarjen e kohës për folësit.
4. Kërkesa për informacion dhe raporte drejtuar Kryetarit të Bashkisë nga Këshilltarët, në lidhje me administrimin e Bashkisë apo me veprime apo mosveprimete Administrattës së Bashkisë, nuk përfshihen në rendin e ditës, nëse një kërkesë e tillë nuk i ështe dërguar me parë Sekretarit të Përgjithshëm të Bashkisë.
5. Dhënjes së çmimeve dhe prezantimeve para Këshillit i lihet një afat kohor prej 20 minutash, dhe këto i njoftohen Sekretarit 10 dite pune para datës së Mbledhjes.
6. Kërkesa për ta futur një çështje në rendin e ditës së Mbledhjes së Këshillit, duhet të bëhet me shkrim, të paktën 5 ditë përparrë datës së vendosur për Mbledhjen¹¹⁵. Kërkesat, me gojë ose me shkrim, do të bëhen të paktën 15 ditë pune para takimit mes Kryetarit të Këshillit dhe Kryetarit të Bashkisë për të lejuar kohë të mjaftueshme për kërkime dhe përgatitje.
7. Propozimet për pikat e rendit të ditës mund të bëhen nga:
 - a. Konsensusi i Këshillit
 - b. Grupet politike në Këshill
 - c. Nga minimumi dy Këshilltarë
 - d. Nga një Komisioni i Këshillit
 - e. Nga Kryetari i Bashkise
 - f. Nga një Bord apo Komitet Këshillimor i miratuar nga Këshilli
 - g. Iniciative qytetare /kërkesë të shkruar nga një grup qytetarësh apo OJF
8. Këshilli mund të shtojë pika në rendin e ditës për çështje emergjente, sic janë çështjet që prekin menjëherë shëndetin publik, sigurinë dhe mirëqenien e komunitetit, të tillë si mungese e rendit civil masiv, katastrofat dhe emergjencat e tjera të rënda. Arsyja (et) për shtimin e një pike të çështje emergjent në rendin e ditës do të shpallet publikisht në mbledhje, dhe çështja do të përfshihet në proces-verbalin e mbledhjes.
9. Kryetari i Këshillit në konsultim me Kryetarin e Bashkisë do të rishikojnë të gjitha kërkesat e derguara me shkrim për përfshirjen e çështjes për shqyrtim në rendin e ditës së Mbledhjen e Këshillit, dhe do të synojnë miratimin me marrëveshje dhe përfundimtar të të gjitha pikave të rendit të ditës.
10. Këshilltarët i paraqesin me shkrim/e-mail Kryetarit të Këshillit çështjet që kanë për të diskutuar, pesë (5) ditë përparrë mbledhjes, si dhe për dijeni këshilltarëve të tjera, duke kërkuar dhe praninë e përfaqësuesve të Administratës së Bashkisë apo të institucioneve të varësisë që kanë lidhje me problematikat dhe çështjet që do të diskutojë Këshilltarë apo Grupi i Këshilltarëve.
11. Rendi i ditës miratohet nga Këshilli¹¹⁶. Para propozimit për të aprovar rendin e ditës, Kryetari/ Kryesues i drejtohet Këshilltarëve nëse dëshirojnë që një pikë e rendin paraprak të ditës të paraqitur të hiqet apo të shtohet një pikë tjetër. Publiku i lejohet të komentojë pikat e rendit të ditës. Mociioni për miratimin e rendit të ditës së Mbledhjes, për heqjen apo shtimin e një pike në rendin paraprak të ditës bëhet në orarin që është parashikuar në rendin paraprak të ditës. Një pikë që hiqet nga rendi

¹¹⁵Ligji 8480/1999, neni 7/1.

¹¹⁶Ligji nr. 139/ 2015, neni 53/5.

paraprak të ditës mund të rifutet si pikë e rendit të ditës në të njëjtën Mbledhje kur për këtë voton shumica e të gjithë Këshilltarëve të Këshillit.

12. Çështjet shtesë që miratohen për t'u futur në rendin dhe për t'u shqyrtaur në Mbledhje, shqyrtohen pasi të ketë përfunduat shqyrtimi i pikave të rendin paraprak të ditës që i janë shpëndarë Këshilltarëve përparrë Mbledhjes, përveç se kur shumica e të gjithë Këshilltarëve të Këshillit votojnë.
13. Në një mbledhje të radhës/jashtë radhe Këshilli, gjatë diskutimit të rendit të ditës, Këshilli mund të shtojë një çështje në rendin e ditës së propozuar vetëm kur kjo kërkojen nga 2/3 (dy të tretat) e numrit të përgjithshëm të Këshilltarëve¹¹⁷.
14. Sekretari përgatit versionin përfundimtar të projekt rendit të ditës dhe pasi e nënshkruan Kryetari i Këshillit, ia shpérndan Këshilltarëve dhe e bën publik.
15. Bashkë me rendin paraprak të ditës Sekretari u shpérndan Këshilltarëve edhe përbledhjen e çështjeve të rendit të ditës që i janë shpérndarë Komisioneve të Përherershme për shqyrtim, si dhe rendin e punës të secilit Komision të Përherershëm, dhe i bën ato publike. Kryetari i Këshillit konsultohet paraprakisht me Kryetarët e Komisioneve për shpérndarjen e çështjeve të rendit të ditës tek Komisionet, në mënyrë që të evitojë çdo kundërshti apo paqartësi, përveç rasteve kur kërkohet nga Ligji, nga kjo rregullore, nga misioni i Komisionit apo nga një vendim i Këshillit.
16. Këshilltarët pajisen nga Sekretari me paketën e projekt rendit të ditës të publikuar, duke ia dorëzuar çdo Këshilltar me postë dhe email.
17. Paketa e projektrendit të ditës përmban dokumentin e rendit të ditës, çdo projektakt apo projekt ndryshim akti, relacionin përkatës dhe dokumentacionin mbështetës që kanë lidhje me çështjet e rendit të ditës.

Neni 67

Rendi paraprak i ditës, i mbledhjes së Këshillit Bashkiak

Një mbledhje e radhës e Këshillit ka këtë rend dite (Model):

- Deklarimi i fillimi të Mbledhjes nga Kryetari/Kryesuesi
- Apeli i pjesëmarrjes dhe deklarimi i kuoromit nga Kryetari/Kryesuesi
- Njoftim nga Kryetari/Kryesuesi per çështje emergjente
- Miratimi i rendit të ditës
- Dëgjesat publike
- Paraqitja nga Këshilltarët e çështjeve dhe problematikeve te komunitetit
- Deklaratat e Konfliktit të Interesit
- Projektaktet (*shqyrtimi dhe miratimi*)
- Rishqyrtim i projekt-akteve dhe rezolutat të Këshillit.
- Projekt akte dhe rezolutat të reja
- Dhënje Titujsh dhe Prezantimet
- Çështje të papërfunduara
- Çështje të reja
- Vepërime/diskutime të tjera
- Raporte të Komisioneve të Këshillit
- Raporte të institucioneve, ndërmarrjeve, agjencive në varësi të Bashkisë
- Shtyrja e Mbledhjes (nëse kërkohet)
- Mbyllja e Mbledhjes

¹¹⁷Ligji nr. 8480/1999 nen 8.